


吉林志稿

(吉林外記)

地420  
36/2  
:1-10



卷一

御製詩歌

卷二

疆域形勝

山川

城池

卷三


滿洲蒙古漢軍

建置沿革

驛站

船艦橋梁

卷四



職官

兵額

卷五

俸餉倉儲

事宜

卷六

學校


學額

儒林文苑

祠祀

卷七

田賦



物產

公署

人物

卷八

時令

風俗

貞節


雜記

卷九


古蹟

卷十

雙城堡



伯都訥屯田



天下府州縣莫不有志

盛京有通志黑龍江有志又有紀吉林為我

朝發祥根本之地並無紀載豈非闕典謫居吉林人員內不乏名家何難濡筆第人地兩生不知風土人情山川地名又多係國語以漢文字音求解鮮不舛亥此

富崧巖大憲之所以不委諸外員而命

薩英額

作紀也

憲諭諄諄責成甚切不便固辭有負

大憲問政觀俗作人雅化之意於是退食之暇搜羅採訪集腋成裘雖文采不足觀而事必徵實言皆有據並考志內所載畧其所詳詳其所畧共成數篇分別條類呈

正惟是吉林通省舊城遺跡甚多未及遍考不免掛漏而大憲之蒞吉林四任建義學調劑驛站官庄請書籍梟盜魁




嘉慶二十四年緝獲盜首劉德王五二犯刑司援引擬遣大  
憲馭飭響馬強盜得贓例具 奏臬示西門外盜劫之風遂息

設雙城堡屯田墾伯都訥開荒備移京旗開旗人萬年之生  
計種種善政不可枚舉自愧學淺不能詳述統俟後之君子

吉林堂主事 薩英額 謹識

吉  
林  
烏  
拉  
興  
界  
圖








盛京通志列吉林將軍所屬形勢圖瞭如指掌亦既詳且明矣  
此圖僅繪

長白山望祭山紀瑞也繪松花江及邊柵紀關津也繪四鎮四  
協紀官也一統河暨邊外之長春廳附馬紀台站紀墩里也  
且補通志所無展卷之餘益著同軌之盛焉



卷一

御製詩歌



御製松花江放船歌

康熙二十一年

松花江江水清夜來雨過春濤生浪水疊錦繡縠明綵帆畫  
鷁隨風輕簫韶小奏中流鳴蒼巖翠壁兩岸橫浮雲耀日何  
晶晶乘流直下蛟龍驚連檣接艦屯江城貔貅建甲皆銳精  
旌旄映水翻朱纓我來問俗非觀兵松花江江水清浩浩瀚  
瀚衝波行雲霞萬里開澄泓

御製詩經葉赫廢城

斷壘生初草空城尚野花翠華今日幸谷口動鳴笳

入烏拉境

蒼山岌嶭路綿延野燒荒原起夕烟幾點寒鴉宿枯樹半灣  
流水傍行旃

松花江網魚最多頒賜從臣

松花江水深千尺捩柁移舟網親擲溜洄水急浪花翻一手  
提網任所適須臾收處激頽波兩岸奔趨人絡繹小魚沉網  
大魚躍紫鬣銀鱗萬千百更有巨尾壓船頭載以牛車輪欲  
折水寒冰結味益佳遠笑江南誇魴鯽徧令頒賜扈從臣幕  
下傳薪運烹炙天下才俊散四方網羅成使登巖廊爾等觸  
物思比託捕魚勿謂情之常

駐蹕烏拉之船廠憶壬戌春夏巡行此地每五日一奏請  
聖祖母太皇太后安今不可得矣書志慨慕

曾問

慈寧草奏箋夜張銀燭大江邊重來往事俄追憶轉眼光陰十  
七年烏拉山嶼間古木灌莽澤潦遍野即黃龍府之地也  
今人未暇詳考賦詩二首

層岡翳蒼亂高低駿馬迎風不住嘶磧裏草深行潦濶遲回  
應惜錦障泥

其二

路轉山環襍古柯覆茅苫舍傍坡陀疆隅湮沒遼金界虎穴  
鷹巢處處多

行圍所經輝發葉赫哈達諸地皆我

祖宗之所開并遺跡存焉賦詩二首

鉄馬金戈百戰時戒衣辛苦首開基榻邊鼾睡聲先定始布

中原一著棋

其二

垣墉遺跡尚山坳畧地平城闢土茅邊滌塵沙真不易仰思

遺烈駐雲旂

御製詩 乾隆十九年

七月五日東巡自避暑山莊啟蹕之作

避暑居停逮曉秋朝來清蹕啟龍旂  
遠人宴賚鴻儀備炎月  
棲遲馬足休怡悟茲來即向往因思欲進每資留  
山田是處  
蕊華黍未敢先期道有收

上

陵誠蘊十年餘曠日金風行色舒  
山館南看嶂猶近吉林東指路  
還紆每懷候度咨休助常喜

慈寧奉起居七萃率能知大義寧因跋涉怨咨予




賜吉林將軍傅森

乾隆十九年


數處開牙盡有名大東坐鎮翼陪京將軍底事無勳勩累洽

重熙值太平



入伊屯邊門

部落行將遍吉林望不遙迎人山色近礙路漲痕消村墅經  
楓葉邊墻進柳條初來原故土所遇匪新招瞻就心何切勤  
勞意豈驕省方逢大吉寶穡報豐饒



賜吉林將軍及官兵丁宴

黃幔青山皜日晴沛豐歡宴浹羣情恩頒軍士皆覓藻席預

嘉賓適鹿鳴

時蒙古王公扈駕者亦令入宴

却喜多人能舊舞

國朝喜起舞乃舊俗宴樂

每用之俗所謂

嘛克新者也

翻嫌小部鎮新聲本來此地無租賦底用當

筵額減征

駐蹕吉林將軍署復得詩三首

霏微夜雨曉來輕  
啟蹕油雲倏忽生  
幾點秋霖剛過陣  
滿空  
暘日大開晴地靈  
信是麻祥兆人意  
都增悅豫情

天作高山景仰近  
應歆切切繼

先誠

星漢南來直北流

國語松阿里烏拉松阿里者  
即天河也漢語因名松花江

縈迴濟沅衛


神州城臨鏡水滄煙上地接屏山  
綠樹頭輻輳閭闔市中日

往來舸艦織清秋設教圖入丹青  
畫應擬宣城謝氏樓

皇祖當年駐禁衛迎鑿父老尚能  
誇詎無灑掃因將敬所喜樸淳  
總不奢木柱烟筒猶故俗紙窓日  
影正新嘉盆中更有仙家草五  
葉朱旒茁四極

駐蹕庫勒訥窩集口

窩集夫何許遙瞻已不几真堪稱樹海乍可悟華嚴紫翠紛  
問阿龍葱鎖峯巖恰如望瀛渤未飲早知鹹



乾隆四十三年

人獲

深山邃谷中獲枝滋茁歲產既饒世人往往珍為上藥蓋神  
率鍾毓厥草効靈亦王氣悠長之一徵耳

奧壤靈區產神草三極五葉邁常倫即今上黨成凡品自昔

天公荐異珍

昔陶弘景稱人參上黨者佳今唯遼陽吉林寧古塔諸山中所產者神効上黨之參真同凡卉矣

氣補那分邪與正

人參固能扶羸濟弱然余謂其助正氣即助邪火而人多思藉以資補每受其害而不

悟亦足

口含可別偽和真文殊曰能活能殺冷笑迷而不悟人

唾矣

貂

烏拉諸山林中多有之人以捕貂為恒業歲有貢貂額第其  
等以行賞冬時供御用裘冠王公大臣亦服之以昭章采

東瀛物產富難詳美毳尤稱貂鼠良喜食松皮和栗實色惟

重黑乃輕黃貂以豐厚純黑者為上黃又次之毛澤潤而香  
則以喜食松栗之實故也

燕談被困蘇季子狗盜獻唾齊孟嘗狐白那堪相比擬名裘

黼黻佐朝章

貂裘可作常服三品以上大臣及京堂翰詹官  
皆得用之若為端罩惟以供餘則皇子諸王亦

得用為祭  
朝祭之服

東珠

東珠出混同江及烏拉寧古塔諸河中勻圓瑩白大可半寸

小者亦如菽顆王公等冠頂飾之以多少分等秩昭寶貴焉

出蚌陰精稱自古大東毓瑞未前聞混同鴨綠

二江名

圓流顆

合浦交州獨產分取自珠軒供賦役

採珠者乃打牲烏拉包衣下食糧人戶合數人

為一起謂之珠軒以四月乘舟往至八月回各以所得之珠納之於官如供賦焉



松子

松子諸山皆產而遼東所產更勝蓋林多千年之松高率數百尺枝幹既茂故結實大而芳美亦足徵地氣滋培之厚也

窩集林中各種松中生窠者亦稀逢大雲遙望鋪一色寶塔

近瞻湧幾重

松子生松塔中其形下豐上銳層瓣鱗砌望之如窠堵每瓣各藏一粒既熟則瓣開而子落

鱗切蚌含形磊落三稜五粒味甘濃僊仙曾遺堯弗受小矣

子房學步蹤

法喇 柁床也

似榻無足似車無輪冬日御之亦有施氈幄及麀鹿皮圍者  
以馬牛騾挽行冰雪中穩捷便利

服牛乘馬取諸隨制器殊方未可移似榻似車行以便曰冰  
曰雪用皆宜孤蓬雖避風帆疾峻坂無愁銜厥危太液柁床

龍鳳飾椎輪大輅此堪思

拉哈 巧墻所綴麻也

築土甃坯為墻壁以橫木約尺許為一檔綴麻草下垂緣之  
以施巧墻經久不倒亦國初樸素故俗也

層層坯土砌為墻綴以漚麻色帶黃婦織男耕斯室處幼孳  
壯作舊風甃底稱鑿適顏家閭漫喻採唔巧者王故俗公劉  
傳芮鞠九重此况慎毋忘

霞綳 糠然也

以蓬梗為幹搏穀糠和膏塗之燃以代燭用資其亮開國勤  
儉之風即可見

搏糠塗梗傳之膏繼日相資夜作勞土障葛燈應憶樸駝頭  
鳳腦漫誇豪未知勤讀鄰鑿壁且佐服田宵索綯此日舊宮  
試燃者稱先何異土風捺

周斐 樺皮房也

樺皮厚盈寸許取以為室覆可代瓦旁作墻壁戶牖即以山  
中所產之木用之費不勞而工省滿洲舊風無東周之陶復陶穴也  
野處穴居傳易傳去聲樺皮為室鮮前聞風何而入雨何漏梅  
異其梁蘭異焚占吉簷頭鵲常報防寒墻角鼠還熏稱名則  
古惟淳樸却非斐然周尚文

賜吉林將軍福康安 乾隆四十三年

從征能奮武

福康安以侍郎命征勒金川奮勇著績錄其功授嘉勇男世爵列紫光閣前五十功臣

貳部亦通文知可棟梁任因教節鉞分迎鑿仍扈蹕鑿涸匪

嘉勤汝父家聲在

福康安為故大學士忠勇公傅恒之子

勉之尊所聞

賜吉林將軍慶桂

乾隆四十八年

連疆因覲謁扈蹕日趨隨雖未父書讀

慶桂乃伊繼善之子繼善詞臣出身慶桂

由父廕得官


猶存世德規俾之習政事

曾在軍機處行走

已可鎮邊陲夫


子訓益武其言汝尚思

慶桂多病且尚有生母故訓之



賜吉林將軍秀林 嘉慶十年

皇清發祥始福地接興京境擅山川異人皆弧矢精抒忠盡  
汝職務本副予誠訓練咸英銳舊章慎勿更





賜吉林將軍松霖 嘉慶二十三年

天造邦家肇吉林寔故鄉白山發祥遠黑水溯源長守土依  
前則詰戎率舊章頑民勤教化務令順網常

仿通志首列

天章所以尊

聖訓而昭敬謹也

薩吉夫主政以所編吉林外紀見示載尚書

富崧巖施惠政多因題其後

挹婁陳蹟久難尋安樂今傳治世音都會盡沿新鴨水醇風

直溯古鷄林金城

雙城堡為金時故城

獨纂農桑要

王晚香太守新編雙城堡屯田紀畧

三七乃崧巖帥創造

玉塞三膽榮戰臨

崧巖帥三任吉林將軍

賴有文人能

載筆桑陰紀遍又崇陰

元伯馬瑞辰謹題

元伯安徽桐城人進士出身初任至工部郎中因公獲罪

遣戍瀋陽城委書院山長生徒中式二名著有成效將軍

富俊

奏

賞主事銜升工部副郎又獲咎遣戍黑龍江捐贖回籍見此紀前

篇故有此作




卷二

疆域形勝

山城

池川



疆域形勝

吉林烏拉在京師東北二千三百里我

朝發祥之始為滿洲虞獵之地順治十五年因防俄羅斯造戰船於此名曰船廠後置省會移駐將軍改名吉林烏拉寧古塔伯都訥三姓阿勒楚喀打牲烏拉各城隸焉國語吉林沿也烏拉江也以軍民居住沿江之一帶也康熙二十四五年間

諭旨內謂幾林烏喇舊志又謂吉臨烏喇曰幾與吉臨與林漢字音同也今通稱吉林從漢語之訛省文也然於國語不相屬焉其境南至訥秦窩集七百三十里至


長白山一千三百里東至都嶺河寧古塔界四百里西至威遠堡

盛京界五百七十里北至法特哈門黃山嘴子伯都訥界一



百九十五里遠迎

長白近繞松花扼三省之要衝為兩京之屏障是吉林烏拉  
之形勝也




布特哈烏拉舊為那拉氏布占泰貝勒之國

太祖討平之授其子孫官職編戶萬家舊城臨江康熙二十四年  
改築於舊城之東防水患也

聖祖巡幸駐蹕謂黃龍府即其地賦詩有疆隅湮沒遼金界虎穴  
鷹巢處處多之句布特哈譯言虞獵也烏拉江也故有打  
牲烏拉之稱漢語也烏拉國語也連讀之則以烏拉為地  
名於國語亦不相屬焉通志亦作打牲烏拉城在今省城  
北七十里南至三家村四十里北至康家屯六十八里東  
至團山子二十三里西至恩五口二十四里皆與省城連  
界峯呈東嶺屏列一方水漾松花帶環三面是布特哈烏  
拉之形勝也

以後吉林烏拉書吉林布特哈烏拉書烏拉從漢語省文也

伊通河以河得名河源出額黑峯北出邊外入混同江舊  
志作易屯河而於河出邊之處又曰一統門易屯一統皆  
伊通之訛音也在省城西二百九十里東連省會西達開  
原兩省通衢一水環繞是伊通河之形勝也



額穆赫索羅舊窩集部地也以額穆和湖得名索羅國語  
也


太祖命貝勒巴雅喇率兵征東海取鄂摩和索羅屯寨即此額穆  
赫也音同字異今漢語直稱為額穆索矣在省城東三百  
六十里山衛三方水環一帶是額穆赫索羅之形勝也



巴彥鄂佛囉邊門舊名法特哈以山得名山在法特哈江  
西高十餘步周數步形如獸蹄山根下有蹄爪之痕


聖祖巡幸駐蹕指門外黃嘴子改名巴彥鄂佛囉門在省城東北  
一百八十里門外至黃山嘴子十五里伯都訥界國語法  
特哈蹄也巴彥富也鄂佛囉山嘴也

伊通門即易屯邊門又稱一統門在省城西北一百九十  
里門外長春廳界



黑爾蘇邊門即克勒蘇門黑爾蘇

長白山西北河名稱克勒蘇者漢語還音之訛也舊志亦作  
黑爾蘇在省城西北四百六十七里門外蒙古界



布爾圖庫邊門舊名布爾圖庫蘇巴爾漢又名半拉山門  
布爾圖庫未詳或稱蒙古語完全之義蘇巴爾漢國塔也  
以門之東南塔山為名乾隆年間奉部文裁蘇巴爾漢四  
字惟稱布爾蘇庫舊志稱布爾得庫蘇巴爾漢門在省城  
西北四百六十里門外蒙古界

以上四門自法特哈東亮子山至布爾圖庫西威遠堡  
門圍長六百二十二里邊柵高四尺五寸邊壕寬深各  
一丈

聖世遐邇晏康貢琛萬國邊門之設誌疆域也

長春廳蒙古郭爾羅斯地也郭爾羅斯公恭額拉布坦私  
招內地民人張立緒等開地嘉慶四年奉

旨派將軍秀林會同盟長拉旺前往查辦將軍秀林等以事閱多  
年已開地二十六萬餘畝居民二千餘戶未便驅逐

奏請設立通判巡檢彈壓歸吉林將軍管轄在省城西北二  
百八十里南至伊通邊門十五里省城界東至穆什河一  
百九十里西至巴延吉魯克山四十里北至吉家窩鋪一  
百七十二里皆蒙古界枕山帶河遠鎮沙漠是長春廳之  
形勝也

寧古塔國語數之六也 開國方畧

六祖各築城分居稱寧古塔貝勒因以為名又稱以塔為名者附會也城在今省城東南五百九十里南至土門江朝鮮界六百里東至海三千餘里西至都嶺河吉林界二百五十里北至混同江蒙古蒙六百里南瞻

長白北繞龍江允邊城之雄區壯金湯之

帝里是寧古塔形勝也

琿春以河得名與朝鮮清源府僅隔一江晝則樵採相望  
夜則更鼓可聞

太祖時已有此地八旗世族通譜謂為舒穆魯氏滿洲喜爾泰等  
所居之地喜爾泰大學士舒赫德曾祖也地在省城東南  
一千二百里南至海一百一十里北至佛恩恒山一百二  
十里寧古塔界東至海二百八十里西至土門江二十里  
朝鮮界左環滄海右帶門江外控高麗內屏重鎮是琿春  
之形勝也

伯都訥蒙古謂鶉曰布都訥今通稱伯都訥者轉布為伯也舊志作白都訥

國初錫伯所居之地錫伯蒙古別族也或稱有蒙古台吉薩顏岔一戶居住此地今伯都訥蒙古佐領即其遺屬也城在今省城西北五百四十里南至松花江郭爾羅斯查渾界二里西至同東至蘭陵河阿勒楚喀界一百三十里北至松花江郭爾羅斯八圖界七十里江帶三方田沃萬頃是伯都訥之形勝也



三姓又名依蘭哈拉國語依蘭哈拉三姓也乃努葉勒葛  
依克勒潮西哩三姓赫哲也赫哲俗稱黑津指水為名也  
通志稱黑真

聖祖時三姓赫哲貢貂皮編三姓族長為三世管佐領因以為名  
城在省城東北一千三百里南至阿穆蘭呼勒山寧古塔  
界二百八十六里北至布雅密河古木訥城黑龍江界四  
十里東至海四千八百里西至占哈達阿勒楚喀界二百  
八十里雙江帶環兩山屏障是三姓之形勝也


阿勒楚喀以水得名宋史女貞國居按出虎水之上通志  
金始祖居布爾噶水之涯至敵祖定居於阿勒楚喀水之  
側舊作按出虎此為女貞舊地無疑按清字音按與阿似  
近出與楚字同虎字首與喀字首同本處人習於國語轉  
音之訛也俗稱阿什河亦按出虎之訛音也舊志作阿尔  
楚喀城在省城東北四百六十里南莫楞山一百二十里  
伯都訥界北至松花江七十里蒙古界東至馬彥河二百  
里三姓界西至蘭陵河一百二十里伯都界松花江北繞  
蘭陵東注是阿勒楚喀之形勝也

拉林舊志稱蘭陵以河得名清字拉與蘭林與陵音母同  
而轉音不同今通稱拉林轉音之訛也地在省城東北四  
百里南至拉林河二十里伯都訥界北至松花江一百八  
十里黑龍江界東至阿勒楚喀河五十里阿勒楚喀界西  
至拉林河五十里伯都訥界山環東北水繞西南是拉林  
之形勝也

雙城堡舊名雙城子拉林多歡站西北二十里有土城基  
二相去甚近城基周圍皆不及一里自城基北叢草迷離  
間有居民迤邐百餘里統而名之曰雙城子蓋金故城而  
莫考其詳也舊屬拉林協領管界嘉慶二十年將軍富俊  
軫念旗丁生計親詣履勘以斯地沃衍坦平可以移駐京  
旗閒散二三千戶

奏定先撥本省閒散開種後移駐京旗設立中左右三屯每  
屯八旗各旗各分兩翼居中者為中屯東為左屯西為右  
屯計人授畝有古井田遺風設協領等官督耕並資彈壓  
地在省城東北四百九十里東西距一百三十里南北距  
七十里四面仍皆拉林界阿勒楚喀在其東伯都訥在其  
西實省北一大屏障蘭西繞松花東注南河北江前襟後

帶是雙城堡之形勝也



山川

長白山山海經作不咸山唐書作太白山明一統志云在故會寧府南六十里橫亘千里高二百里其巔有潭週圍八十里舊志云在永吉州東南一千三百餘里按故會寧府在寧古塔西南六十里湖爾哈河之南今其內外城遺址俱在永吉州即今吉林寧古塔在吉林東南五百四十餘里

長白山應在會寧府西南六百餘里康熙十六年內大臣武木訥等六月三日由吉林烏拉啟行十六日至山麓則舊志所云在永吉州東南一千三百餘里者是而明一統志所云在故會寧府南六十里者非然康熙二十三年駐防協領勒出等週圍相山形勢廣袤綿亘與明一統志所云無異則其所云在會寧府南六十里者或因金大定十二年即山北建廟冊為興國靈應

王有司致祭如今之望祭山人人稱為小白山遂指其建廟處  
而言歟或山之北延袤盤曲為岡為陵指其支裔而言歟山之  
靈異惟目睹為真因錄方渭仁

長白山記於左

長白山記

遂安方象瑛渭仁著

康熙十有六年四月望

上以長白山發祥要地

特命內大臣覺羅武木訥一等待衛兼

御前侍衛費耀色一等待衛塞護理等於大暑前馳驛往五月四

日啟行十四日至

盛京二十三日全烏喇宣

諭鎮守將軍等召村庄獵戶皆無知

長白者都統尼雅漠族祖戴穆布魯世採獵以老退閒自言祖居額赫訥陰聞其父嘗云獵鹿

長白山負以歸四日可抵家以此度之

長白山距訥陰當不遠因問訥陰路幾何獵戶噶喇大額黑等曰陸路行十日水路乘小舟二十日乃命獵人噶喇前導各持三月糧又慮食盡馬乏不能歸也期將軍巴海載米一身候於訥

陰於是噶喇大額黑等由舟覺羅率固山大薩布素由陸六月

三日啟行經文德赫恩河阿虎山庫納訥林雅爾薩河渾陀河法

布爾趾河那丹鄂佛囉地方輝發江拉法河水敷林巴克塔

河納爾渾河敷敷山卓龍窩河凡數十處抵訥陰而噶喇大等

亦至蓋自江逆溯由瓦努湖河至佛多和河復順流來會總七

日耳十一日發訥陰一望林莽迷不得路薩布素率旗甲二百人伐



木開道十二日悉衆行是日薩布素遣顧素等先後馳報前進  
約百數十里登一山升樹而望遙見遠峯白光片片殆長白山  
也因留噶喇大額黑督采珠蚌十四日與薩布素等會密樹茂  
林揣摩開路十六日黎明聞鶴鳴六七聲雲霧迷漫不復見山  
乃從鶴鳴處覓徑得鹿蹊循之以進則山麓矣始至一處樹木  
環密中頗坦而圓有草無木前臨水林盡處有白樺木宛如栽  
植香木叢生黃花爛熳隨移駐林中然雲霧漫漫無所見也衆

惶虔誦

綸音禮甫畢雲披霧捲歷歷可觀莫不歡呼稱異遂攀躋而上有勝地  
平敞如臺遙望山形長潤近視頗圓所見白光皆冰雪也山高  
約百里五峯環繞憑水而立頂有池約三四十里無草木碧水  
澄清波紋蕩漾繞池諸峯望之搖搖若墜觀者駭焉南一峯稍

低宛然如門池水不流山間則處處有水左流為松阿里烏喇  
河右流為大小訥陰河瞻眺之頃峯頭游鹿羣皆駭逸惟七鹿  
忽墜落衆喜曰神賜也蓋登山適七人時正乏食拜而受之回  
首望山倏復雲霧遂於十八日南回至前登山高望處一氣香  
冥不見有山光矣二十一日至二訥陰河合流處二十五日  
至恰庫河則訥陰東流合處也二十九日由恰庫河歷色克騰  
圖白黑噶爾漢噶大渾薩滿薩克錫法錫松阿里多渾大江險  
絕處凡九七月二日次烏喇十二日抵寧古塔遍閱會寧諸  
府八月二十一日還京具疏聞

上以發祥之地竒蹟甚多山靈宜加封號下內閣禮部議封為  
長白山之神歲時享祀如五嶽焉夫封山之典肇始唐虞然報祀  
嶽實非有關於鍾祥之自也志稱長白山橫亘千里高二百里

嶺有潭周八十里南注為鴨綠北流為混同

國家隆興所自然至今無知其處者

睿慮周詳穆然念

祖宗所由出專官訪求備歷險異卒先大典以答神庥其享天心而致

靈貺宜哉謹據原疏綴葺為記用志於萬世無疆之盛云

記內烏喇即吉林烏喇也

望祭山即溫德赫恩山志稱溫德恒山在城西南九里高一百

五十步週五里每歲春秋於山上望祭

長白山之神雍正十一年建望祭殿於此國語溫德赫恩板也


厄什哈山即龍潭山國語小魚曰尼什哈山之東北有小河出  
小魚因以名山山在城東十二里高三百步周十里四面陡壁  
西北有車道盤旋而上至其巔林木尤勝南行百餘步路旁有  
一池石砌相傳謂鯽魚池也北有龍潭周五十餘步水色碧而  
黑無論水旱無長無落周圍山高樹密遮蓋水面望之寂然遊  
人以繩繫石投之數十丈未得其底相傳

國初時潭中有鉄鎖繫於井木之上撼之則山樹動搖後立廟會  
男女觀者旅旅聚瀆一夜大風暴雨雷電交作井木斷折鐵鎖  
亦失所在潭之西南有二石穴外狹而內濶伏而入之可以容  
身無敢深入者探之黑暗有風又東南林內有樺樹一株高九  
丈徑二尺上下標直枝葉剪齊乾隆十九年

高宗純皇帝東巡封為神樹春秋祭祀與祭龍潭同日

一拉木山即東團山在松花江之東距城八里國語依蘭  
數之三也依與一蘭與拉音同一拉木者轉言之訛也曰  
東團山者所以別於西也西團山亦距城八里兩峯相對  
有左右拱峙之勢焉

北山在城外演武亭北高三百餘步層巒環抱廟宇暈飛  
俗以廟名其山曰玉皇閣迤東名元天嶺岡巒起伏東西  
綿亘四十餘里實城北一大屏障也



塞齊窩集穆魯在城東二百九十里俗稱張廣財嶺國語塞齊  
開闢也窩集密林也穆魯山梁也昔有民人張廣財在此開設  
旅店行者遂以名嶺嘉慶二十年將軍富俊巡寧古塔城十月  
初五日住宿山店初六日於山嶺頂席地叩祝

萬壽禮成後改名嵩嶺自嶺西至嶺東八十里叢林密樹南接英額嶺  
北通三姓諸山東西石路崎嶇僅容一車東出密林至額穆赫

索囉四十八里

長白望祭尼什哈一拉木北山嵩嶺之外山之著名通志者有

拉發峯倚努山額敦山娘爾馬峯珠魯木克善峯紅石礮

子山歪頭礮子山分水嶺喀巴嶺康山刪嶺湖淪嶺撒木禪

山俊團山巴彥博多科山阿脊革峯佛爾門山聖音吉林峯佛

思恒山飛得力山南勒克山北勒克山在伊通邊門西南元嘉博多克山阿虎峯何

屯朔山額黑峯薩克薩哈山博多克山墩臺山色黑力山八巖

喀喇山科七客山哈蘇蘭山衣蘭木哈連山奈蘭山烏綠梨山

黑嘴山吉林峯壺蘭峯壽山長嶺子古城山半截塔山白石山

衣車峯昂阿西峯德爾肯山阿脊革何托峯昂那何托峯扎克

丹峯勒幅山鈕黑嶺查庫蘭山香嶺八巖山木當阿烟台山哈兒

飛烟山蒙古谷今稱棉花街納光渾山富爾哈山大英額嶺大英額

山牙奇山五里山羅衫山台山博爾科山鄧噶喇山耕客山



尼馬呼山納爾渾山愛新山大奇木魯山年馬州山敦珠虎山

烏爾監峯貴勒峯赫牙克薩山威遠堡嘉色山九珠北齊嶺

雅呼達山珠魯木哈連峯虎駐嶺阿爾灘額墨爾山今稱大珠魯

喀爾必庫伊通河之左虎坤堆黑兒蘇山噶哈嶺蒲泊山驢子

峯色黑勒峯法西蘭峯羅羅峯馬鞍山噶哈嶺蒲泊山黑烏

郎吉山博屯山臘壺塔山北勒克山布尔圖庫蘇巴兒漢

山今稱半拉山西兒灘鄂佛羅山金珠鄂佛囉山商監峯法特

哈鄂佛羅山今稱獸蹄山伊漢山法兒馬峯色黑力山墨梭山加


松阿山笨籬山烏爾渾山通墾山英愛山蘇大路山輝賀

浴峯窩黑脊峯希喀塔山壺蘭峯布臘山查哈拉峯壁郎

吉山我兒滾爾山庫勒克山蘭陵山哈爾哈山索多和山

西里門山和爾托科山錦住峯團山牛山代土蘭峯撒爾

達山弗河庫山皆在境內距省城近者數里遠者數千里  
大半皆國語音譯多訛僅就通志之所載取而錄之以俟  
後之考正



松花江近城由西南繞東北流一名粟末水或作速末魏書勿吉國有大水濶三里餘名速末水唐書靺鞨依粟末水以居水源於太白山至北注沱漏河是也一名鴨子河一名混同江遼史聖宗太平四年詔改鴨子河曰混同江金史太祖收國元年親征黃龍府次混同江無舟金主使一騎前導乘赭白馬徑涉曰視吾鞭所指而行諸軍隨之水及馬腹後使人視其渡處深不可測大定二十五年冊混同江之神為興國應聖公立廟致祭其文曰江源出於

長白是也一名宋瓦江即松花江之變音明一統志混同江開原北一千五百里源出

長白山舊名粟末水俗呼宋瓦江北流經金故京會寧府下達五國城頭東入於海是也國語松花江也松阿哩烏喇

天河名松阿哩故漢語名曰天江乾隆十九年

東巡賜天江鎖鑰額懸將軍署四十三年

東巡詠盛京土產詩十二首內松花玉出混同口長白分源天漢  
江是也此歷代稱名之異也地理謂上京路有混同江宋  
瓦江鴨子河是歧而三之一也一統志既謂混同江在開原  
城北一千五百里俗呼宋瓦江又曰松花江在開原一千里是歧  
而二之也金史帝紀謂混同江亦名黑龍江是又指下流  
兩江交會處言之也按<sup>松</sup>花江發源於

長白山北至吉林折而東又北出法特哈邊門至伯都訥受  
嫩江又東北至三姓北受黑龍江南受烏蘇哩江又東入  
於海其原委如此

盛古塔西南百里有一大湖名曰鏡泊本處人呼為必爾  
特恩即今阿布湖也源出

長白山羣流湊集至此遂成巨漫廣五六里袤七十里許湖  
之西南曰虎兒哈河東流入湖之處有一崖曰呼庫圖崖  
呼庫圖未詳湖水東注飛瀑躡空奔浪雷吼聲聞數十里  
謂之響水又名發庫國語魚梁也三四月間日出時水光  
日色紅綠相映霞彩繽紛崖下奇花異草未易名狀今考  
本處人言湖水東流自湖東北口出湖之處有一崖陡壁  
凌空水勢懸流飛過數十丈行人經過崖下滴水不沾名  
曰吊水樓

城池

吉林城東西北三面築土為墻共一千四百五十一丈基寬五尺頂寬二尺五寸高一丈南面倚江無墻西一門東二門偏北曰大東門偏南曰小東門北二門偏西曰大北門偏東曰巴爾虎門康熙十二年兵力修建乾隆七年改為官修

城內五街由將軍公署通大東門曰河南街通小東門曰糧米行街通大北門曰北街通西門曰西街大西街每街由吉林廳挑放鄉地各一名專管呈報軍民命盜事件街道俱用木板鋪墊按左右翼適中地界均有各旗堆撥輪派官兵防守稽察鋪商惟北西二街最盛

舊城

尼什哈城在城東十二里龍潭山上週圍二里南一門北二門一拉木城在城東南八里一拉木山上週圍一里許東北各一門東西南三面有外城週圍二里許南一門相傳係當年瞭望處嘗登其巔四望極遠中不平坦又無屋基其說近是葉赫城在城西四百九十五里舊為葉赫貝勒所居方四里東西各一門西北有葉赫城有葉赫府城輝發城在城南三百七十里吉林峯之上方二百步西一門附近有輝發峯下有輝發河城

吉林所屬之伊通額穆赫索羅長春廳等處無城

烏拉城築土為牆週圍八里基寬三尺高八尺東西南各一門北一門康熙四十二年建

城內無市廛惟西門外有向西及南北街市商賈輻輳

寧古塔城四圍土坯砌城內外細泥巧飾方五百八十五丈  
基寬二尺頂寬一尺八寸高六尺五寸東西南各一門北無城  
門康熙五年兵力修建乾隆四十二年改為官修

城內無市廛居民舖商俱在東西南門外惟東門外尤為叢  
集居民均在南門半里許沿江一帶

寧古城所屬之琿春無城

伯都訥城四圍土坯砌牆兩面細泥巧飾方一千三百五十  
丈基寬三尺五寸頂寬二尺五寸高八尺東西南北各一門  
康熙三十二年兵力修建乾隆三十九年改為官修

城內舖商均在南街北街無市東即星散西尤蕭疎  
伯都訥所屬之琿榆樹無城



三姓城四圍築土為牆方一千二十六丈基寬五尺頂寬二尺五寸高七尺東西南北各一門康熙五十四年兵力修建乾隆十七年改為官修

城內無街市惟西門外街市甚盛

阿勒楚喀城四圍板牆方七百四十五丈乾隆四十八年改為土牆基寬三尺頂寬一尺六寸高七尺東西南北各一門雍正七年兵力修建乾隆三十五年改為官修

城內無街市惟西門外商賈輻輳街道俱係石板鋪墊近亦傾圮不便行旅

城南二里許有金顯祖建都故城俗稱曰白城有謂五國城者誤方四十里高丈餘城壕深六尺許東西南北各一門內有小城及宮殿舊址該處居民嘗挖得金玉銅磁諸器及古銅錢現在

猶有存之者該處仕宦住宅脚石及鋪街石板凡有雕鏤花紋者俱由北城攜去今過其地滿城稼穡一望荒涼城西門外二里許有土岡一座高丈餘相傳為當時將臺云

雙城堡城基方


丈城壕挖竣尚未修城

阿勒楚喀所屬之拉林無城

卷三

滿洲蒙古漢軍

建置沿革



滿洲蒙古漢軍


吉林本滿洲故里蒙古漢軍錯屯而居亦皆習為國語近數十年流民漸多屯居者已漸習為漢語然滿洲聚族而處者猶能無忘舊俗至各屬城內商賈雲集漢人十居八九居官者四品以下率皆移居近城三二十里內侵晨赴署辦事申酉間仍復回屯其四品以上職任較繁者不得不移居城內子孫遂多習漢語惟賴讀書仕宦之家防閑子弟無使入莊嶽之間娶婦擇屯中女不解漢語者以此傳家庶能返淳還樸不改鄉音耳



滿洲有佛伊徹之分國語舊曰佛新曰伊徹

國朝定鼎以前編入旗者為佛滿洲佛滿洲內有貝國恩布特  
哈之分貝國恩國語戶也布特哈虞獵也 國初協領佐領  
由京補放子孫移居立戶於此謂之貝國恩舊在 白山一  
帶虞獵為生者謂之布特哈伊徹滿洲內有庫雅喇之分庫  
雅喇非一部一姓有即以庫雅喇為姓者有庫雅喇人而別  
姓其居多在寧古塔以東定鼎後入旗伊徹滿洲居三姓烏  
蘇里東西八旗又在庫雅喇以後庫雅喇與伊徹滿洲寔截  
然兩項其世襲佐領亦各有分晰故各項伊徹滿洲世襲佐  
領曰伊徹滿洲佐領庫雅喇世襲佐領曰庫雅喇佐領佛滿  
洲之異於伊徹滿洲者先世隨同


太宗撥亂反正立有戰功總之佛與伊徹庫雅喇皆滿洲也共編入  
八旗鑲黃正白鑲白正藍為左翼正黃正紅鑲紅鑲藍為右翼  
左右翼國語曰達斯歡噶喇哲伯勒噶喇



佛滿洲同族在京者有世襲佐領吉林雍正黃旗有一世襲  
佐領色布青額係布特哈佛滿洲人查檔其始祖岱山於康  
熙三年率族衆投進盛古塔

恩賞世襲佐領然則佛伊徹滿洲之分不待定鼎入旗而國初之先  
已早有分別矣庫雅喇伊徹滿洲率族衆來投者遂編其穆  
昆達為世襲佐領阿勒哈穆昆達為世襲驍騎校率所屬來  
投者遂編其嘎山達為世襲佐領法拉哈達為世襲驍騎校  
自雍正年間將世襲驍騎校裁為公缺猶有嘎山達法拉哈  
達世襲佐領者穆昆達漢語族長也阿喇哈漢語副也嘎山  
達鄉長也法喇哈達里長也故伊徹滿洲佐領下同姓者居  
多不似佛滿洲佐領下姓氏煩多也陳蒙古俱編入滿洲八  
旗各佐領下均有二三戶至六七戶不等新蒙古亦有世襲

佐領陳漢軍編入滿洲廂黃正白兩旗另立漢軍佐領二





蒙古亦有新陳之分錫伯瓜勒察乃兩大部

太祖癸巳蒙古科爾沁暨葉赫等九國犯我此二部即在其內至  
天命四年蒙古科爾沁之嫩烏拉以南凡語言相同之國俱征服  
而統定錫伯瓜勒察早編入蒙古旗矣天命七年八年及天聰三  
年喀勒喀諸部貝勒台吉等屢率所屬來歸天聰九年察哈爾  
林丹漢死其屬紛紛來歸遣將軍率兵往收之舉國內附是年  
各處蒙古俱歸降其居故土者為藩服其編入旗者即陳蒙古也  
至後投入旗之新蒙古喀勒喀則台吉阿玉喜之裔也至喀勒  
喀全部之八十扎薩克即今之蒙古外八十旗也巴爾虎台吉  
阿玉喜之屬下人阿玉喜家譜內初編佐領以阿玉喜之姪綽  
斯克為巴爾虎世襲佐領可証也錫伯瓜勒察則

太祖時歸服之遺分屬蒙古各王公旗下後投入旗二項人最衆伯都訥

本其舊部故康熙三十一年將吉林副都統移駐伯都訥除  
吉林編設錫伯人等十六佐領外伯都訥編設錫伯佐領三十  
瓜勒<sup>察</sup>佐領十至康熙三十八年伯都訥錫伯瓜勒察移駐  
盛京乃將佐領裁汰今伯都訥所居錫伯乃京王公色衣人  
有色衣達管之不入旗當差至伯都訥瓜勒察旗人相傳

聖主巡幸吉林時念其隸於蒙古每戶

賞銀八十兩贖歸入旗檔案殊無証據


漢軍之編入滿洲鑲黃正白兩旗者皆為陳漢軍其後安  
置之新漢軍自

國初即有十官莊二十六驛站二十七邊台官莊當種地打樺皮  
差使稱曰壯丁驛站當馳送文報差使稱曰站丁邊台當查邊  
設立柵壕差使稱曰台丁皆另設官治之非如滿洲蒙古即於

本旗本翼內揀選也官莊台站三項設立年分檔案已失順治十  
五年造戰船康熙二十二年造運糧船設立水手營稱曰水手  
其官即於官莊台站水手之入會稽司者揀選水手營入會  
稽司者八百五十六戶官莊台站無考雍正十一年揀選  
台站水手營閒散官莊打樺皮壯丁一千名設立烏鎗營  
與滿洲蒙古陳漢軍一體當差

建置沿革

吉林古肅慎氏遺墟漢晉挹婁國南北朝勿吉地唐燕州  
黑水府渤海大氏龍泉府遼長春州金恤品路元合蘭府  
水達達路明設衛所



順治元年悉裁諸衛設內大臣副都統及每旗駐防十年原設

寧古塔昂邦章京一員副都統一員佐領八員驍騎校八員十

三年添設防禦四員十八年添設佐領十員防禦二員驍騎校

十員康熙元年將昂邦章京改為鎮守寧古塔將軍三年添設

駙站監督六品官一員佐領一員七年添設協領二員十年由

寧古塔移駐吉林副都統一員佐領十一員驍騎校十一員吉

林添設滿洲協領八員防禦八員庫雅喇佐領十二員驍騎

校十二員十三年添設防禦十五員管戰船運糧船四品官二

員五品官二員十五年寧古塔將軍移駐吉林吉林副都統移駐

寧古塔吉林另放副都統一員十六年添設新滿洲佐領二十六

員驍騎校二十六員管戰船運糧船驍騎校二員十七年添

設新滿洲佐領三員驍騎校三員二十年添設巴彥鄂佛囉伊

通黑爾蘇佈爾圖庫等四邊門防禦四員筆帖式各一員二十  
三年管戰船四品官五品官驍騎校移駐黑龍江二十五年添  
設吉林運糧船四品官二員五品官二員六品官二員添設駙  
站監督六品官一員二十九年移駐黑龍江佐領二十五員防  
禦十四員驍騎校二十五員吉林添設滿洲佐領五員錫伯漢  
軍佐領二員防禦十四員驍騎校七員漢軍佐領一缺由京補  
放添設醫官一員三十一年添設倉官一員由本處補放添設  
伯都訥印房左右司筆帖式四員吉林副都統移駐伯都訥添  
設滿洲佐領六員驍騎校六員錫伯佐領十六員驍騎校十六  
員喀勒喀巴爾虎佐領八員又添設錫伯佐領三十員驍騎校  
八員瓜勒察佐領十員添設協領二員防禦八員驍騎校四十  
員二十三年添設左右翼助教官二員蒙古繙譯筆帖式二員

俱由

盛京八品筆帖式內補放三十三年添設管檔主事一員由吉林  
本處選放添設蒙古繙譯筆帖式一員三十四年添設伯都訥  
倉官一員倉筆帖式二員滿洲協領六員三十五年添設倉官  
一員三十八年添設滿洲佐領一員驍騎校一員錫伯移京裁  
汰佐領十六員驍騎校十六員錫伯瓜勒察等移

盛京裁汰佐領四十員驍騎校四十員四十年裁汰協領六員添  
設蒙古佐領二員驍騎校二員二十五年添設寧古塔佐領三  
員防禦三員驍騎校三員添設滿洲瓜勒察佐領十員驍騎校  
十員五十三年添設三姓協領一員防禦四員新滿洲佐領四  
員驍騎校四員筆帖式二員琿春協領一員防禦二員庫爾喀  
氣佐領三員驍騎校三員

庫爾喀氣朝鮮  
附近居住滿洲

三姓筆帖式二員雍

正三年添設吉林副都統一員阿勒楚喀協領二員佐領五員

防禦二員驍騎校五員筆帖式二員四年添設伯都訥教習官

二員裁汰巴爾虎佐領一員驍騎校一員添設陳漢軍佐領一

員驍騎校一員五年添設吉林永吉州知州吏目各一員寧古塔

教習官二員伯都訥長寧縣知縣一員典史一員三姓副都統

一員教習官一員琿春協領一員吉林管檔主事一員改為由

京補放添設阿勒楚喀教習官一員六年移駐伊通河佐領

二員驍騎校二員由開原移駐防禦二員驍騎校二員八年添

設吉林獄官一員九年改吉林左右翼助教官二員由本處選

放十年添設三姓副都統一員協領一員打牲人佐領六員防

禦四員驍騎校六員裁汰副協領一員添設八姓打牲人佐

領十員驍騎校十員左右司筆帖式二員教習官二員由烏拉包



衣閒散人等挑選兵一千名添設滿洲協領二員佐領十員防  
禦八員驍騎校十員在吉林當差添設阿勒楚喀佐領三員驍  
騎校三員十一年添設三姓防禦八員十二年添設永吉州學  
正一員乾隆元年添設烏鎗營叅領一員佐領八員驍騎校八  
員叅領佐領缺由京補放裁汰琿春副協領一員阿勒楚喀副  
協領一員二年添設刑司主事一員九品筆帖式二員理事通  
判一員三年添設額穆赫索囉佐領一員防禦一員驍騎校  
一員四年由筆帖式四員內改繙譯筆帖式二員添設三姓倉  
官一員倉筆帖式二員五年移協領二員佐領十員防禦八員  
驍騎校十員並原挑選打牲兵一千名於烏拉地方當差九年  
添設拉林倉官一員倉筆帖式二員阿勒楚喀筆帖式二員移  
駐拉林添設拉林副都統一員協領一員十二年裁汰永吉州

知州改設吉林理事同知裁汰吏目改設巡檢裁汰州同典史  
改設巡檢一員十三年裁汰刑司主事一員九品筆帖式一員  
二十一年添設阿勒楚喀倉官一員筆帖式二員拉林教習官一  
員由三姓移駐拉林佐領五員防禦八員驍騎校五員添設阿  
勒楚喀副都統一員二十五年繙譯筆帖式內改設蒙古繙譯  
筆帖式一員添設拉林筆帖式二員由烏拉移駐寧古塔佐  
領二員驍騎校二員二十六年裁汰巡檢改設辦理蒙古事  
務委署主事一員二十七年由拉林筆帖式四員內移駐阿勒  
楚喀二員添設吉林委官六十員拉林四員阿勒楚喀四員烏  
拉四員伊通河四員額穆赫索囉四員寧古塔三十員琿春九  
員三姓十五員伯都訥十二員由三姓移駐阿勒楚喀拉林佐  
領五員二十八年裁汰理事通判一員烏鎗營佐領缺改為本

處陳新漢軍驍騎校內選放三十年編巴爾虎錫伯人等八蒙  
古旗添設蒙古協領一員裁汰烏拉協領一員防禦四員移駐  
寧古塔三十四年裁汰拉林副都統歸阿勒楚喀管轄由拉林  
移駐阿勒楚喀防禦四員筆帖式二員三十九年由阿勒楚喀  
移駐拉林防禦一員四十二年烏鎗營叅領缺改本處由陳新  
漢軍佐領內選放改漢軍佐領一缺由本處新陳漢軍驍騎校  
內選放三十四年由拉林移駐阿勒楚喀筆帖式二員四十年添設  
烏拉教習官一員無品級筆帖式二員五十四年改吉林管檔  
主事由本處選放嘉慶五年添設吉林長春廳理事通判一員  
巡檢一員十五年裁汰委署主事改設伯都訥理事同知一員  
添設巡檢二員分駐伯都訥孤榆樹十九年添設伊通河巡檢  
一員雙城堡委協領一員委佐領二員委驍騎校二員二十三

年裁汰吉林防禦二員移駐雙城堡改為佐領裁汰烏拉三  
姓驍騎校各一員移駐雙城堡協領佐領驍騎校等員均改  
為實任由

盛京義州佐領內裁汰二員復州熊岳驍騎校內裁汰二員吉林  
滿洲正白正紅二旗防禦內裁汰各一員改為雙城堡實任佐  
領烏拉三姓驍騎校內裁汰各一員移駐雙城堡二十四年添  
設雙城堡委官六員二十五年添設阿勒楚喀繙譯筆帖式  
二員雙城堡協領處筆帖式二員中左右三屯六佐領處各  
添設筆帖式一員添設雙城堡協領處委官二員中左右三  
屯六佐領處添設委官各一員道光六年寧古塔防禦十二  
員內移駐拉林四員添設關防無品級筆帖式二員即由拉  
林領催內選放

以上裁添文職俱與現額相符其餘武職不符額數歷  
年已遠冊檔不全一時難考然因革損益為紀載之所  
不可闕姑照造報志書館舊冊開列以俟後之詳查

驛站

吉林共三十八站分兩路監督統轄城內各設關防公所一處  
關防筆帖式一員關防領催一名每站設筆帖式領催各一名東  
路意氣松他拉二小站未設筆帖式歸鄰站筆帖式兼屬大  
站設壯丁五十名至二十五名小站壯丁十五名至十名共  
壯丁八百五十名大小站額設牛馬亦如壯丁之數

東路自省城小東門外烏拉站起

舊名呢什哈站在城外十里松花江岸北

九十里

曰額赫穆站八十里曰拉發站六十里曰退搏站八十里曰

意氣松站四十里曰鄂摩霍站八十里曰他拉站六十里曰

必爾罕站六十里曰沙蘭站八十里曰寧古台站

在寧古塔城東門外

凡十站大站一小站九計程六百三十五里

烏拉站通東西北三路

西路自省城起七十里曰菟登站七十里曰伊勒們站五十

五里曰蘇瓦延站六十里曰伊巴丹站即駟馬站六十里曰阿勒

灘額墨勒站即大孤山站六十里曰黑爾蘇站八十里曰葉赫站

四十里曰蒙古霍洛站凡八大站計程五百五十五里以上大

小十八站統歸烏拉額赫穆站監督管轄



北路自省城東北六十五里金珠鄂佛囉站起即哲松站六十里曰

舒蘭站四十五里曰法特哈站四十五里曰登伊勒哲庫站即秀

水甸自此分道正北八十里至蒙古卡倫站小又西北四十五

里曰盟溫站五十里曰陶賚昭站四十五里曰孫扎保站即五家子站

三十五里曰浩色站六十五里曰社哩站七十里曰伯德訥站

八十里至齊齊哈爾界茂興站凡十大站計程五百二十五里自蒙

古卡倫站起七十里曰多歡站七十里曰薩庫哩站六十五

里曰蜚克圖站八十二里曰色勒佛特庫站六十一里曰佛

斯亨站七十三里曰富拉琿站七十五里曰崇古爾庫站七

十二里曰佛爾國木索站六十八里曰妙嘎山站至三姓城五

里凡十小站計程七百二十二里以上大小二十站統歸金

珠鄂佛囉站監督管轄西北路站各支廩給銀五百兩凡馳駟

差員照勘合應付官員一品至九品每站發廩給銀自一錢二分至一錢八分為止兵每站給口糧銀六分一年應付之數約不過五百兩六月題銷又例於馬十匹內歲補三匹牛十頭內歲補四頭每馬給銀九兩牛給銀七兩統歸六月題銷馬一匹歲領草豆銀十八兩牛一頭歲領草豆銀十二兩

秋季報銷

寧古塔至琿春無站亦無旅店有卡倫六處傳達公文寧古  
塔西九十里曰瑪勒呼哩一百二十里曰薩奇庫八十里曰  
噶哈哩四十里曰哈順八十里曰穆克德和七十里曰密占  
往來行旅自裹餼糧借宿卡倫輜重車輛間有露宿者俗謂  
之打野盤

雙城堡初設無站兵力連送公文道光五年將軍富俊奏請  
於西北兩路三十八站內抽撤官馬十匹牛十頭倒斃草豆  
銀兩一併撥給由北路各站閑散丁內就近移駐七戶養馬  
當差每戶蓋房三間添設筆帖式一員委領催一名仍歸北

路監督管理

吉林卡倫

二道河

額赫穆

得恩潭

輝發

以上四卡倫官兵每月更換一年不撤謂之恩

特赫謨特佈赫卡倫以下各處恩特

三個頂子

拉法

烏

赫謨特佈赫卡倫每月更換不撤回

里 蛟哈

舒爾哈

平頂山

荒溝

額赫穆屯

推搏

荒地

綏音

瓜勒察

羅圈溝

倒木溝

色勒薩木溪

海清溝

道光元年奏裁依吉斯渾改設以上十六卡倫官兵兩月更換三月初一日到夫入山以前出派十月初一日

到夫出山以後撤回謂之雅克什謨特佈赫卡倫以下各處

雅克什謨特佈赫卡倫俱春設冬撤同此國語恩特赫謨特

佈赫常設也雅克什

謨特佈赫堵設也

圍場

恩格木阿林

薩倫

依勒們

蘇瓦延

伊通

庫爾訥

窩集

呢雅哈氣

依巴丹

瑪法塔嘎爾罕

汪色

古

拉庫

以上十一卡倫官兵兩月更換一年  
不撤亦謂之思特赫謨特佈赫卡倫

烏拉

喀薩哩

那穆唐阿

以上恩特赫謨  
特佈赫卡倫二


四道梁子

長嶺子

朴家屯

老少屯

以上雅克什謨  
特佈赫卡倫四




額穆赫索囉

壇頻 英額達巴罕

以上恩特赫謨  
特佈赫卡倫二

通溝

又名和什赫雅克什  
謨特佈赫卡倫一





宣古塔


德林 依徹 穆勒恩 霍貞河 嗎勒呼哩 薩奇庫上以

恩特赫謨特佈 昂阿拉岳 呼西喀哩 尼葉赫 佛訥

赫卡倫六 倭勒恩 嘎思哈 花蘭 尚西 松根 沃羅霍恩嘎尔

罕 多勇武 呼郎吉 塔克通吉 烏勒呼霍洛 以上雅

特赫卡 倫十四



琿春

磨盤山

達爾歡霍洛

蒙古

嘎哈哩

哈順

穆克德

赫密占

以上思特赫謨  
特佈赫卡倫七

朱倫

阿密達

佛多西

法依達

庫

哈達馬

西圖

呼拉穆

圖拉穆

以上雅克什謨  
特佈赫卡倫八

伯都訥

當吉 團山子 五道河


古井子

二道河

以上恩特赫謨  
特佈赫卡倫五

哈思哈駁

雅克什謨特  
佈赫卡倫一



三姓

烏思琿河

薩哈連昂阿

音達穆額克沁

鍋伯河口

以上  
恩特

赫謨特佈  
赫卡倫四

瑪延昂阿

瓦里雅哈霍屯

費岳吞河

佛勒

霍烏珠

瑪泥蘭

法勒圖琿河

圖雅齊

音達木畢尔

罕

西福恩河

郭普奇西

吞河

温肯昂阿

以上雅克什謨  
特佈赫卡倫十二

阿勒楚喀

多歡 謨勒

費堯圖

以上恩特赫謨  
特佈赫卡倫三


費堯圖昂阿

佛多霍

海溝 夾信子

馬鞍山

以上雅克什謨  
特佈赫卡倫五



吉林通省恩特赫謨特佈赫卡倫四十四雅克什謨特佈赫  
卡倫六十一共卡倫一百零五處各駐隘要以杜飛颺人參並查  
偷打牲畜私佔禁土流民等事各卡倫俱派旗下當差散官惟  
二道河卡倫由將軍衙門印房四司官員內保送簽掣出派得  
恩潭輝法平頂山三卡倫每年冰凍封江專派協領一員佐領  
防禦三員往查攬頭剗夫送米耙犁呈報參局計米增減票張  
並查禁偷砍木植運送口糧次年二月初一日撤回

船艦

吉林

御船四隻

內龍船一隻花船一隻如意船一隻輕船一隻俱係乾隆十九年工部匠役承造無歲修拆造

糧船三十隻

原設八十隻康熙二十八年裁去五十隻今存三十隻六年大修十二年拆造

槳船二十隻

康熙三十一年設立備用烏拉採補東珠及本城打樺皮用五年大修十年拆造

渡船七隻

在城大東門外烏拉站屬尼什哈渡口康熙十一年設立四隻編列如字一三四號三年小

修粘補六年拆造郭爾羅斯扎薩克巴達瑪渡口康熙三十

五年設立三隻此項船每六年由吉林水手營重造運去舊

船燒燬報部

並無小修

以上三項船木俱係水手砍伐營造

康熙二十二年二月內

聖祖仁皇帝念烏喇水陸重鎮輸輓維艱

特命盛京刑部侍郎噶爾圖防守協領殷達渾相視可達混同江

河道繪圖進呈復遣噶爾圖等乘小舟自遼河遣烏拉副都瓦力虎等自易屯口測其水道淺深覆奏奉

旨設倉四處內地設於巨流河之開城邊外設於鄧子村烏拉設於易屯門及易屯河即伊通河農隙之時運米貯於開城內以春秋二季舟運至鄧子村交卸自鄧子村至易屯門百里水路車運至易屯門倉內由易屯河舟運易屯口竟達混同江其遼河

易屯河俱造運船百隻以瀛臺白剪油船為式每隻載米六十石為率其混同江用大船八十隻接運每船載米二百石為率其遼河運丁滿兵三百名奉天所屬各州縣分派水手六百名每名月給銀一兩仍免其丁地易屯河及混同江水手俱由寧古塔將軍分派歲以為常此後各鎮開墾既廣儲峙有素無事輸輓之勞運船積於無用已多



拆毀今仍載其始末以見經理之事隨時異宜有如此云

三姓

渡船四隻 在妙嘎山站佛斯渡口各二隻乾隆二十五年設立三年粘補小修七年拆造

伯都訥

渡船六隻 在嫩江渡口康熙二十五年設立三年小修粘補七年拆造

拉林

渡船二隻 在喀薩哩渡口雍正五年設立三年小修粘補七年拆造

以上三項船木俱係本城兵丁砍伐由吉林水手營造

橋梁

吉林

遵法板橋一座

在城內將軍公署南官項修建

板橋二座

一在城小東門內糧米行街東南隅一在城小東門外雍正九年官項修建

茶棚菴橋一座

在城北門外十二里民力修建

伯都訥

珠魯多渾河橋一座

在城東二百里九十里民力修建

寧古塔


石甸子橋一座

在城西一百里黑石甸子石空處里民修建

卷四

職官

兵額



職官

歷任將軍

巴海 滿洲鑲藍旗人 康熙元年陞駐防昂邦章京為盛古塔將軍十五年移駐吉林

音圖 滿洲正紅旗人 康熙二十二年任

佟保 滿洲正黃旗人 康熙二十八年任

沙納海 滿洲鑲黃旗人 康熙三十五年任

宗室揚福 滿洲正藍旗人 康熙三十九年任

覺羅蒙古洛 滿洲鑲藍旗人 康熙四十八年任

穆森 滿洲鑲白旗人 康熙五十四年任

宗室巴賽 滿洲鑲藍旗人 奉恩輔國公 康熙五十七年任

哈達 滿洲正藍旗人 雍正五年任

常德 滿洲鑲黃旗人 雍正八年任



都 賚 滿洲正藍旗人雍正十年由副都統署任

吉當阿 滿洲正黃旗人乾隆六年任

鄂爾達 滿洲正白旗人乾隆八年任

博 第 滿洲正藍旗人乾隆八年任

巴靈阿 滿洲正黃旗人乾隆九年任

阿蘭泰 蒙古正白旗人乾隆十一年任

永 興 滿洲正白旗人乾隆十三年任

新 柱 滿洲鑲黃旗人乾隆十五年任

卓 奈 滿洲正藍旗人乾隆十五年任

覺羅額勒登 滿洲正紅旗人乾隆二十年任

傅 森 滿洲鑲黃旗人乾隆二十一年任

宗室薩爾善 滿洲正白旗人乾隆二十三年任

宗室恒魯

滿洲鑲藍旗人奉恩輔國公乾隆二十五年任

富良

滿洲鑲黃旗人頭等毅惠伯乾隆三十四年任

富椿

滿洲鑲紅旗人奉恩輔國公乾隆三十五年

福康安

滿洲鑲黃旗人御前侍衛內大臣三等嘉勇男乾隆四十二年任後陞大學士授川陝楚大將軍追封郡王

霍隆武

滿洲正黃旗人御前侍衛果勇侯乾隆四十三年任

宗室永瑋

滿洲鑲藍旗人乾隆四十七年任

慶桂

滿洲鑲黃旗人乾隆四十七年任

都爾嘉

滿洲正白旗人乾隆四十九年任

慶桂

滿洲鑲黃旗人乾隆五十三年二任由兵部尚書來署後陞大學士

宗室恒秀

滿洲正白旗人乾隆五十四年任

宗室琳宜

滿洲鑲藍旗人乾隆五十四年任後陞大學士

宗室恒秀

滿洲正白旗人乾隆五十六年二任

保琳 滿洲正黃旗人 乾隆五十九年任

秀林 滿洲鑲白旗人 乾隆六十年任

富俊 蒙古正黃旗人 嘉慶八年任

秀林 滿洲鑲白旗人 嘉慶八年任 後升吏部尚書

賽冲阿 滿洲正黃旗人 世襲一等輕車都尉 嘉慶十五年任 後升御前大臣

喜明 滿洲正藍旗人 嘉慶十八年任

富俊 蒙古正黃旗人 嘉慶十九年二任

松蘇 蒙古正藍旗人 嘉慶二十二年任

富俊 蒙古正黃旗人 嘉慶二十三年三任

松蘇 蒙古正藍旗人 道光三年二任

松筠 蒙古正藍旗人 前任大學士 道光三年任

富俊 蒙古正黃旗人 太子太保 己亥年進士 世襲騎都尉 道光四年四任 由理藩院尚書調補 後升協辦大學士

吉林副都統

安珠瑚 滿洲正黃旗人 康熙十年任 田  
寧古塔調補後陞將軍

西山 滿洲正白旗人 康熙十五年任

幹里瑚 滿洲鑲白旗人 康熙二十年任

巴爾達 滿洲正白旗人 康熙二十八年任  
三十三年缺裁雍正三年復設

威色 滿洲正藍旗人 雍正三年任

武扎拉 滿洲鑲藍旗人 乾隆四年任

宗室松阿哩 滿洲正藍旗人 乾隆十四年任

額勒登額 滿洲正藍旗人 乾隆十九年任

普慶 滿洲鑲黃旗人 乾隆二十二年任

宗室增海 滿洲正藍旗人 乾隆二十二年任

富良 滿洲鑲黃旗人 乾隆二十八年任 後升將軍



富珠哩 滿洲鑲黃旗 乾隆二十八年任

永安 蒙古鑲紅旗人 乾隆三十一年任

明亮 滿洲鑲黃旗人 乾隆三十一年任 後陞大學士

編柱 滿洲鑲白旗人 乾隆三十三年任

僧保 滿洲正白旗人 乾隆三十七年任

富僧額 滿洲正黃旗人 乾隆三十八年任

明英 滿洲正紅旗人 乾隆三十八年任

克興額 滿洲鑲藍旗人 乾隆四十四年任

烏靈阿 滿洲正紅旗人 乾隆四十六年任

索柱 滿洲正黃旗人 兼烏拉 乾隆五十一年任

巴林木達 滿洲正黃旗人 乾隆五十三年任

索喜 滿洲鑲白旗人 乾隆五十三年任

秀林 滿洲鑲白旗人 乾隆五十八年任 後陞吏部尚書

賽冲阿 滿洲正黃旗人 乾隆五十九年任 後陞 御前大臣

吉祿 滿洲正黃旗人 兼烏拉總管 嘉慶二年任

達祿 滿洲鑲紅旗人 嘉慶七年任

宗室伊鏗額 滿洲鑲藍旗人 鎮國將軍 嘉慶十三年任

額勒琿 滿洲正黃旗人 嘉慶十五年任

宗室玉衡 滿洲廂藍旗人 嘉慶十五年任

德寧阿 滿洲廂藍旗人 嘉慶十五年任 後陞將軍

松森 蒙古正藍旗人 嘉慶十五年任 後陞將軍

祿成 蒙古正紅旗人 嘉慶二十一年任 後陞將軍

富登阿 索倫鑲黃旗人 嘉慶二十四年任

倭楞泰 滿洲鑲藍旗人 班入賞換花翎 道光四年任

覲

寧古塔副都統

海塔 滿洲正白旗人  
順治十五年任

尼喀立 滿洲正白旗人  
順治十五年任

滿貴 滿洲廂藍旗人  
順治十八年任

滿丕 滿洲正藍旗人  
康熙六年任

瑚巴克泰 滿洲正白旗人  
康熙六年任

安珠瑚 滿洲正黃旗人  
康熙六年任後陞將軍

蒯齊 滿洲正白旗人  
康熙十年任

錫三 滿洲正藍旗人  
康熙十五年任

薩布素 滿洲廂黃旗人  
康熙十七年任後陞將軍

雅秦 滿洲正紅旗人  
康熙二十二年任

根頭 滿洲廂紅旗人  
康熙三十三年任

保定

滿洲正白旗人  
康熙三十八年任  
康

噶爾圖

滿洲正黃旗人  
康熙四十二年任  
康

瑪奇

滿洲正白旗人  
康熙四十六年任  
康

阿岱

滿洲正藍旗人  
雍正元年任

常德

滿洲廟黃旗人  
雍正五年任

巴尔岱

滿洲正白旗人  
雍正十一年任

長生

滿洲廟藍旗人  
乾隆元年任

圖

納滿洲廟白旗人  
乾隆七年任

伊倫泰

滿洲廟紅旗人  
乾隆十年任

覺羅額勒登

滿洲正紅旗人  
乾隆十七年任

宗室和綰額

滿洲正藍旗人  
乾隆二十一年任

富僧額

滿洲正黃旗人  
乾隆二十四年任

宗室增海 滿洲正藍旗人 乾隆二十八年任

明亮 滿洲廂黃旗人 乾隆三十三年任 後陞大學士

編柱 滿洲廂白旗人 乾隆三十七年任

富珠哩 滿洲廂黃旗人 乾隆三十七年任

達松阿 蒙古正黃旗人 乾隆四十二年任

安臨 蒙古正白旗人 乾隆四十八年任

那奇泰 滿洲正藍旗人 乾隆五十四年任 後陞將軍

慶霖 滿洲廂黃旗人 乾隆六十年任 後陞將軍

富尼善 滿洲廂黃旗人 由布政使補放 嘉慶三年任


郭勒明阿 滿洲廂藍旗人 嘉慶六年任

富登阿 索倫廂黃旗人 嘉慶九年任

德寧阿 滿洲廂藍旗人 嘉慶十五年任 後陞將軍

達斯呼勒岱  
滿洲正黃旗人  
嘉慶十九年任

和 福  
滿洲正白旗人  
道光三年任



伯都訥副都統

扎隆阿 滿洲正黃旗人 乾隆二十八年任

覺羅佟福柱 滿洲正藍旗人 乾隆三十二年任

克興額 滿洲廂藍旗人 乾隆三十八年任

宗室普正 滿洲正紅旗人 乾隆四十四年任

烏雅勒達 滿洲正白旗人 乾隆四十四年任 後陞叅贊大臣

僧保 滿洲正黃旗人 乾隆五十三年任

索喜 滿洲廂白旗人 乾隆五十八年任

宗室斌靜 滿洲廂紅旗人 輔國將軍 嘉慶七年任

宗室伊鏗額 滿洲廂藍旗人 嘉慶七年任

達斯胡勒岱 滿洲正黃旗人 嘉慶九年任 後賞都統銜

宗室伊鏗額 滿洲廂藍旗人 嘉慶十三年任

恒福 滿洲鑲黃旗人  
嘉慶十三年任

色尔滚 打牲正黃旗人都統  
嘉慶十五年任

宗室玉衡 滿洲鑲黃旗人  
嘉慶十五年任

和福 滿洲正白旗人  
嘉慶二十四年任

蘇倫保 滿洲正黃旗人道先三  
年任後 賞都統銜

碩德 滿洲廂紅旗人  
道光四年任



三姓副都統

阿米納 滿洲正白旗人 康熙五  
十三年以協領駐防

錫巴立 滿洲廂藍旗人 康熙  
六十年以協領駐防

松特 滿洲正黃旗人 雍正  
四年以協領駐防

花賴 滿洲廂紅旗人 雍正  
五年以協領駐防

重替 滿洲正黃旗人 雍正六年以協領駐防  
以上俱副都統職銜自雍正七年改寔任

覺羅七十五 滿洲廂黃旗人  
雍正七年任

重替 滿洲正黃旗人  
乾隆元年二任

清葆 滿洲廂紅旗人  
乾隆九年任

德寧 滿洲廂藍旗人  
乾隆十八年任

三格 滿洲正白旗人  
乾隆十九年任

傅尔松阿 滿洲正藍旗人  
乾隆十九年任

富僧額 滿洲正黃旗人 乾隆二十三年任

敦 柱 蒙古廂黃旗人 乾隆二十四年任

巴 岱 滿洲白旗人 乾隆二十四年任

額爾齊木 蒙古廂藍旗人 乾隆二十六年任

敦 柱 蒙古廂黃旗人 乾隆二十七年任

舒通阿 滿洲正白旗人 乾隆三十一年任

富珠哩 滿洲廂黃旗人 乾隆三十一年任

郭木布 滿洲正紅旗人 乾隆三十五年任

舒通阿 滿洲正白旗人 乾隆三十七年任

宗室雅朗阿 滿洲廂紅旗人 多羅克勤 乾隆三十九年任

穆爾泰 滿洲正黃旗人 乾隆四十年任

宗室普正 滿洲正紅旗人 乾隆四十四年任

明英 滿洲正紅旗人 乾隆四十五年任 乾

富珠哩 乾隆四十九年二任

那奇泰 乾隆五十年任 後陞將軍

額勒伯克 乾隆五十四年任

賽冲阿 嘉慶二年任 陞御前大臣 後

慶保 嘉慶六年任

額勒恒額 嘉慶七年任

額勒琿 嘉慶九年任

達松阿 嘉慶十二年任

果勒明阿 嘉慶十六年任

扎坦保 道光二年任

吉勒通阿 道光五年任

阿勒楚喀副都統

巴岱 滿洲廂白旗人  
乾隆二十三年任

敦柱 蒙古廂黃旗人  
乾隆二十五年任

舒通阿 滿洲正白旗人  
乾隆二十七年任

耀成 滿洲正藍旗人  
乾隆二十八年任

托雲 滿洲廂黃旗人  
乾隆四十年任

富珠哩 滿洲廂黃旗人  
乾隆四十九年任

額勒伯克 蒙古旗人  
乾隆五十年任

德清阿 宗室  
乾隆五十四年任

烏雅勒達 滿洲正白旗人  
嘉慶七年任後升叅贊大臣

佈蘭泰 滿洲正紅旗人  
嘉慶十一年任

色尔滾 達呼哩正黃旗人  
嘉慶十五年任

穆騰額 滿洲正白旗人 嘉慶二十五年任

精欽保 滿洲正白旗人 乾清門行走道光五年任

拉林 副都統 乾隆九年設 三十四年裁

巴尔品 滿洲正黃旗人 乾隆九年任

瑪爾拜 滿洲正白旗人 乾隆十二年任

滿福 滿洲廂藍旗人 乾隆十三年任

國多歡 滿洲廂紅旗人 乾隆二十二年任

綽克托 滿洲正紅旗人 乾隆二十七年任

特克慎 滿洲正藍旗人 乾隆二十九年任

堂主事

永安 吉林滿洲正藍旗凌泰佐領下人乾隆五十五年任後陞盛京工部員外郎

順安 吉林滿洲正紅旗和欽保佐領下人嘉慶二年任後陞盛京刑部員外郎

興祿 吉林滿洲廂白旗烏雲泰佐領下人嘉慶十年任現任工部都水司員外郎

富珠禮 吉林滿洲正白旗圖勒斌佐領下人嘉慶二年任現任歸綏道

薩英額 吉林滿洲正黃旗蘇勒芳阿佐領下人生員道光二年任

永安以前補放京員

同知

圖善 正白旗滿洲都統常安佐領下人乾隆二十七年任

灶神保 正紅旗滿洲王保佐領下人乾隆三十四年任

達哈布 廂紅旗滿洲貴保佐領下人乾隆三十五年任

那昌阿 廂黃旗滿洲達福佐領下人乾隆四十年任

五 柱 正白旗滿洲噶尔炳阿佐  
領下人四十四年任

常 齡 正藍旗滿洲國祥佐領  
下人乾隆五十三年任

瑚唐阿 廂白旗滿洲都統永和佐  
領下人乾隆五十三年任

富 綸 廂黃旗滿洲孛蘭泰佐  
領下人乾隆五十八年任

碩隆武 正白旗滿洲索渾佐領  
下人嘉慶三年任

舒 成 廂紅旗滿洲瑚圖哩佐  
領下人嘉慶七年任

白 瑛 廂紅旗滿洲吉爾通阿  
佐領下嘉慶九年任

富 元 正黃旗蒙古烏爾德尼佐  
領下人嘉慶十一年任

富尔松阿 廂藍旗蒙古富釀阿佐  
領下人嘉慶十九年任

錦珠勒 覺羅廂藍旗滿洲奇爾薩佐  
領下人嘉慶二十五年任

學正

張 瑜 直隸廣平府磁州人  
乾隆二十六年任

安學元 正定府贊皇縣人  
乾隆三十八年任

宋開元 順天府宛平縣人  
乾隆四十一年任

胡 惺 天津府慶雲縣人  
乾隆四十三年任

柴 梅 河間府故城縣人  
乾隆五十年任

孟人文 宣化府延慶州人  
乾隆五十一年任

董啟祥 天津府天津縣人  
乾隆五十八年任

王丕振 正定府唐縣人  
乾隆六十年任

董啟祥 天津府天津縣人  
嘉慶六年二任

孫 鉞 天津府天津縣人  
嘉慶二十三年任

楊 灝 順天府昌平州人  
嘉慶二十五年任

楊 曰 柵 河間府獻縣人  
道光五年任

巡檢



潘宏德 四川成都府成都縣人 乾隆十四年任

金以權 浙江紹興府會稽縣人 乾隆二十三年任

陳宗儒 浙江紹興府諸暨縣人 乾隆四十年任

趙萬清 順天府大興縣人 乾隆四十七年任

丁鳳梧 順天府大興縣人 乾隆五十年任

陶家賓 順天府大興縣人 乾隆五十九年任

柴斗佑 順天府大興縣人 乾隆六十年任

丁榮祖 順天府大興縣人 嘉慶八年任

張繼武 湖北武昌府江夏縣人 嘉慶十六年任

汪治 順天府大興縣人 籍浙道光四年任

伊通巡檢

張雲鵬 直隸永平府灤州人 嘉慶十九年任

吳介禧 順天府宛平縣人  
乾隆二十五年任

胡承先 道光二年任

李瑛 浙江紹興府山陰縣人  
道光二年任

賀選 直隸保定府清苑縣人  
道光六年任

長春廳通判

六雅圖 蒙古廂黃旗色布與額佐領  
嘉慶六年任

阿成 正藍旗滿洲鄂爾弼圖佐領  
嘉慶十二年任

六雅圖 病痊仍補原缺  
嘉慶十六年任

福納 廂黃旗滿洲公喜倫佐領  
嘉慶二十一年任

那靈泰 正白旗滿洲富安泰佐領  
嘉慶二十五年任

常喜 正紅旗滿洲托恩多布佐領  
道光四年任

巡檢

潘玉振  
嘉慶五年任

吳介禧  
嘉慶三年任

周鎮  
嘉慶二年任

張家務  
道光四年任

伯都訥同知

慶臣  
嘉慶六年任

施蒙額  
嘉慶八年任

富寧阿  
嘉慶二年任

文慶  
道光元年任

松奎  
道光五年任

伯都訥巡檢

茅鎮  
嘉慶六年任

左宜道光四年任

孤榆樹屯巡檢

譚仁溥嘉慶十年任

易開泰嘉慶二十四年任

以上

將軍副都統主事同知通判學正巡檢俱查明歷任列叙

其協領以下文武各官僅開額數不便按年悉載以省煩贅

官兵

吉林

八旗滿洲協領八員佐領四十員騎都尉三員防禦二十二員  
雲騎尉十員驍騎校四十員恩騎尉十三員七品監生二員八  
品監生八員兵千五百一十一名弓鈇匠九十八名

蒙古旗協領一員佐領八員雲騎尉三員驍騎校八員八  
品監生一員兵四百零一名弓鈇匠十三名

烏鎗營漢軍叅領一員佐領八員驍騎校八員兵六百零  
八名弓鈇匠十六名

水手營四品官二員五品官二員六品官二員領催八名  
正丁二百五十名木船繩匠四十五名

管站監督各站筆帖式領催壯丁數目已詳驛站類

左右翼助教官二員倉官一員倉筆帖式二員領催二名  
將軍公署理刑九品筆帖式一員滿洲筆帖式六員繙譯  
筆帖式四員蒙古繙譯筆帖式一員書吏二名衙役十四  
名番役二十名乍作二名學習乍作二名獄官一員禁卒  
三十名

烏拉協領一員佐領八員防禦四員雲騎尉三員驍騎校  
七員七品監生一員筆帖式二員教習一員兵六百九十  
七名弓鐵匠二十名

伊通佐領二員防禦二員驍騎校四員兵二百名

額穆赫索囉佐領一員防禦一員雲騎尉一員驍騎校一員兵一百二十名  
四邊門防禦各一員兵各二十名總領催各一名台領催  
各七名台丁各一百五十名

寧古塔

協領二員佐領十二員騎都尉二員防禦八員雲騎尉十員驍騎校十二員恩騎尉四員八品監生二員倉官一員倉筆帖式二員副都統公署筆帖式四員教習二員兵一千三百二十名番役十名件作二名弓鐵匠二十四名

琿春

協領一員佐領三員防禦二員雲騎尉六員驍騎校三員  
恩騎尉一員八品監生二員筆帖式二員教習一員兵四  
百三十名



伯都訥

協領二員佐領十二員防禦八員雲騎尉四員駙騎校十  
二員恩騎尉一員八品監生一員副都統公署筆帖式四  
員倉官一員倉筆帖式二員教習二員兵一千名弓鈇匠  
三十五名擺渡領催二名水手五十八名番役十名件作  
一名學習件作一名

三姓

協領二員佐領十五員騎都尉一員防禦八員雲騎尉三員驍騎校十四員八品監生三員倉官一員倉筆帖式二員副都統公署筆帖式四員教習二員兵一千三百七十一名番役十名弓鉄匠四十名件作一名學習件作一名

阿勒楚喀

協領一員佐領七員委佐領一員防禦八員雲騎尉二員  
驍騎校六員八品監生一員倉官一員倉筆帖式副都統  
公署筆帖式六員教習一員兵六百四名水手六名弓銃  
匠五名番役十名件作一名學習件作一名由京移駐閑  
散滿洲一千三百七十六名

拉林

協領一員佐領六員委佐領二員防禦四員雲騎尉一員  
驍騎校七員倉官一員倉筆帖式二員關防筆帖式二員  
教習一員兵六百四名弓鐵匠五名水手十四名件作一  
名學習件作一名由京移駐閑散滿洲一千三百三十九名

雙城堡

協領一員佐領六員驍騎校八員由



盛京移駐墾地閑散一千名由吉林烏拉伯都訥阿勒楚喀  
拉林移駐墾地閑散二千名兵一百五十三名內有無品  
級筆帖式九員委官八員

以上文武官四百八十四員世襲官八十九員兵一萬  
零九十八名弓鐵匠二百五十六名木輪繩匠四十五  
名水手領催八名擺渡領催二名水手三百二十八名

吉都林  
長春廳

廳署門子各二名皂隸各十名馬快各四名民壯  
各三名捕役各八名庫丁各一名禁卒各二名傘扇轎夫  
各七名件作各一名六房各有經制一名


吉 柳 柳 柳 柳  
 孤 榆 柳 柳 柳  
 門子各一名  
 巡檢公署攢典各一名  
 皂隸各四名  
 馬快各一名



卷五

俸餉倉儲

事宜





俸餉銀

將軍俸銀一百八十兩養廉銀一千五百兩人役工食銀二百七十六兩

副都統俸銀一百五十兩養廉銀五百二十兩人役工食銀一百八十兩

協領叅領俸銀一百三十兩

騎都尉兼雲騎尉俸銀一百三十五兩

佐領四品官俸銀一百五兩

騎都尉俸銀一百十兩

防禦兼雲騎尉俸銀八十五兩

防禦五品官俸銀八十兩

主事俸銀六十兩米三十倉石



理事同知俸銀八十兩養廉銀五百二十七兩六錢

理事通判俸銀六十兩養廉銀三百兩

學正俸銀四十兩

巡檢俸銀三十一兩五錢二分養廉銀三十一兩五錢

驍騎校六品官俸銀六十兩

七品管站監督助教官俸銀四十五兩米二十二倉石五

斗由無品級筆帖式補放者作為八品俸銀四十兩米二十倉石

恩騎尉俸銀四十五兩

廕生俸銀四十兩

生監補放筆帖式者作為八品俸銀二十八兩米十四倉

石領催前鋒補放無品級筆帖式者俸銀三十六兩米十五倉石一斗披甲補放無品級筆帖式者俸銀二十四兩米十五

倉石一斗理刑九品筆帖式俸銀二十一兩一錢一分四厘米十二倉石一斗一升四合以上各筆帖式補放倉官仍食原俸米

獄官俸銀三十一兩五錢二分

醫官藥資銀四十兩 每日支口糧九升九合六勺

領催前鋒餉銀三十六兩

甲兵驛站邊門官庄領催俱十八兩

兩養育兵看守 白山拜唐阿弓 鐵木船匠水手番役作作皆十二兩

以上官兵一年共應領俸餉銀三十一萬六千七百有奇

庫貯備用銀

吉林八萬兩

寧古塔二萬兩

伯都訥一萬兩

三姓一萬五千兩

阿勒楚喀五千兩

以上共銀十三萬兩內每年各城官參局辦票動支接濟

例夫並發給各站一年買補倒斃牛隻草豆暨往返馳  
駟等差供應廩糧支給新放官員俸餉及官兵孀婦應  
領春秋二季半俸餉又節婦建坊銀俱年終造冊由  
盛京戶部領取歸款

官差支借銀

吉林一萬七千兩

寧古塔六千兩

三姓五千兩

伯都訥三千三百兩

阿勒楚喀一萬二千七百兩

以上共銀三萬四千兩俱在各城存貯借給出差兵丁  
按四季扣還每年仍將已未扣完數目報部核銷

牛具銀

吉林二萬兩

寧古塔七千兩

伯都訥四千兩

三姓六千兩

阿勒楚喀三千兩

以上共銀四萬兩俱在各城存貯借給無牛種地兵丁  
按八季扣還每年仍將已未扣完數目報部核銷

賞銀

吉林四千兩

寧古塔二千兩

伯都訥一千三百兩

三姓一千六百兩

阿勒楚喀一萬七千一百兩

以上共銀二萬六千兩俱在各城存貯

賞給官兵紅白事暨發給養贍殘疾閑散滿洲每年題銷年

終仍由

盛京戶部領取歸款

倉儲

吉林公倉額存糧七萬石

義倉額存糧三萬四千石

寧古塔公倉額存糧二萬五千石

義倉額存糧一萬一千石

琿春義倉額存糧二千五百石

伯都訥公倉額存糧二萬五千石

義倉額存糧一萬石

三姓公倉額存糧三萬石

義倉額存糧一萬二千石

阿勒楚喀公倉額存糧二萬五千石

義倉額存糧五千石

拉林公倉額存糧二萬五千石

義倉額存糧五千石

每年印房四司官參局理事廳例應

題咨部事宜

印房

一四月內應

奏烏拉採捕東珠官兵起程摺

一六月內應

奏慶賀

萬壽正副

表文二分

一七月內應

奏恭叩

萬壽摺  
將軍副都統及各  
城副都統同列銜



一八月内應

奏慶賀

皇太后萬壽正副

表文二分

一九月内應

奏慶賀長至正副

表文四分

一應

奏採捕東珠數目摺

一十月内應

奏由圍場進鮮貢單

一十一月内應

奏慶賀

元旦正副

表文四分

初次恭

進鮮鯉魚摺

二次恭

進鮮鯉魚摺

一十二月內應

奏恭叩

元旦摺一分  
將軍副都統及各  
城副都統同列銜

聖駕謁

陵 巡幸各地方計起

鑾回蹕之日先行奏接送

聖駕請

安摺將軍副都統及各  
城副都統同列銜

一四司參局理事廳應奏本摺俱各屆期具稿呈畫後送

印房恭繕拜發

一每年

奏摺內欽奉

硃批於年終查明次數敬謹包封呈交軍機處

戶司

一公倉額存糧七萬石除額存外其餘糧石每年支給文  
員俸米等項之用備存四千石又餘者照例比時價減銀一錢糶  
賣與旗人仍將支給剩存糧數於六月內造冊咨送戶部核銷

一吉林各處公倉除額存外餘糧糶賣銀兩作為一年各項官  
工之用用剩銀兩每年於四月內造冊咨送戶部核銷

一吉林各處每牛錄立牛具一具撥兵三名耕種義倉地畝吉  
林共牛具一百四具每具每年四十八倉石核計應交義倉  
糧四千九百九十二石除額存八萬石外餘糧糶賣仍將交  
納糶賣糧數於三四月內造冊咨送戶部核銷

一吉林各處義倉除額存外餘糧糶與兵等所得銀兩作為  
買補義倉耕牛修理義倉並買補農器之用用剩銀兩  
每年於四月內造冊咨送戶部核銷

一吉林各處官兵俸餉造冊每年於十一月內派員赴

盛京戶部領取

一每年於同知解交稅銀內撥出銀一千兩支給衙門公用硃

墨紙筆並書役工食之費用過銀兩照例每年於三月內  
題銷外仍造冊咨送戶刑二部

一致祭

長白山照定額應備養黑牛二十條猪二十口羊二十支每  
年將用剩數目於四月內造冊咨送

盛京禮部核銷

一吉林各處監犯及起解人犯等口米供應之數每年於  
二三月內

題銷外仍造冊咨送戶刑二部

一吉林官庄壯丁每年應交糧一萬五千石寧古塔官庄  
壯丁應交糧三千九百石伯都訥官庄壯丁應交糧一  
千八百石三姓官庄壯丁應交糧四千五百石阿勒楚

題  
拉林官庄壯丁應交糧一千八百石共徵收糧二萬七  
千石貯倉每年於四月內具

題  
一各處應行

旌表守節孀婦每年於七月內具

題外仍將守節孀婦年歲造冊咨送禮部

一各處雨雪調勻二麥滋長大田播種之處每年於四月  
內恭摺具

奏

一各處二麥收成分數大田秀穗之處於七月內恭摺具

奏奉到

硃批行文知會戶部

盛京黑龍江

一各處大田收成分數每年於十月內恭摺具

奏奉到

硃批行文知會戶部

盛京黑龍江

一各處公倉陳穀照例出糶應先期查明市價格咨報戶部

後將每石比時價減銀一錢糶賣取結咨送戶部

一各處管倉監督二年更換二年任滿揀放新監督年終具

題

一各新舊任管倉監督交代接收糧石數目據實具

題外仍造冊咨送戶部

一各處三年比丁一次所造細冊咨送戶部並各該旂籍

一准承祭衙門奏准咨覆

長白山之神每月朔望

將副都統軍輪替拈香一次每年春秋二季致祭

一吉林八旗修建兵丁官房空閒餘地應得菜園租銀每年於秋季徵收貯庫支給修補八旗官房之用用剩銀數每年二月內造冊咨送戶部

一各處大小官員應頒特憲書數目每年於五月內將各官職名造冊咨送

欽天監

一吉林各處旗民禱處屯堡民人有無私墾地畝專派官十員分界稽查並派總理協領一員年終取結咨報戶部協領等官二年更換



一吉林每月市植糧價查明三月一次咨報戶部

一吉林各處有無由京買來双樸販賣之處每年年終咨報

戶部

一庫貯備用官差牛具紅白事 賞銀額徵稅銀動存用項

題咨核銷已詳庫貯類

兵司

一新將軍到任照例具

奏並咨報兵部外查驗官員兵丁軍裝器械於三月限內結保具

奏

一新將軍接任將舊存

勅書恭送該科衙門改換領取

一吉林所屬歷年額設領催前鋒甲兵匠役分別造冊每

每年按兩季咨送兵部

一 三月九月將吉林所屬各處大小官員履歷造冊二本咨送兵部

一

題過本章數目每年按四季造冊咨送通政司

一 六月內將各站一年應付過公費銀兩並買補倒斃牛

馬價銀數目

題銷外仍造冊咨送兵科

一年終將官員兵丁軍裝器械查驗結保具

題仍將軍器數目彙總造冊咨送兵部

一年終將吉林所屬各處官員兵丁額數咨報兵部

一年終將吉林所屬庫貯炮位鳥鎗數目咨報兵部

一年終將吉林所屬各處發到安插人犯數目彙總咨報

軍机處刑部

一十月内應恭

進風乾肉貢單

一十一月内應恭

進鹿尾各色土物貢單

一遵照勘合火牌應付過各項差使站馬廩給數目每年

按四季造冊咨送兵部

一勘合火牌視動用將完即往兵部領取以足二十張之數

一蒙古道路票視動用將完即往理藩院領取以足五張之數

一吉林所屬各處出差等項官員之缺揀派兼管之員月

日每年按四季造冊咨送兵部

一秋季出派員烙補各站牛馬印記並查驗草豆年終咨報兵部

一文職堂主事管站監督助教官倉官等缺如有陞故所遺之缺隨時行文查取應揀人員擬定正陪咨送吏部帶領引

見候

旨補放

一衙門無品級繙譯等項筆帖式及各站筆帖式缺出將

應揀人員選放咨報吏部註冊

一武職官員如有陞故所遺之缺隨時行文查取應揀人員挑選咨送兵部該旗帶領引

見候

旨補放

刑司

一監禁斬絞重犯歷年於四月內秋審具

題

一免死發遣為奴盜犯脫逃彼時

奏  
奏報並於各處咨緝拏獲時審明一面正法一面

聞

一吉林所屬歷年發到太監內已死若干脫逃若干現有

若干數目查明歷年二月內咨報內務府

一一年內軍流徒等犯咨報刑部於年終彙

題

一一年內正法人犯數目正法月日於年彙

題

一僱人偷剽人參財主不分旗民俱發雲南等省充軍並

無財主隻身潛往偷到得參一兩以下杖六十徒一年  
至五十兩杖一百流三千里為從及未得參各減一等  
購買販賣飛參等犯照偷到已得參人犯減一等治罪  
一年內所辦總數於年彙

### 題

一吉林所屬發遣為奴及當差人犯脫逃者每月造冊報  
部掣獲自行投首者若干未獲者若干數目年終分別  
咨報軍機處刑部應行查議為奴之家長旂分佐領該  
管各官職名送部查議

一一年內掣獲私參數目於年終彙

### 題參劾解送內務府

一一年內入官贓罰銀兩數目於年終彙

題將銀抵充本處官兵俸餉

一 一年內發遣安插人犯內因不守分有無改發者年終咨報軍机處刑部

一 各副都統衙門審送徒罪以上賊盜等案以及人命事件俱照例咨報刑部

一 吉林地方旗民交涉賊盜案件及旗民人鬪毆人命事件俱係刑司辦理徒罪以上者俱咨報刑部旗民交涉鬪毆人命及單民案件理事同知衙門辦理

一 一年內吉林所屬命案事件限內審辦已結未結之處年終咨報軍机處刑部

一 吉林所屬各處節年發遣為奴及當差人犯內病故脫逃數目現在寔有數目年終咨報軍机處刑部外未獲

者咨行各省嚴緝

一私入園場偷打牲畜十隻以上者杖一百流三千里二十隻以上者發烏魯木齊等處種地三十隻以上者發烏魯木齊等處給兵丁為奴其零星偷打隨時破案者一隻至五隻杖一百徒三年至五隻以上者再加號一個月其偷砍樹木五百斤以上者杖一百流三千里八百斤以上者發烏魯木齊等處種地一千斤以上者發烏魯木齊等處給兵丁為奴其零星偷砍隨時破案數十斤至一百斤者杖一百徒三年一百斤以上者再加號一個月為從各減一等均無論初犯再犯面刺盜園場字樣

工司



長白山殿宇五間原係由

盛京工部派員修理工竣時由

盛京工部

題銷如有滲漏損壞由吉林粘補修理入於歲修核銷道光

五年五月二十八日將軍富俊

奏准就近由吉林派員動用正項修理工竣後

題銷並咨工部

一松花江神廟貯龍船房以及公署倉庫監獄城牆等項

並各處工程如在二百五十兩以下先行料估報部俟

部覆到日動用糶穀銀修理工竣時造具細冊並取查

驗官等結報部核銷二百五十兩以上先行料估具

題五百兩以上先行料估恭摺

奏

聞均俟部文到日動項修理工竣後造具細冊並取查驗官員甘結

題銷

一吉林各處渡船並運糧捕珠等項船隻如屆應修年分  
分別小修粘補折造限期應需油麻釘鉄等物恭摺

奏

聞派員赴部請領所用木植係水手丁等砍運以備興修

一碾造火藥動用銀兩數目年終彙總

題銷

一碾造火藥應用硫磺派員赴

盛京工部交送價銀將磺領來鉛塊亦由

盛京購買備用

官參局

一吉林寧古塔散放參票數目每年於五月內

奏

聞

一十一月內具

題參務公費銀兩數目

奏

一吉林寧古塔二處應散放參票每年於十一月內

聞後派員赴戶部請領

奏

一吉林寧古塔二處散放餘剩參票並接濟釧夫銀兩

聞後餘剩參票派員繳回戶部

奏

一每年所收官參派員解送於十二月內恭摺

聞

理事廳

奏

一徵收地丁錢糧數目每年於正月內先行

聞

一徵收木稅銀兩數目每年於四月內具


題

一徵收地丁雜稅銀兩數目每年於四月內具

題

一單民及旗民交涉人命盜竊詞訟等案犯該徒罪以上

一 者俱具稿呈請分別咨部




卷六

學校

學類

儒林文苑

祠祀



學校

吉林儒學在城內東南隅乾隆七年永吉州知州魏士敏  
建廟宇黌宮諸制畧備三十年同知圖善於廟內東南隅  
隙地起魁星樓一間上奉魁宿下祀

文昌帝君其前修櫺星門三楹五十五年城內火災廟學俱

燬惟魁星樓存將軍林寧奏請官銀重修葺殿廡門堂

煥然一新嘉慶十一年齋房又燬十四年奉天學政茹棠

奏請頒

內板經籍於奉省各學飭建尊經閣同知富元學正孫鈺白  
將軍秀林副都統達祿率所屬官員紳士捐資修建尊經  
閣於齋房故址此吉林廟學興建之源流也



廟在學之東中為聖殿三間東西兩廡各三間啟聖祠三間在殿後大成門三間在廡前又前為泮水池池北東西兩角門東曰聖域西曰賢關正殿有

仁宗睿皇帝御書集聖大成匾額池南為櫺星門門墻外左右下馬坊各一其南照壁一座明倫堂三間在廟之西當廡為齋房三間東向今改為尊經閣三間學正解宇在明倫堂後繚以墻垣長四十丈寬八丈

聖殿中奉大成至聖先師位兩傍四配位復聖顏子述聖子思子西向宗聖曾子亞聖孟子東向次十哲位先賢閔子損冉子雍端木子賜仲子由卜子商有子若西向先賢冉子耕宰子予冉子求言子偃顓孫子師朱子熹東向正脊恭懸

聖祖御書萬世師表匾額



東廡祀先賢遽子瑗澹臺子滅明原子憲南宮子适商子瞿漆雕

子開司馬子耕梁子鱣冉子孺伯子虔冉子季漆雕子徒父漆雕

子哆公西子赤任子不齊公良子孺公肩子定鄒子單罕父子

黑國原子亢蕪子潔叔仲子會公西子輿如邾子異陳子亢琴

子張步叔子乘秦子非顏子會顏子何縣子亶樂正子克萬子章

周子敦頤程子顥邵子雍先儒公羊子高伏子勝董子仲舒后

蒼杜子子春諸葛子亮王子通范子仲淹歐陽子修楊子特

羅子從彥李子侗呂子祖謙蔡子沈陳子淳魏子了翁王子柏趙

子復許子謙吳子澄胡子居仁王子仁羅子欽順

西廡祀林子放宓子不齊公冶子長公哲子哀高子柴樊子須商子

澤巫馬子施顏子辛曹子邨公孫子龍秦子商顏子高壤駟子

赤石作子蜀公夏子首石子處奚容子歲顏子祖句井子疆

秦子祖縣子成公祖子句茲燕子伋樂子刻狄子黑孔子  
忠公西子蒧顏子之僕施子之常申子張左子邱明秦子冉牧  
子皮公都子公孫子丑張子載程子頤先儒穀梁子赤高堂  
子生孔子安國毛子萇鄭子康成范子甯韓子愈胡子瑗司馬  
子光尹子燊胡子安國張子栻陸子九淵黃子幹真子德秀何  
子基陳子澔金子履祥許子衡薛子瑄陳子獻章蔡子清陸子

隴其

啟聖祠在

聖殿後祀

肇聖王木金父

裕聖王祈父

詒聖王防叔

昌聖王伯夏

啟聖王叔梁紇東配先賢顏氏無繇孔氏鯉西配先賢曾氏  
點孟孫氏激東從祀先儒程氏珦周氏輔成蔡氏元定西  
從祀先儒張氏迪朱氏松

道光二年二月

諭明臣劉宗周植品蒞官致命遂志寔為明季完人其講學論  
心著書立說粹然一出於正洵能倡明正學扶持名教劉  
宗周著從祀

文廟西廡列於明臣蔡清之次從御史馬步蟾請也公籍隸山陰  
自壯登仕歷官至左都御史當明季時清標介節於同朝忠  
言讜論形諸奏牘以及殉難捐軀致命逐志載在史傳我

朝乾隆四十一年

賜謚忠介著有劉子全書百餘卷其學專以誠意為主而歸於  
慎獨發明聖賢宗旨

道光三年二月

諭原任尚書湯斌學術精醇順治年間有

旨褒其品行清端康熙年間有

旨稱其老誠端謹至其政績卓著則禁侈靡興教化舉善懲貪興

利除弊官嶺北時擒獲巨寇以靖地方巡撫江蘇時燬不經之祀化

鬥狠之風奏豁民欠議減賦額還京之日部民送者十餘萬人

其他奏議忠言讜論剴切詳明正色立朝始終一節所學主

於堅苦自持事事講求實用著書立說深醇篤寔中正和平

洵能倡明正學遠契心傳湯斌著從祀

文廟東廡列於明臣羅欽順之次從通政司叅議盧浙請也

乾隆元年

賜謚文正公籍隸河南授職詞垣歷官至尚書學術深醇事業昭著不減前賢四庫全書公遺書十卷謂其堅苦自持事事講求寔用奏議規畫周密條析詳明不同迂論

道光五年二月

諭明臣黃道周著從祀

文廟東廡明臣


之次從浙閩總督趙慎畛請也公籍隸潼浦

歷官少詹忠言讜論守正不阿中遭貶黜矢志不移卒能致命成仁完名全節明史傳贊乾隆四十一年

賜謚忠端錄其生平著述尤富四庫採錄其書多至十種皆闡明經旨推究治道而最深於易經孝經雖在獄中猶草易圖六十四象寫孝經一百二十本可謂信道成仁以誠意為主而

歸於慎獨以致知為宗而止於至善守朱子之道脈而獨

溯宗傳



尊經閣存貯書籍目錄

聖諭廣訓一部一套

御製周易折中一部一套

欽定書經傳說彙纂一部一套

欽定詩經傳說彙纂一部一套

欽定春秋傳說彙纂一部一套

欽定周官義疏一部七套

欽定儀禮義疏一部八套

欽定禮記義疏一部十套

御註孝經一部一套

御定孝經集註一部一套

御纂周易述義一部一套

御纂詩義折中一部一套

御纂春秋直解一部一套

御纂朱子全書一部四套

御纂性理精義一部一套

御定康熙字典一部六套

御纂資治通鑑綱目一部八套

御定子史精華一部四套

御定佩文韻府一部二十套

御選古文淵鑑一部四套

御選唐宋文醇一部二套

御選唐宋詩醇一部二套

欽定四書文一部三套



周易註疏一部一套

尚書註疏一部一套

毛詩註疏一部二套

左傳註疏一部二套

公羊註疏一部一套

穀梁註疏一部一套

周禮註疏一部二套

儀禮註疏一部二套

禮記註疏一部二套

論語註疏一部一套

孟子註疏一部一套


孝經註疏一部一套

爾雅註疏一部一套

共三十六部計一百一十六套

御論一本道光三年頒發

欽定學正全書一部十六本道光五年頒發



道光五年將軍富俊以八旂世僕於

國語騎射而外當教以清漢文義

奏請頒發書籍

存貯印庫目錄

開國方略一部四套十六本

八旂世族通譜一部六套二十六本

盛京通志一部八套六十四本

清文戶部則例一部  
本殿無存

清文大清律例一部六套四十八本

清文工部則例一部  
本殿無存

清文禮部則例一部  
本殿無存

康濟錄一部一套六本

耕織圖一部四套二十四本 即授時通考

淵鑑類函一部二十套一百四十本

清字四書一部一套六本

清字五經一部十一套五十二本

蒙古

聖諭廣訓一部一套二本

學額

歲試入文童四名武童四名科試入文童四名廩額二增額二五年一貢吉林民籍由寧古塔移駐立學之始年遠無考學正官由雍正十二年添設嘉慶五年奉

旨添滿合二號文童每五六名取入一名十三年學政茹荼

奏定滿字號廩額一增額一合字號廩額一增額二十年一貢

道光六年將軍富俊會同學政陳 奏添長春廳學額三

名伯都訥一名初定未設廩增仍隸吉林儒學

儒林文苑

進士 民籍

田麟 順治壬辰科 歷官內院文院編修

馬維馭 乾隆庚子科 歷官湖北施南府知府

舉人 民籍

吳三元 順治己酉科 歷官貴州遵義府知府

李錦 乾隆甲子科 知縣 銜未仕

劉銓 乾隆戊申科 知縣 銜未仕

馬維駟 乾隆乙卯科

恩貢生

寧廷璧 乾隆三十九年

王光裕 乾隆四十九年

宋桂芳 乾隆五十四年

武青選 乾隆五十九年

宣麟 嘉慶四年現任  
臨汾縣知縣

劉幅生 嘉慶九年

趙經元 嘉慶十四年

吳黃金 嘉慶二十四年

武全義 道光四年

拔貢生 民籍

李麟 乾隆三十年

王傑 乾隆四十一年

甯天祿 乾隆五十三年

馬維總 嘉慶五年河  
南試用同知

陳志英 嘉慶十七年

王錫 道光四年

歲貢生 民籍

楊清久 乾隆三十四年

劉偉 乾隆三十九年

王懷溫 乾隆四十四年

陳志星 乾隆四十九年

張恭 乾隆五十四年

齊尚懿 乾隆五十九年  
南大姚縣知縣

楊寶 嘉慶四年

顧懷良 嘉慶九年

韓謙 嘉慶十四年



張文蔚 嘉慶十九年

勾 功 嘉慶二十四年

馬光第 道光四年

優貢生 合字號漢軍

沈承瑞 嘉慶十五年

沈志樸 嘉慶十八年

歲貢生 滿字號

七車布 嘉慶二十三年

歲貢生 合字號漢軍

田烈功 道光三年

白山書院在參局街嘉慶十九年將軍富俊買民居為學  
舍有房五間十九年原任吏部尚書鈇保謫戍吉林榜以  
今名將軍富俊以其地近市華囂改修賓館即舍後修學  
舍五間榜以故額其跋曰

此邦人士重武備而畧文事將軍富俊副都統松森首創  
書院延前歸德守熊酉山之書前經歷朱慎崖字泰前福  
建令朱玉堂履中主講席彬彬絃誦文教日興余喜其創  
始之難而樂觀其成也於是乎書

滿學十三

吉林二在

聖廟西南半里許學舍十四間康熙三十二年公捐營建乾

隆七年 奏請官銀修葺八旗每佐領每歲額送學生四名

寧古塔二在城內東南隅學舍六間雍正六年公捐營建乾隆

五十七年 奏請官銀修葺八旗每佐領每歲額送學生六名

伯都訥二在城內正南學舍六間雍正六年公捐營建乾隆四

十八年 奏請官銀修葺八旗每佐領每歲額送學生四名

三姓二在城內東南隅學舍六間雍正十二年公捐營建乾

隆十七年 奏請官銀修葺八旗每佐領每歲額送學生

四名以上八學俱分左右翼

阿勒楚喀一在城內東南隅學舍三間雍正五年公捐營

建乾隆三十三年 奏請官銀修葺八旗每佐領每歲額  
送學生三名

拉林一在堡內東北隅學舍三間乾隆二十一年公捐營建三十  
五年 奏請官銀修葺八旗每佐領每歲額送學生三名  
烏拉二學舍六間公捐營建嘉慶二年 奏請官銀修葺  
每歲額送學生四名乾隆三十年總管索柱捐建漢義學  
於城內

額穆赫索囉一學舍三間公捐營建生徒無額

以上十三學生徒俱於二月上學習清文騎射將軍富  
俊四任吉林左右翼二學添習清漢繙譯每月朔望呈進  
課本將軍富俊親筆改正並時常赴學考驗功課優者  
獎勵給與筆墨劣者交助教開導指引文教日興

蒙古學二在聖廟西南半里許學舍三間乾隆六年蒙古  
八旗兵力營建五十八年 奏請官銀修葺生徒無額習  
蒙古文騎射餘與滿學同

吉林左右翼二學助教官二員每翼教習四名由領催披  
甲內挑選蒙古學係蒙古繙譯筆帖式兼充教習其寧古  
塔伯都訥三姓阿勒楚喀烏拉拉林每學各設教習筆帖  
式一名亦各有教習幫教惟琿春額穆赫索羅學舍係兵  
資營建未設教習筆帖式各由本處領催披甲內挑選通  
曉清漢文義者充作教習

祠祀

吉林

先農壇 在城小東門外一里正殿三楹壇高三尺面濶二丈四尺雍正十年建

社稷壇 在先農壇側高濶尺丈與先農壇同同特建

風雲雷雨山川壇 在社稷壇側高濶尺丈與先農壇同同特建

城隍廟 在城內將軍公署東前殿三楹左右配廡各三楹寢殿三楹鐘鼓樓二大門三楹里民修建

長白山望祭殿 在城西門外九里温得赫恩山正殿五楹祭器樓二楹牌樓二座養祭鹿圈一雍正十一年建

松花江神廟 在城小東門外一里江北岸正殿五楹牌樓二座大門三楹東西門各一乾隆四十三年建

至聖先師廟

文昌閣

魁星樓 以上三廟已詳學校類

關帝廟 二一在城小東門外一里正殿三楹享殿三楹左右配廡各八楹鐘鼓戲樓各一大門三楹東西角門二乾隆

九年建一在城北門外二里北山正殿三楹鐘鼓戲樓各一配廡三楹禪房二楹正殿恭懸乾隆十九年

御書靈著幽歧匾額

觀音堂

二一在城東北隅正殿三楹左右配廡各三楹鐘鼓樓各一天門一楹乾隆四十八年建一在城東門外十二里龍

潭山正殿三楹祭祀房三楹禪室三楹乾隆十九年建正殿恭懸乾隆十九年

御書福佑大東匾額

崇禮龍王廟

三一在城小東門外一里江北岸正殿三楹配房三楹大門一楹乾隆二十五年重修一

在江南岸正殿三楹門宇四楹乾隆五十一年增建一在城東門十二里龍潭山正殿三楹山坡牌樓一座乾隆十九年建

西方寺

在城西門外一里正殿三楹左右配廡各三楹耳房三楹又弥勒殿一楹鐘鼓二大門三楹東西角

門各一乾隆二十五年里民重修

瘟神廟

在城內東南隅正殿三楹配廡大門共六楹康熙三十三年建

八蜡廟

在瘟神廟內即虫王廟正殿三楹同特建

三義廟

在城北隅正殿三楹配廡三楹大門一楹東西角門二乾隆二十年建

祖師廟 二一在城大東門內路南正殿六楹配廡六楹禪房三楹大門二楹嘉慶十二年重建一在城外北

山藥王廟 側殿三楹

財神廟 在城西北隅正殿三楹左右配廡各三楹禪房三楹牌樓一座戲樓一座大門三楹東西角門二嘉

慶十二年 里民重修

藥王廟 在城北山關帝廟後正殿三楹左右配廡各三楹大門二楹乾隆三年建

三官廟 在城隍廟東北隅正殿三楹左右配廡各三楹大門三楹乾隆四十四年建

東嶽廟 在城大東門外即天齋廟正殿三楹左右配廡各六楹禪房三楹鐘鼓樓二大門三康熙二十五年建

火神廟 在城西門外正殿三楹左右配廡各三楹大門三楹嘉慶十三年里民修建

山神廟 二一在城西門外正殿三楹左右配廡各三楹大門三楹戲樓一座雍正元年建一在城東地藏菴側正殿三楹

馬神廟 在城西門外正殿三楹配廡各五楹大門三楹康熙三十四年建

喜慶寺 在城西門外九里歡喜嶺正殿三楹配廡三楹耳房大門共四楹

北極廟 在城巴爾虎門外元天嶺正殿三楹配廡三楹耳房三楹大門二楹乾隆三十年建



大雄閣 即玉皇閣在城外北山藥王廟後  
山高閣三楹乾隆四十一年建

地藏菴 在城外大東門一里正殿三楹配廡五楹禪房二楹耳房  
二楹鐘樓一座大門一間東西角門二乾隆五十二年建

鬼王廟 殿在城西門外一里正  
三楹大門一楹

毓麟堂 在城西北隅正殿三楹禪房一  
楹大門一間乾隆十一年建

圓通寺 在城西隅正殿三楹  
耳房二楹大門二楹

娘娘廟 在城東關帝廟後正  
殿三楹大雄閣一座

酒仙祠 在娘娘廟側  
正殿三楹

土地祠 在城內城隍廟  
側正殿一楹

功德院 在城北隅正殿三楹後殿五楹  
左右配廡各三楹大門三楹

賢良祠 在城內功德院  
側正殿一楹

昭忠祠 在城內城隍廟側正  
殿三楹嘉慶八年建

寧古塔

至聖先師廟 在城東南隅 康熙三十二年建

文昌廟 二一在城東南隅 一在城外 閔帝廟側 正殿三楹 嘉慶二十三年建

魁星樓 同時建

城隍廟 在城外東南一里 正殿三楹 東西配廡各三楹 大門一楹

關帝廟 三 一在城外正西里許 正殿三楹 配廡各五楹 鐘鼓樓各一 大門三楹 一在城外東南三里 正殿三

極 享殿三楹 大門三楹 一在城西南十里 正殿三楹 配廡各五楹 大門三楹

山神廟 二 一在城西門外里許 正殿三楹 東西配廡各五楹 大門一楹 一在城外東南一里 正殿三楹 東西

配廡各五楹 大門三楹

地藏寺 二 一在城西門外三里 正殿三楹 一在城外東北隅 二里 殿宇三楹

觀音閣 殿 三 楹 大門三楹 在城西門外三里 正

茶棚菴 殿 宇 四 楹 在城南門外

古佛寺 在城外東  
南里許

土地祠 在城外東南里  
許正殿一楹

七聖祠 在城外東南一里  
正殿三楹配廡各三楹大門三楹

藥王廟 在城外東南一里  
正殿三楹配廡各三楹大門三楹

三官廟 在城外東北里許  
正殿三楹配廡各五楹大門三楹

娘娘廟 在城外東北里許  
正殿三楹配廡各五楹大門三楹

天齊廟 在城外東北一里  
正殿三楹配廡各五楹大門三楹

祖師廟 在城外東北一里  
正殿三楹配廡各五楹大門三楹

財神廟 在城外東北一里  
正殿三楹配廡各五楹大門三楹

龍王火神廟 在城外東北一里  
正殿三楹配廡各五楹大門三楹

馬神廟 在城外東南  
隅正殿三楹

伯都訥

至聖先師廟 在城東南隅 道光二年建

先農壇 在城南門外 雍正五年建

社稷壇 在城南門外 雍正十年建

風雲雷雨山川壇 在城南門外 雍正十年建

城隍廟 在城西南隅 正殿三楹 旁廡三楹 大門三楹 雍正六年建

江神廟 在城南門外 嘉慶五年建

藥王廟 在城東南隅 正殿三楹 左右配廡各三楹 大門六楹 乾隆十六年建

真武廟 在城西北隅 正殿三楹 左右配廡各三楹 大門一楹 乾隆二十九年建

娘娘廟 在城南門外 一里 正殿三楹 西廡三楹 山門一楹 乾隆十六年建

關帝廟 在城外一里 東南河口 正殿三楹 左右配廡各三楹 鐘鼓樓各一山門三楹 康熙四年建

祖師廟 在城外東南一里 正殿三楹 大門一楹 乾隆十六年建

龍王廟在城外東南一里正殿三極大門一極乾隆四十九年建

山神廟在城西北隅正殿三間乾隆二十九年建

財神廟在城西街乾隆二十九年建

瘟神廟在城南乾隆五十九年建

魯班神在城南道光三年建

鬼王廟在城南乾隆五十七年建

昭忠祠在城南嘉慶九年建

石佛寺在城外舊東京城東南隅相傳金時慈聖太后所建石伏高二丈餘後石首墜有石工人欲鑿為碾

甫舉鏹頭涔涔痛置之是夕里人同感異夢於是舉石首湊諸像治鉄固之即古址建刹至今香烟尤盛

觀音寺在吉林峯下

三姓

至聖先師廟 在城內

文昌閣 在城內

魁星樓 在城內

關帝廟 樓二一在西北隅正殿三楹左右配廡各五楹鐘鼓  
各一大門三楹一在南門外正殿三楹左右配

廡各五楹鐘鼓  
各一大門二楹

馬神廟 在城西北隅正殿  
三楹山門三楹

城隍廟 在城西北隅正殿三  
楹左右配廡各三楹


龍王廟 在城北四里正殿三楹左右配  
廡各三楹鐘樓一大門三楹

三皇廟 在城外西南三里正殿三楹左右配  
廡各三楹鐘鼓樓各一大門三楹

娘娘廟 在城外東北隅五里正殿  
三楹西廡三楹大門一楹

財神廟 近城西北隅正殿三楹東西配廡  
各五楹鐘鼓樓各一大門三楹

火神廟在城外西北隅正殿三極東  
昭忠祠在城外西配廡各三極大門三極



阿勒楚喀

至聖先師廟 在城內

文昌廟 在城內

關帝廟 二一在城南門外正殿三楹東廡五楹大門三楹  
一在城外西南隅正殿三楹東西配廡各五楹鐘

鼓樓各一  
大門三楹

城隍廟 在城西北隅正殿三楹東  
西配廡各三楹大門三楹

龍王廟 在城東北隅正殿三楹東  
西配廡各三楹大門三楹

三皇廟 在城內

娘娘廟 在城外東南隅正  
殿三楹大門三楹


虫王廟 在城外東南隅正  
殿三楹大門一楹

山神廟 在城外西南隅正殿三楹  
東西配廡各三楹大門一楹

財神廟 在城外西南  
隅正殿三楹



昭忠祠在城内



烏拉

關帝廟 二一在城內東北隅正殿三楹一  
在城北四里正殿三楹後廡二楹

藥王廟 殿在城外西南隅正  
三楹後殿三楹

財神廟 在城外西北半  
里正殿三楹

娘娘廟 在城外西北隅二里  
正殿三楹後殿三楹

山神廟 在城外西北四  
里正殿三楹

拉林

關帝廟 在街內東北隅正殿三楹東  
西配廡各五楹大門三楹


娘娘廟 正殿三楹

藥王廟 正殿三楹

山神廟 正殿一楹

以上三廟俱在

關帝廟內




雙城堡

關帝廟

中左右各一右已未建廟之先佐領武倫保忽

策馬追尋愈遠無蹟回至初見之所焚  
香許愿建廟破土興工時得古磨馬




卷七

田賦

物產

公署

人物



田賦



吉林陳民地七十一萬零二百四十一畝分別三則銀米  
各半徵收應徵銀米地各三十五萬五千一百二十畝零  
五分內上則地各十六萬九千六百二十四畝五分每畝  
徵銀三分米六升六合中則地各九萬三千三百六十三  
畝每畝徵銀二分米四升四合下則地各九萬二千一百  
三十三畝每畝徵銀一分米二升二合乾隆四十二年以  
後續增陳民墾地三十二萬五千八百九十八畝不分等  
則每畝徵銀八分米四合四勺二抄五撮米一石折徵銀  
一兩行差人丁二萬五千一百七十丁每丁徵銀一錢五  
分以上共徵地畝丁銀五萬六千四百九十六兩八錢七分九厘  
寧古塔陳民地五萬三千七百三十八畝分別三則銀米各半

徵收應徵銀米地各二萬六千八百六十九畝內上則地  
各九千五百十九畝五分每畝徵銀三分米六升六合中  
則地各八千六百八十二畝五分每畝徵銀二分米四升  
四合下則地各八千六百六十七畝每畝徵銀一分米二  
升二合乾隆四十六七年續增流民墾地一千三百二十  
一畝不分等則每畝徵銀八分米四合四勺二抄五撮行  
差人丁一千三百五十丁每丁徵銀一錢五分以上共徵  
地畝丁銀二千零六十兩零九錢二分二厘

伯都訥陳民地十萬零四十九畝八分五厘分別三則銀米各  
半徵收應徵銀米地各五萬零二十四畝九分二厘五毫內上則  
地各二萬零二百九十六畝九分二厘五毫每畝徵銀三分  
米六升六合中則地各一萬五千零四十畝每畝徵銀二分米

四升四合下則地各一萬四千六百八十八畝每畝徵銀

一分米二升二合乾隆四十二年以後續增陳民流民及

婁王氏孫悅明各控地案內並查出黑林子拉林河西岸

等處民人各墾地畝二十四萬五千六百八十三畝不分

等則每畝徵銀八分米四合四勺二抄五撮行差人丁一

萬四千三百七十五丁每丁徵銀一錢五分以上共徵地

畝丁銀二萬六千二百七十九兩一錢一分九厘

三姓陳民地一百二十畝分別三則銀米各半徵收應徵

銀米地各六十畝內上則地各二十畝徵銀三分米六升

六合中則地二十畝每畝徵銀二分米四升四合下則地

二十畝每畝徵銀一分米二升二合乾隆四十六七年續

增流民墾地六十六畝不分等則每畝徵銀八分米四合



四勺二抄五撮行差人丁四百十一丁每丁徵銀一錢五  
分以上共徵地畝丁銀七十一兩零六分二厘

阿勒楚喀行差人丁三千零七十四丁每丁徵銀一錢五  
分共徵丁銀四百六十一兩一錢無地畝糧

以上通省共徵地丁銀八萬五千三百六十九兩零八  
分二厘

稅課

吉林額徵牲畜菸麻牙當燒酒木稅銀共二千九百八兩

寧古塔額徵牲畜菸麻牙當燒酒木稅銀共二千一百五

十六兩九錢

伯都訥額徵牲畜菸麻牙當燒酒魚網稅銀共一千零四

十九兩三錢

三姓額徵牲畜菸麻牙當燒酒貂皮稅銀共四百四十三

兩二錢五分二厘

阿勒楚喀拉林額徵牲畜菸麻牙當燒酒稅銀共四百九

十九兩

長春廳額徵牲畜牙當燒酒稅銀共四百三十三兩九錢

六分

官庄

吉林官庄五十處壯丁五百名每壯丁地十二晌共地六千晌每壯丁交倉石糧三十石共交糧一萬五千石官牛三百條內應每歲倒斃牛六十條買補倒斃每牛價銀各六兩七錢共應領銀四百零二兩嗣因連年被災收成歉薄每年應交糧石不足額數嘉慶十七年將軍賽冲阿

奏准將應徵丁糧以一萬六百八十石作為正額交納嘉慶二十一年將軍富俊覆

奏准官庄五十處壯丁五百名內除逃散故丁一百五十四名現有丁三百四十六名實缺丁一百五十四名共計官地及旗民私開毗連之地一萬五千二百四十八晌三畝按地之肥瘠統令各按上中下等則徵收共計得糧一萬

一千一百九十七石四斗五升令各丁赴倉交納較前定額一萬六百八十石之數多增糧五百一十七石四斗五升現定租糧較前甚輕以後每年只領一半倒斃牛價銀已足敷用每年可節省銀二百零一兩查出法特哈邊門外三道卡薩哩閑荒招佃開墾取租以補缺額俟有認領之人即由陞科起租俟能赴原額一萬五千石之時再行具

奏

寧古塔官庄十三處壯丁一百三十名每壯丁十二晌共地一千五百六十晌每壯丁交倉石糧三十石共交糧三千九百石官牛七十八條內歲應倒斃牛十六條買補倒斃牛每牛價銀各六兩七錢共應領銀一百零七兩二錢  
伯都訥官庄六處壯丁六十名每壯丁地十二晌共地七百二


十响每壯丁交倉石糧三十石共交糧一千八百石官牛三十六條內歲應倒斃牛七條買補倒斃每牛價銀各六兩七錢共應領銀四十六兩九錢

三姓官庄十五處壯丁一百五十名每壯丁地十二响共地一千八百响每壯丁交倉石糧三十石共交糧四千五百石官牛九十條內歲應倒斃牛十八條買補倒斃每牛價銀各六兩七錢共應領銀一百二十兩六錢

阿勒楚喀拉林官庄六處壯丁六十名每壯丁地十二响共地七百二十响每壯丁交倉石糧三十石共交糧一千八百石官牛三十六條內歲應倒斃牛七條買補倒斃每牛價銀各六兩七錢共應領銀四十六兩九錢

以上共原額地一萬零二百响共徵倉谷二萬五千五

百石



旗田

吉林八旗及蒙古烏鎗營旗地共九萬五千一百三十四晌

水手營地共二千二百二十六晌

各駟站地共四萬九千九百九十七晌

四邊門地共二萬六千六百五十二晌

盛古塔旗地共六萬五千二百九十晌

伯都訥旗地共六萬九千零十一晌

三姓旗地共八千一百十六晌

阿勒楚喀拉林旗地共三萬六千二百七十八晌

琿春旗地共一萬二千零五十晌

烏拉旗地共四萬零三百三十八晌

以上旗地共三十六萬五千零九十二晌無賦額

公署

吉林

將軍公署 正面大堂七間穿堂五間儀門三間大門三間乾隆十九年

高宗純皇帝巡幸吉林

御書天江鎖鑰匾額恭懸穿堂內大堂後印房辦本摺滿檔房五

間漢檔房二間偏東督催所辦事房三間堂前西廂工  
司辦事房三間檔房三間戶司辦事房五間檔房三間  
同知辦事房二間東廂兵司辦事房五間檔房三間刑  
司辦事房五間檔房三間儀門外東前鋒營房三間前  
鋒該班房二間烏鎗營辦事房三間土地祠一間西水  
手營辦事房三間虎鎗營房二間管園場辦事房二間  
番役聽差房一間署外左右八旂聽差房十六間鹿角  
木全照壁一牌樓二

倉 在城內東北隅康熙二十八年建太平倉房六十間永  
宣倉房六十四間嘉慶二十三年均改修厥倉看倉巡

更堆房共六間倉上辦事房三間乾隆八年增修八旂  
義倉房九十六間又在西門外西南隅建水手營義倉房七間

庫 在公署內印庫樓二間銀庫樓二間康熙十五年建棉甲庫  
樓三間鎗庫樓二間雍正十年修看庫巡更堆房共四間

監獄 在公署內大獄房十五間獄神廟一間看獄巡更堆  
房四間獄官住房三間行獄房五間看獄巡更堆房三間



演武廳 在北門外正廳五間捲棚三間操演鎗亭三間  
堆房二間十旂聽差房十間嘉慶三年重修

街道廳 兩翼激桶房八間  
查街辦事房四間

果樓 存貯樓三間晒晾樓  
三間看守堆房五間

鷹房 六間在巴爾虎  
門內東南隅

黑牛房 六間牛圈五間羊圈二間  
看守堆房三間在北門外

官參局 大堂五間東庫三間西庫三間穿堂五  
間大堂五間照壁一座在糧米行街北

火藥局 庫三間看庫廵更堆房二間  
造火藥房六間在北門外

八旗弓匠房 十六間在河  
南街路南

八旗鐵匠房 十七間在西  
門外路北

船營庫 在西門外西南隅火藥庫三間顏  
料庫三十間看庫廵更堆房三間

龍船房 十二間造船房三間看船  
廵更堆房二間在西門外

公館 在官參局東隔壁嘉慶二十二年捐建正房五間東西  
廂房各三間二門一間東西廂房各五間大門五間

將軍署 共住房六十四間東西轅門二間柵欄改豎板塙

副都統署 照壁一座旗桿二根在尚儀街南臨江岸  
共房四十二間轅門二間  
照壁一座在糧米行街路南

理事同知公署 共房三十間在城內西北隅

巡檢公署 共房八間在同知公署東隔壁

學正公署 在聖廟西院共住房八間  
明倫堂三間尊經閣三間

民倉 永豐倉房三十六間看倉巡更堆房三  
間嘉慶十九年修在同知公署西南隅

獄房 六間看獄巡更堆房三  
間在同知公署西隅

稅房 三間在牛馬行街西

十旗官房 共二百零八間

八旗堆房 共二十三間按五街五門分  
設西門外江岫擺渡房二間

烏拉

協領公署 正房五間東西廂房各三間二門一  
間大門一間左右聽差房二間

八旗義倉 十三間 乾隆二十一年修  
在東門外看倉堆房三間

八旗堆房 共二十四間 在城內

演武廳 三間 堆房二間 在東門外

總管公署 大堂五間 二堂五間 檔房三間 八旗辦事房十間

倉 在城內東北隅共八十三間 康熙四十六年  
建現寔存五十間 看倉堆房三間

銀庫 一間

貯魚房 三間

貯密房 三間

伊通

佐領公署 正房三間 東西廂房各三間 大門一間

演武廳 三間

義倉 鑲黃旗正黃旗各三間

巡檢公署 大堂三間 住房三間 書吏房一間  
二門一間 大門一間 照壁一座

額穆赫索羅

佐領公署 正房三間 聽差房三間 大門一間

演武廳 三間

邊門各台站

義倉 已彥鄂佛囉邊七台 每台倉房三間 共二十一間 伊通邊七台 每台倉房三間 共二十一間 黑爾蘇邊門八台 每台

倉房三間 共二十四間 佈爾圖庫邊七台 每台倉房三間 共二十一間 烏拉額和木等十八站 每站倉房三間 烏拉站水手倉房三間 共五十七間 金珠鄂佛囉等十站 每站倉房三間 共三十四間 統計一百七十四間

長春廳

通判公署 大堂三間 二堂三間 穿堂三間 書吏房六間 檔房三間 住房三間 二門三間 大門一間 左右聽

差房二間 照壁一座

巡檢公署 大堂三間 書吏房一間 住房三間 二門一間 大門一間 照壁一座

監獄 房六間 禁卒房二間 獄神廟一間 看獄巡更堆房一間

### 寧古塔

副都統公署 大堂五間 穿堂五間 左右司辦事房各三間 檔房各三間 印房三間 前鋒營虎鎗房共六

間 儀門三間 大門三間

柵欄全照壁一座

倉 公倉四十間 倉檔房二間 看倉巡更堆房二間 康熙三十五年建 又雍正五年增建 義倉三十二間

庫 在公署內 印庫一間 銀庫三間 看庫巡更堆房二間 雍正四年建

演武廳 三間 看守堆房三間

監獄 在公署內 五間 看獄巡更堆房三間

官參局 共房二十九間 乾隆二十八年建 乾

八旂弓 鐵匠房六間

火藥庫 一間 看庫巡更堆房二間

果樓 三間

稅房三間

激桶房八間

鷹房三間

副都統署 住房三十七間 照壁一座

琿春

協領公署 大堂五間 辦事房三間 檔房三間 儀門一間 大門三間

義倉 房十五間 看倉廵更堆 雍正五年建

庫 在公署內 銀庫二間

演武廳三間

三旗堆房三間

伯都訥

副都統公署 大堂五間 穿堂三間 印房二間 左右司辦事房各三間 前鋒營房三間 荒營庫鎗營房三

間土地祠一間儀門一間大門三間  
八旗辦事房四間柵欄全照壁一座

倉中倉十間康熙三十二年建後倉十間雍正六年建前  
倉十間乾隆十年建看倉巡更堆房二間又雍正五年

建義倉二十六間看  
倉巡更堆房二間

庫在公署內印庫二間銀庫二間看庫  
巡更堆房各二間康熙三十二年建

監獄三間看獄巡  
更堆房三間

演武廳三間看守  
堆房二間

果樓二間看守  
堆房二間

激桶房二  
間

八旗弓鈇匠房共六  
間

火藥庫一間看庫巡  
更堆房二間

副都統署共住房二十五  
間照壁一座

同知公署共房二十二  
間照壁一座

巡檢公署共房七間照壁一座

獄房六間獄六間更堆房三間看

民倉二十四間看倉二間巡更堆房二間嘉慶二十一年建

稅房二間

孤榆樹屯

巡檢公署大堂三間住房三間書吏房一間二門一間大門一間照壁一座

三姓

副都統公署大堂五間穿堂五間大堂三間儀門三間印房三間左右司辦事房各三間檔房六間前

鋒營荒營房共六間八旗聽差房八間鹿角不全照壁一座

倉永豐倉五十間康熙三十二年建乾隆五十五年增建二十間倉檔房三間看倉巡更堆房四間又義二十間

雍正六年建

庫印庫一間銀庫二間棉甲庫一間看庫巡更堆房二間



監獄 五間看獄巡  
更堆房三間

演武廳 三間看守  
堆房三間

賞需樓 三間

果樓 二間看樓  
堆房二間

查街辦事房 三間

八旗弓鐵匠房 六間

稅房 三間

火藥庫 一間

鷹房 五間

船房 三間

副都統署 共住房二十二  
間照壁一座

阿勒楚喀

副都統公署

大堂五間穿堂三間儀門一間大門三間左右司辦事房各三間前鋒營房三間八旗聽

差房十間柵欄

全照壁一座

倉

公倉六十間乾隆三十二年修看倉巡更堆房三間又雍正六年建義倉二十間乾隆三十九年奏裁七間現

實存倉房六十

間義倉十三間

庫

印庫二間銀庫二間看庫巡更堆房各二間

監獄

九間看獄巡更堆房三間

演武廳

三間看守堆房二間

果樓

二間看守堆房三間

查街辦事房

三間

稅房

三間

副都統署

共住房三十六間照壁一座

拉林

協領公署 大堂五間 穿堂三間 儀門一間 大門三間

倉 公倉六十間 乾隆三十年建 看倉廵更堆房三間 又乾隆三十九年建 義倉十三間

棉甲庫 二間 看庫廵更堆房三間

演武廳 三間 看守堆房三間

果樓 二間 看守堆房三間

查街辦事房間三

稅房 二間


協領署 共住房三十六間

### 雙城堡

中屯協領公署 正堂三間 東廂房三間 西廂房三間 大門一間

義倉 九間 看倉廵更堆房一間

左屯佐領公署 正堂三間 廂房三間 大門一間



右屯佐領公署  
正堂三間  
廂房三間  
大門一間

左右屯義倉  
各九間  
看倉廵更堆房各一間

物產

貂鼠 吉林寧古塔三姓阿勒楚喀諸山林多有之甚輕煖  
英俄嶺以南者色黃嶺北者色紫黑三姓下江黑津

皮極高除貢皮二千六百張外餘准通商貿易

白貂鼠 另有一種稱千年白者非但不能似黑黃色者多耳

捨狸 類野狸而大耳有長毫白花色明一統志謂之土豹

狐 色赤而大夜擊之火星迸出毛極溫煖集腋為裘尤貴重

元狐 出下江大於火狐色黑无煖最貴又次黑毛稍微黃者名倭刀

沙狐 生沙磧中身小色白腹下皮集為裘名天馬皮類皮名烏雲豹

貂熊 大如狗紫色出寧古塔者頭紫黑兩肋微白

銀鼠 吉林省諸山中有之毛色潔白皮禦輕寒

灰鼠 吉林省諸山中有之灰白為上灰黑者次之

東珠 盛京以東各河蛤蚌皆產珠惟吉林黑龍江界內松嫩江艾琿各江河產者最佳每年烏拉總管分

派官兵乘船裏糧溯流尋採遇水深處用大桿挿入水底採者抱桿而下入水搜取蛤蚌携出眼同採官剥開或百十內得一顆包裹用印花封記至秋後方回將軍同總管挑選如形體不足分数或不光亮仍棄之於河以示嚴禁不敢自私亦漢時鐘離意委地之廉潔也至冬底入貢驗收按成色給賞納緞布足近來折發銀兩牲丁更沾寔惠矣

### 樺皮

樹皮似山桃有紫黑黃花紋可裹弓及鞍鐙諸物吉林諸山皆有之烏拉向有樺皮七世管佐領帶領兵

丁刺取入貢雍正年間裁去世管佐領將兵丁撥給官地交糧改為吉林八旗官兵刺取除額貢之外有

以樺皮作船大者能容數人小者扶之而行遇水輒渡游行便捷又以樺皮蓋窩棚並有利薄皮縫聯作油單

大雨不漏

### 菸

東三省俱產惟吉省者極佳名色不一吉林城南一帶名為南山菸味艷而香江東一帶名為東山香味艷而

醇城北邊台菸為次寧古塔菸名為台片獨湯頭溝有地四五胸所生菸葉止有一掌與別處所產不同味濃而厚清香入鼻人多爭買此南山東山台片湯頭溝之所分也通名黃菸

### 麻

有線麻蒜麻之別線麻堅寔凡城堡一切繩套網罽需用無窮吉林城北一帶種麻者居多每歲所收不減於

菸秋後入店售賣販者菸麻並買轉運內地名為菸麻  
客此吉林出產一大裝每歲約計賣銀百餘萬兩菸麻  
店生理大獲其利

**松塔** 吉林烏拉寧古塔諸山皆產而窩集中所產更勝其  
形下豐上銳層辦鱗砌望之如宰堵每辦各藏一粒

既熟則辦  
開而子落

**松子** 生松塔中烏拉總  
管每歲入貢

**安春香** 生於山巖潔淨處高一尺許葉似柳葉而小味香  
可供祭祀生於長白山者尤異常俗呼為安息香

**七里香** 枝葉似安春香葉大而厚惟  
產於長白山別處無所見

**烏拉草** 俗謂關東有三寶人參貂皮烏拉草夫草而與人  
參貂皮並立為三則草之珍異可知吉林山內所

產尤為細軟北地嚴寒冰雪深厚凡穿烏拉或穿塔塔  
馬者必將烏拉草錘熟墊於其內冬夏溫涼得當即嚴  
寒而足不覺凍此所以居三寶之一也戊辰奉天學政  
茹榮考古命題烏拉草吉林優貢沈承瑞有任他冰雪  
侵鞋冷到處陽春與脚隨之句學使賞識拔其尤焉

**渠麻菜** 城外各地邊外之地多有之忽東忽西特有時無  
諺云有搬家之說其滋生多在興旺之地也

小蒜稱為小根菜吉林田原向陽處開凍時百草未萌小

蔬之異品歲  
以八頁

山葱爾雅謂之荈俗稱為寒葱產於輝法城一帶諸山中

最為肥嫩有寒葱嶺採取時必就寒葱之水洗淨即時用鹽盛確方不能壞易水未能良也其味深長炎熱時青蠅不能沾落係潔淨之品歲以八頁

山韭莖一葉爾雅謂之藿詩六月食  
藿即此出輝法城一帶者尤佳

蕨菜即詩云言采其蕨美其名吉祥菜產於吉林山中莖色青紫肥潤每歲晒乾入頁

蘑菇諸山中皆有之種類不一生榆者為榆蘑生榛者為榛蘑生樟者為樟蘑而榆肉生榆樹窟中尤鮮美即

古所謂樹  
雞是也

紫皮蘿蔔蘿蔔皮色帶紫者間亦有之獨三姓所產紫皮蘿蔔不但皮紫肉亦紫味逾水梨爽脆適口

托盤產於吉林山中類似楊梅名曰托盤取象形馬色紅鮮艷味更酣美惜採摘逾夜即化為紅水清晨吸飲

香美尤  
為獨絕

海參形如虫有肉刺  
瑋春出者尤佳



海紅 形似海參能  
滋補出琿春

海茄 形似團哈皮肉似海參無刺  
滋陰勝品功同海參出琿春

海藻 出東海黑色亂如髮葉似藻葉因名海藻本草云有  
二種生於淺水黑色短如馬尾一種生於深海中葉

大如菜唐書渤海傳生於南海者亦細名為昆布其名  
雖殊其寔一類今琿春所出頗盛

海帶 似海藻而粗柔莖而長紫赤色  
今採者並海藻通呼為海菜

海蘊 葉似亂絲亦  
海藻之類

鱣 即鱣也長丈餘鼻  
長有鬚口近頷下

細鱗魚 頭尖色白

哲鱸魚 似鱸魚色黑  
味美不醒

鯽魚 似小鰱花出寧古  
塔南湖者極佳

鰈魚 大口細鱗有斑  
采即鰈花也

魴魚 縮項窮脊細  
鱗即鰈花也

鱈魚細鱗形窄腹扁頭尾向上即白

人參俗稱棒錘有巴掌灯台二夾子四披葉五披葉六披葉之名產於吉省烏蘇哩綏芬英俄嶺等處深山樹

木叢林地東東方生發之氣得地脉淳精之靈生成神草為藥之屬極上上品人參贊云三柳五葉背陽向陰所來求我者假樹相尋

鹿茸鹿乃仙獸能別良草述異記云鹿千歲為蒼又五百歲為白又五百歲為玄遠東山潤草壯鹿得以蕃息

其茸角膠血力精足入藥自為上品

虎骨膠虎之一身筋節氣力皆出前足脛骨帶脛骨用全虎骨熬膏膠治一切風寒瀕潮腿疾虛虧之症亦

有專用脛骨熬膏膠者其效皆神

牛黃經疏云牛食百草其精華凝結成黃或云牛黃牛病乃生黃者非也牛有黃必多吼喚以盆水承之伺其

吐出迫喝即墮水名曰生黃揭折輕虛而氣香者良殺死角中得者名角黃心中者名心黃肝胆中者名肝胆黃或塊或粒總不及生得者但

磨指甲上黃透指甲者為真

熊胆本草稱為上品本不易得吉省深山密林中樵採者特常遇之獵戶捕之易得也

腥膻臍

即海狗腎網目云出西番狀似狐而尾長大臍似麝香黃赤色按臨海志云出東海水中狀若鹿頭似狗尾長又出登萊州其狀非獸非魚但前足似獸而尾似魚觀此似狐鹿者其毛色也似狗者其足形也似魚者其尾形也今瑛春三姓地近海邊亦有之醫家以滋補藥多用之

五味子

性溫五味皆備皮甘肉酸核中苦辛都有鹹味爾雅謂之葶藶子少肉厚者為勝出吉林者最佳

細辛

一名少辛管子云五沃之土羣藥生小辛是也醫家以吉省細辛為佳通行各省

黃精

處處山谷皆有之服食上品以其得坤土之精久服益壽吉林山土肥壯自然甘美勝他處博物志云太陽之草名鈎吻食之立死黃精鈎吻形植之別詳見網目

萎蕤

根似黃精小異莖幹強直似竹箭有節葉狹而長表白裏青性柔多鬚

赤芍

即芍藥根亦有白者此處所產尤勝他處

黃芩

有枯芩條芩之別中虛者名枯芩內實者名條芩其用自異此處所產俱備焉惟深色堅實者良

柴胡

北產者如前胡而軟入藥亦良南產者不似前胡如蒿根硬不堪用

升麻

其葉似麻其氣上升故名網目云形細而黑極堅者為佳今則通取裏白外黑而堅實者去鬚蘆用之俗

名為鬼臉升麻其  
苗呼為窟窿芽

紫草根花俱紫可以染紫其草山產粗而色紫  
入藥紫梗園產細而色鮮只染物不入藥

北山查有大小二種北者小  
肉堅去核用亦有力

益母草綱目云小暑端午或六月六日採  
益母莖葉花寔用治百病尤良

王年牛生於深山密林朽木上性溫其形長有寸許細入  
花莖色黑肉白能下乳不易得產於綏芬烏蘇哩

諸山中創參人有認識者採  
來售賣此藥本草綱目所無

防風黃潤  
者良

麝形如麝一名香麝喜食柏  
麟血入藥名麝香出三姓

通草有細細孔兩頭皆通故  
云通草即今所謂木通

桔梗此草之根結寔而梗直故名根如指黃白色春  
生苗莖高尺餘葉似杏葉而長味苦辛者真

威靈仙威言性猛靈仙言其功神生先於眾草方莖數葉  
相對其根稠密多鬚年深旁達一根叢鬚數百條

長者二尺許初時黃黑色乾則深黑色人  
稱鉄脚威靈仙但色或黃或白不可用

火麻仁 麻子 即線

薏苡仁 形如珠稍長青白色味甘咬粘人齒如糯米可作粥飯本地多種之入本草云一種粘牙者尖而殼

薄即薏苡也一種圓而殼厚堅硬即菩提子其米少可穿作念珠

馬齒莧

葉有大小之別大葉者為犴耳草不堪用小葉並比如馬齒而性滑利似莧柔莖布地細細對生者為是入藥須去莖其莖無效本地多採苗煮晒為蔬

翻白草

高不盈尺一莖三葉尖長而厚有皺紋鋸齒面青背白開小黃花結子皮赤肉白如雞肉故又名鷄腿根生食煮熟皆宜荒年可以充食

卷柏

叢生多出石間苗似柏葉而細拳孳如鷄足青黃色高三五寸無花子宿根紫色多鬚其性耐久故名長生不死草

穀精草

穀田餘氣所出葉似嫩穀秧白花如碎星故名此處尤多

狼毒

葉似商陸及大黃莖葉上有毛根皮黃肉白以寔重者為良

旋覆花

多生水旁長二尺許細莖葉似柳花如菊大如銅錢故又名金錢花

鼠尾草 以穗形命名野田平澤中甚多紫花莖葉俱可採滋染皂

瞿麥

莖纖細有節高尺餘一莖生細葉有尖花開紫赤色者居多子頗似麥尔雅謂之大菊俗呼為落陽花

猪苓

多生楓樹下塊色黑如猪屎皮黑肉白而寔者良本草謂之木之餘氣所結亦如松之結伏苓之義

以上物產藥材有志內未載載而未詳者今擇其著

名貴重考查增錄以補志之未詳備也

人物

賚保 大學士 軍機大臣 藍旗滿洲

舒赫德 大學士 平定國 蒙古特新 山東臨清州 琿春滿洲

慎泰 戶部侍郎 吉林 正黃旗滿洲

順海 都察院左都御史 吉林 廂黃旗滿洲

穆克德恩 領侍衛內大臣 西安將軍 出師八里坤 烏拉滿洲

富德 御前大臣 領侍衛內大臣 議政大臣 理藩院尚書 方畧館副總裁 管理繕書房 左翼右官學 新舊營房事務 正黃旗蒙古都統 出師巴里坤 金川 雲南 一等成勇侯 吉林 正黃旗滿洲

額勒登保 御前大臣 太子太保 領侍衛內大臣 出師緬甸 石峰堡 金川 台灣 廓爾喀 苗疆 又授川陝楚經 善大臣 賞戴 雙眼花翎 晉封 威勇公 世襲一等威勇侯 霍隆武巴圖魯 烏拉滿洲

哈朗阿 御前侍衛 前鋒統領 世襲一等威勇侯 出師河南 喀什 噶爾 西朗阿巴圖魯 額勒登保之子 烏拉滿洲

博崇武 福建副將 出師蘭州 山東 金川 瑪桑巴圖魯 吉林 正黃旗滿洲

朱尔杭阿 御前侍衛 都統 前引大臣 兼管 工部院 武備院 出師廓爾喀 山東 蘭州 七達勒巴圖魯 吉林 正黃旗滿洲 博崇武胞弟

巴達瑪 正白旗 都統 出師金川 奇爾特 依巴圖魯 吉林 正黃旗滿洲

多隆武 四川提督出師川陝楚

尼瑪善 成都將軍出師川陝楚吉林  
鑲白旗滿洲 多隆武之姪

特依順保 黑龍江將軍出師川陝楚  
奇成額巴圖魯 琿春滿洲

格布舍 寧夏將軍出師川陝楚河南  
巴圖魯 琿春滿洲

僧保 吉林副都統吉林  
正白旗滿洲

靈泰 盛京副都統  
吉林正藍旗滿洲

武靈阿 吉林副都統出師雲南金川  
獎賞花翎吉林正紅旗滿洲

佟海 熊岳副都統吉林  
正藍旗滿洲

烏雅勒達 署齊齊哈爾將軍伯都訥副都統塔爾巴哈台參贊  
大臣出師巴里坤雲南金川獎賞花翎烏拉滿洲

達嵩阿 三姓副都統出師金川獎賞花  
翎烏拉滿洲 烏雅勒達胞弟

蘇倫保 伯都訥副都統加都統銜出師川陝楚  
喀什噶爾哈布台巴圖魯正黃旗滿洲

常在 山東青州副都統出師川陝楚  
博奇巴圖魯三姓滿洲



索 任 吉林副都統兼烏拉總管

吉 祿 吉林副都統兼烏拉總管 索住之子

烏凌阿 喀什噶爾辦事大臣前引大臣出師川陝楚

舒爾哈善 呼倫貝爾總管喀什噶爾辦事大臣出師山陝楚

穆騰額 阿勒楚喀副都統出師川陝楚吉

明德 墨爾根副都統出師川陝楚

武登額 八十歲五世同堂奉 旨賞恩榮介壽匾額吉林廂白旗滿洲

德 海 騰奇特依巴圖魯阿勒楚喀滿洲

和 福 寧古塔副都統出師河南獎賞

精欽保 乾清門行走阿勒楚喀副都統出師川陝 特依順保胞弟

倭楞泰 吉林副都統出師川陝楚喀什噶

安 福 乾清門行走前鋒統領出師川陝楚喀什 巴圖魯吉林廂藍旗滿洲

富 永熊兵副都統出師金川陝楚  
永獎賞花翎吉林廂藍旗滿洲

富僧德 乾清門行走護軍統領出師川  
陝楚 巴圖魯琿春滿洲

阿勒罕保 乾清門行走副都統出師川陝楚  
喀什噶爾 巴圖魯琿春滿洲

富 蘭 察哈尔都統護統領出師川陝  
楚獎賞花翎吉林正黃旗滿洲

我

朝發祥

長白國初佐命貌休之士皆出自吉林省載在史冊今自乾

隆年間開錄補志之未載也


卷八

時令

風俗

貞節

雜記



時令

吉林太陽出入時刻大抵春分六日後視京師出漸早入  
漸遲此晝之所以長於京師也秋分六日後視京師出漸  
遲入漸早此晝之所以短於京師也至一歲節氣視黑龍  
江時刻較早視奉天時刻較遲如道光元年新正二日立  
春吉林已正初刻十四分黑龍江已正一刻一分奉天已正初  
刻一分觀此可以驗天時矣



吉林通省琿春獨煖地近海隅日出早見得陽氣之先也  
伯都訥半屬沙漠四時多風春風尤甚或竟日不息軍民  
不燃竈火爐爨為食三姓最北至寒其餘各城風景相同  
琿春之煖亦不似內地酷熱當風交扇猶然雨汗淋漓也  
不過較煖於諸城而已

松花江每歲十月堅冰可行重車然雖極寒向陽處終有冰  
孔立春後冰孔乃全實故刨參人於正月內方沿冰用扒  
犁送米入山至清明節前後冰泮但二月清明則冰解反  
在節前三月清明則冰解反在節後歷驗不爽其理殊不

可解

吉林

風俗

性直樸習禮讓務農敦本以

國語騎射為先兵挽八力鎗有準頭驍勇聞天下自嘉慶五  
年添設滿合考試文風丕振

烏拉

尚勤儉明禮讓總管衙門管下人採捕優長協領管下人  
精於騎射

寧古塔

尚淳實耕作之餘尤好射獵近年漢字事件日增競談文墨

琿春

舊無丁民亦無外來民戶皆熟

國語捕打海參海菜為生少耕作春夏秋冬射獵無虛日尤  
爛於鎗

伯都訥

風氣醇古人樸厚好騎射常於馬上擲木棒捕野兔山獺

百發百中木棒長一尺徑寸餘

三姓

好直爽善騎射鎗技爛習數年前曾有協領福珠隆阿射

虎項骨後第三斑點處一箭倒卧不動虎項骨後第三斑點通心

阿勒楚喀

尚耕作素稱魚米之鄉習禮讓爛騎射務本而不逐末


拉林

淳樸相尚務農之餘熟爛騎射



雙城堡

習尚勤儉旗丁熟嫻耕作地利大興



貞節

貞女姚氏吉林正藍旗滿洲閑散德得未婚妻年二十九夫死于歸矢志柏舟誓死靡他守節終身乾隆三十九年


旌表

貞女鄔扎氏琿春正黃旗三等待衛訥依松額未婚妻本名門望族父吉林協領僧保兄福建副將博崇武弟

御前侍衛都統珠爾杭阿識字通文熟讀綱目常與弟兄論及治政悉獲治正之要宗戚稱為女中文丈夫年二十八夫陣亡金川剪髮痛哭徒步于歸撫養夫先妻之子多倫保成立後陞協領長孫富尼雅杭阿陞佐領教以居官清正之道不事貪墨多倫保事母至孝凡家中事無鉅細皆奉母命而行雖日用常餐未嘗先食氏偶病必親侍湯藥終夜不

寢盛暑衣不解帶貞節格天得此孝子奉養鄉人稱之守  
節五十一年嘉慶三年

旌表



查城


東三省向例五年

星使按臨各城查閱錢糧倉庫點驗軍裝器械馬匹總在冬季往返跋涉不勝其累不但駟站疲於奔命而各城供給竟至一二年不能彌縫其闕嘉慶二十三年將軍富俊條奏以各城即有虧空計值巡閱之年早為借備齊全盤查誠故套勞兵傷財於公事無益請停止責成三省將軍隨時稽查不拘年限出其不意

欽派盤查庶得寔濟奉

肯向例每屆五年派京鄉一員巡查奉天由盛京五部侍郎內奏派二員巡查吉林黑龍江因思派員巡閱原以慎重官守稽查懈怠然定例年限則期可預知即有弊端不難先期掩飾

於事仍無裨益嗣後該三省屆期巡查之例俱著停止奏  
派朕酌量應查閱之處特旨派員前往以昭核寔欽此



年班

吉林省副都統年班進京例應二員如遇將軍年班副都  
統亦去一員道光六年將軍富俊條奏長途往返耽延時  
日署缺之員未免意存五日京兆於公事無益奉

諭褒嘉准自本年為始應值將軍年班副都統即無庸進京如  
值副都統年班亦祇須輪替一員進京無庸二員年班以

重職守

黑津

黑津名目不一琿春東南濱臨南海一帶者謂之恰喀爾  
三姓城東北三千餘里松花江下游齊集以上至烏蘇哩  
江東西兩岸者謂之赫哲齊集以下至東北海島者謂之  
費雅哈又東南謂之庫葉齊集地名也恰喀爾隔年一次  
至烏蘇哩莽牛河三姓派員收納

貢皮九十張頒給

賞物齊集以上者俱赴三姓交納

貢皮領取

賞物齊集以下者俱在三姓城東北三千里德勒恩地方派

三姓之員收納

貢皮頒給

賞物此三項黑津每年共納貂皮二千六百張所有

賞賚蟒袍粧緞細緞布疋諸物例由三姓每年派員赴

盛京領來頒賞又烏蘇哩江口松花江下游黑津私下貿易

常於冰凍後以數狗駕車而來捷如奔馬性嗜酒貪小利

奸商能懂黑津話者交易換貨其利倍蓰每以辣樹水攪

燒酒換去盛瓶携於狗車或瓶破而酒凍不洒喜出望外

猶感奸商之情其蚩蚩之性如此其餘更可知矣



查山

黑津捕打為食夏衣魚皮冬衣犬鹿皮未嘗食粟山內產  
參不知剗採有偷挖人參者稱為黑人十百成羣馱負糧  
布竄入其中呼朋引類約有千餘人搭蓋窩棚招集黑津  
丁男與之衣食令其認採參枝安享漁利據其家室姦盜  
邪淫無惡不作嘉慶十六年將軍賽冲阿

奏派副都統松銖色爾滾帶領官兵一由寧古塔磨刀石長  
嶺子一由三姓烏蘇哩江呢滿口分路入山搜查焚燬窩  
棚拔棄窖糧將偷挖人參之黑人窮搜盡逐趕至距寧古  
塔二千五百八十五里蘇城一帶出山時適逢大雪竟至  
八九尺黑人無處躲避雪埋過半凍斃多人姦邪之報其

應如響

# 領票交參

領票曰攬頭挖參曰劊夫市稱為烏金行所住曰票房子  
領票進山謂把兒頭每票一張發給腰牌四個卡倫驗明  
放行帶領十餘人為一棚從前放票千有餘張漸因出參  
較少採取愈難歷任將軍以次

奏減至數百張放票有定額放不足數官有處分票有出山  
票燒鍋票卧票之分每領出山票一張例給接濟銀二百  
兩秋後交參二兩併原領接濟銀一併交官不准塌欠燒  
鍋票每張亦交參二兩出於燒鍋商人每票一張交京錢  
五百吊包給攬頭劊夫代為交參又有未經放出之票謂  
之卧票用餘參銀兩分派攬頭買補卧票額參交官每年  
十月間將軍副都統督率局員挑揀四等參五等參裝箱

派參局協佐進

貢謂之頭幫參挑剩餘參准攬頭劄夫掛號變賣有蘇州山西參商來買者亦有攬頭劄夫自赴蘇州去賣者將軍當堂過秤給票派員送至山海關驗票進關謂之二幫參無票曰黑參掣獲照例治罪吉林向無收取參餘名目因乾隆五十九年劄夫搨欠虧空庫項數十萬兩經

欽差大學士福康安等審明奏定餘參一兩抽收號銀不得過二兩兩彌補虧空謂之參餘相沿至今遂為定例除買補外票額票之外盈餘銀兩抵充兵餉

放票論分數

例載參票如十分之中承放官員短放不及一分者罰俸六個月一分以上罰俸一年二分以上者降一級留任三分以上者降二級留任四分以上者降三級留任五分以上者實降一級調用若該管大臣不行查催各城有短放參票三分以上者將軍副都統等罰俸六個月四分以上者罰俸一年五分以上者降一級留任例載私參映照私創人參例辦理又例載一時烏合各出資本及受雇偷探或支身潛往得參者俱按其得參數目一兩以下杖六十徒一年一兩以上至五兩以上杖七十徒一年半一十兩杖八十徒二年為從及未得參者各減一等

活剝牛皮


吉林西至威遠堡邊門有外來回民每勾結本處窩竊者坐城分贓烏拉城西北一帶深密林中向有窩竊地穴偷竊牛馬事主找認須以錢贖或因緝捕緊急盜牛不遠將牛束縛用利刃在牛膝以上挑開畫線以通腹下即放牛起以鉄鈎鈎其背繫於樹下負痛狂奔皮輒剝落賊語謂活脫衣鮮血淋漓牛仍奔回越日始斃最為可慘將軍富俊二任吉林購線緝獲毀其賊巢盡法懲辦盜賊慘竊之

風遂息

查閱高麗

例由京禮部派通官二員行文吉林寧古塔每年輪派佐領防禦筆帖式各一員吉林寧古塔每旗派領催一名甲兵二名官庄派領催一各壯丁十五名每年蜡月初旬帶同通官赴額穆赫索羅會齊前往到高麗地方會寧城其城在東山坡主鎮官郊迎至鰲山公館設宴款待極為恭敬例應進牛一百三十四頭分給吉林寧古塔協領十員各一頭吉林官庄二十三頭寧古塔官庄二十頭吉林八旗每旗各三頭奉差之佐領四頭防禦三頭筆帖式二頭通官二頭每牛一頭應賞布七疋均於得牛名下出給又三年一次赴清元地方會同琿春官員查閱貿易例應開市五日通商貿易以其所有易其所無向來駕兒馬一匹

易牛二頭走馬一匹易牛二三至四五頭不等其利倍焉  
偶遇天災倒斃亦多折本又高麗清心丸極為靈驗近亦  
有通官自京帶來充售者也



整飭驛站

郵駟之設所以通

星軺而行文報也向來吉林驛站濫支濫應丁疲馬瘦以致將站丁原有地畝典賣殆盡丁逃逋欠不一而足由來已久歷任將軍查問總以積重難返無從調劑嘉慶二十三年將軍富俊清查四路驛站典賣地畝共一萬五千餘晌示諭典賣官產例禁綦嚴分別年限查典賣十年以後即行收回如未滿十年者自種減租二成倘有拖欠逐佃另招該典賣民人赴京控告

星使定獻奏

聞部議將此項地畝入官納糧復經將軍富俊條奏作為八百五十站丁隨缺之地每丁得隨缺地十五晌零九畝以



資津貼當差又伯都訥圍場沿邊隙地荒蕪可惜自登伊  
勒哲庫站至五家子站沿邊餘荒計有二萬晌給北路站  
丁招佃試墾所得租價分給三十八站充公丁力饒裕駟  
務日增起色矣


粥廠

吉林土著民人甚少而外來者謂之跑腿兒大抵永平府屬暨山東人居多非挖參為業即砍木營生近年人民稠密五方襍處內中游手好閑以及老幼廢疾者遇冬不免飢寒常有凍斃倒卧街衢者將軍富俊查知此情於城隍廟施設粥廠勸諭五街各鋪商捐資共襄善舉每年自十一月初一日起至開年二月十五日止賑施粥廠活人無數

# 功德院

吉林城內雍正年間有壽婦石熊氏年九十餘歲家道殷實好善樂施無子嗣將住宅改為功德院遇冬貧民老幼廢疾無衣食者往功德院依歸晚間熱炕日飼粥飯至四月初一日為止石熊氏壽至百齡生前將家有良田盡施於功德院招德行僧經營永遠奉迨石熊氏身後僧與貧民咸感其德即於功德院殿之西隅另建一間塑像奉事香火相沿至今遇冬貧民赴同知衙門掛號送功德院收養又相傳乾隆五十六年四月二十日城內火災甚熾逼近功德院人力不能撲救該僧與隣人傍徨失措忽院內有一老嫗白髮蕭蕭曳杖迎火而前顧謂救火人曰功德濟人天所佑也言訖遂不見頃刻間反風火滅功德院無

恙噫一婦人之善念周濟貧民感動人天雖無子嗣香火  
不能石熊氏宜乎有靈死且不朽矣



木有軟硬

每年官處給票砍運修船木植及八旂官兵蓋房燒柴承  
領票頭謂之木頭老鴉砍存過冬謂之打凍乘冰雪拉運  
及開河至江口謂之趕洋總由拉法河蛟河趕至拉法口  
斃厥穿排入松花江到城江邊如柁木柞木紅紐勁子女  
兜木青崗柳等謂之硬木煉火成炭至沙松黃果松柴椴  
木秋木楊木皆謂之軟木可作器具蓋房之用燒無火勁  
各隨木性利用咸宜

採煤

吉林為產木之區家家柴薪堆積成塚不但蓋房所用梁柱枋標炕沿窻櫺一切大小木植即街道圍墻無不悉資板片近來生齒日繁庶民雲集產木山場愈伐愈遠將軍富俊念及旂民日用柴薪價資昂貴生計拮据前後

奏請於營盤溝荒山子三道溝二台及西南山坡等處開採煤窰以濟民炊爨價廉於柴

園獸

打牲獵戶稱為炮手虎稱為老媽子熊名黑瞎子此村民  
語也熊虎吉林諸山中皆有之虎嘯風從熊出爭鬪山鳴  
谷應兇不可當炮手潛放冷箭攫取先斃其虎熊不知道  
蓋虎靈而熊傻也熊亦入蟄或鑽土穴或藏空樹稱為作  
洞氣炙薰葵霜雪中一望而知炮手知其在洞擲柴塊於  
洞口熊掌接入填塞洞門旁鑽小孔刺斃之頗不費力至  
野猪大者有六七百觚齒如象齒外出而又灣捲利如鋒  
刃護領尋出山覓食虎狼不能犯且週身日襯松油原有  
寸許名曰掛鎗箭不能入炮手能以鎗箭取中其七竅者

始斃

耜犁用兩轆木作底立插四柱高三寸許上穿二橫木或鋪板或塘木坐人拉運貨物皆可前轆上灣穿以繩套二馬服駕輕捷於車若馴更換馬匹冰雪之地可以日行三四百里並有作車上棚於耜犁底上設傍門套鹿皮圍謂之煖耜犁



操練

道光二年將軍富俊


奏吉林與京城暨各省駐防綠營兵弁情形皆不相同吉林兵丁散處各屯率以務農為業打牲營生惟春秋二季調集省垣先令本管協領督率各佐領演練步射騎射鎗陣各技藝又復專派協領輪看後乃擇日分旂於教場大操分別獎賞責革其春季有差使外出者註冊秋季補操毋許兩季不到騎射為旂兵長技弓不勁不能及遠故挑缺時則以制準六力官弓為合式操練時則以八力為上等又烏鎗尤軍利器吉林漢軍叅領所轄八旂為烏鎗營尤加意訓練至官為兵之表率操練時比較十旂五十六佐領兵丁技藝優長分別獎責之外該管協領佐領等一併

分別記功記過以示勸懲每年小雪節後揀選各城官兵  
一千名行圍採捕

貢鮮即以比較技勇分別記註功過每遇陞轉缺出先較技  
藝技藝等再較軍功軍功等再較清漢文字三者俱优然  
後入選此歷年操練之舊規也惟於常練之外酌擬操練  
之處連日再三熟商務農習勞於田間打牲訓練於馬上  
二者均不可廢惟每年春秋以仲月望調操至季月杪罷  
操嗣後以仲月朔調操每季加展半月俾資肄習將軍副  
都統跟班兵丁向係輪班當差暇時即令在門前演射以  
期造就等因具奏奉


旨吉林乃我朝根本重地本處兵丁素稱驍健朕所深知然必當  
安不忘危培養人材為要我滿洲舊俗總在弓箭鳥鎗馬

上此三項允宜並重而其中又以強壯便捷挽強有準者  
為最斷不可沾染時俗工于式樣架勢終無實用也汝可  
遵照定章留心訓練日久不可稍形廢弛勉之欽此



卷九

古蹟



古蹟

吉林

大金得勝陀

得勝陀頌

奉政大夫充翰林修撰同知 制誥兼太常博士驍騎尉

賜緋魚袋臣趙可奉

勅撰

儒林郎咸平府清安縣令武騎尉賜緋魚袋臣孫候奉

勅書丹

承直郎應奉翰林文字同知制誥兼充 國史院編修官

雲騎尉賜緋魚袋臣党懷英奉

勅篆額



得勝陀

太祖武元皇帝誓師之地也臣謹按 實錄及

睿德神功碑云

太祖率軍渡洑流水命諸路軍畢會

太祖先據高阜國相撒改與衆仰望

聖質如喬松之高所乘赭白馬亦如岡阜之大

太祖顧撒改等人馬高大亦悉異常

太祖曰此殆天地協應吾軍勝敵之驗也諸君觀此正當勦力

同心若大事克成復會於此當酌而名之後以是名賜其

地云時又以禳禱之法行於軍中諸軍介冑序立戰士光

浮萬里之程勝敵刻日

其兆見復焉大定甲辰歲

驚輅東巡

駐蹕上都思

武元締構之難盡

孝孫光昭之道始也命新

神御以嚴穆穆之容既又俾刊貞石以替暉暉之業而

孝思不忘念張闕休而揚緯蹟者蓋有加而無已也明年夏四月

詔以得勝陀事訪于相府謂宜如何相府訂于禮官以為昔唐

玄宗幸太原嘗有起義堂頌過上黨有舊宮述聖頌今若

倣此刻頌建字以彰 聖迹於義為允相府以

聞制曰可臣可方以文字待罪禁林然則頌成功美形容臣

之職也敢再拜稽首獻文曰

遼季失道 腥聞于天 迺眷東顧 實生 武元

皇矣我祖 受天之祜 恭行天罰 布昭聖武 有卷者阿

望之陂陀 爰整其旅 各稱尔戈 諸道之兵 亦集其下

大巡六師 告以福禍 明明之令 如霆如雷 桓桓之士

如熊如羆 先是太祖 首登高阜 靈祝自天 事駭觀覩

今仰聖質 凜如喬松 其所乘馬 周阜穹宗 帝視左右

人馬亦異 曰此美徵 勝敵之兆 往無不利 諸君勉之

師勝而還 當名此地 神道設教 易經著舜 厭勝之法

自古有之 我軍如雲 戈甲相屬 神火燄々 光浮萬丈

厥類惟欽 天有顯道 國家將興 必有禎祥 周武戎衣

火流王屋 漢高奮劍 素靈夜矢 受命之符 孰云非貞

出彼宗元 遂誣尚明 得勝之祥 如日杲々 至今遺老

疇佛神道 聖金天子



武元神孫 化彼朔南 德并羲軒 眷言舊邦 六飛戾止

六飛戾止 江山良是 念我烈祖 開劍之莖 風櫛雨沐

用集大勳 聖容既新

聖功既寓 永克厥志 以為未也 惟此得勝

我祖所名 詔以其事 載諸頌聲 文王有聲 邁駿有聲

潤色 祖業 惟時 帝王之符 聖明

千載治孝 配姬與劉 詔于萬世

大定二十五年七月二十八日立

背面

奉羊美羊

太禾並中戈尚奎車

天示尚並美羊仲夫反

天示支举反戈庄米米又吞光床天

太乘中戈戈五弟更者争乱

史來米光

早戈足戈乱雨争史片米

夾史反戈米支米太季米字斗芳走

益△△米米米米米米米米米米

米米支曲米風兵風戈凡米△史示

天夫单抱脊更更史史化曲太

季太后失尔字及更存字支尚舌等

金太祖攻黃龍府次混同江無舟以渡金主使一騎前導


乘赭白馬徑涉曰視吾鞭所指而行諸軍隨之以濟遂克

以龍府後使人視其渡處深不可測故老相傳渡處即今


五家子站門前松花江未足憑信五年春將軍富俊奏  
准伯都訥閑荒招佃認墾取租勘丈至五家子站北荒見此  
得勝陀碑頌今抄錄入紀始知故老遺傳有所本矣

坎卦圖石

乾隆五十六年理事廳幕友王姓自言識地理  
在北門外元天嶺上建坎卦石鎮壓火災嘉慶  
十一年城內又被回祿延燒旂民房屋八十餘間鎮壓  
無驗千載而下見此圖石不知何所取意惑人不淺



芍藥池在吉林西南四百餘里有芍藥一本春春花開爛漫相傳乃國初時日植花池甃磚依稀可辨



顯德府

在吉林城東南新唐書渤海傳上京南為中京曰

顯德府領盧頭鉄湯榮興六州地理志自鴨綠江  
口舟行百餘里乃小舫沂流二百里至神州又陸行四  
百里至顯州天寶中王所都。按顯州即顯德府唐先  
天二年賜名呼尔罕州是也遼史謂即平壤城又以遼  
所置東京之顯州為本顯德府地皆誤

長嶺府

在吉林城西南新唐書長嶺營州道又渤海長嶺

紀太祖天顯元年遣康默記韓延徽攻長嶺府八月下

長嶺府。按長嶺府遼志不詳沿革或仍渤海之舊長

嶺亦作長嶺古字相通今吉林西南五百里有長嶺子

國語謂之果勒敏珠敦南接納魯窩集北接庫勒訥窩

集自長白山南一嶺環繞至此為衆水分流之地東北

流為雅吉善輝發等河入混同江西北流為英莪哈達

葉赫黑爾蘇等河長嶺府之名當取諸此錦州復州雖

亦有長嶺皆不如此之最者則渤海長嶺府地為吉林

長嶺子無疑

鷄林州


舊唐書龍朔三年詔以其國為鷄林州都督府授

朔元年以其國為鷄林大都督府咸亨五年王金法敏

累百濟地守之上元二年劉仁軌破其衆于七重城以

棘鞞兵浮海畧南境。吉林烏拉四字國語今以古鷄

林作證從漢字音也





寧

江州

在吉林城北混同江東岸遼史地理志寧江州混

祖進軍寧江州十月朔克其城次來流域即今拉林河

大金國志太祖十三年起兵攻混同之東寧江州遼高

仙壽敗失寧江州遼再遣蕭嗣先屯珠赫店臨白江與

寧江州女直兵對壘女直潛渡混同江掩擊之嗣先兵

潰松漠紀聞寧江州去冷山百七十里地苦寒每春秋

泮遼主必至其地為樂金祖起兵首破此州。按遼金

二史金太祖起兵先攻寧江州遼守將蕭烏納戰敗棄

城渡混同江而西是州在江以東矣高奇扈從錄云大


烏拉去船廠八十餘里即遼之寧江州也

河州在吉林境遼史地理志河州德化軍置軍器坊。按  
明人地志云廢河州在黃龍府北遼置河州有軍器  
坊又引一統志開元東北五百里有溫登河源出坊州  
北山北流入松花江所謂坊州疑即河州矣考遼金無  
坊州第因河州有軍器坊而遂以坊州屬之亦恐未足  
為憑也又按黃龍為開原境則河州在吉林境內無疑  
特旧址今無考


盛古塔

金上京宮殿 大金國志國初城郭散居呼曰皇帝寨國相寨太子莊後昇曰會盛府建為上京其遼之上京

改作北京城邑官室無異中原州縣解字制度草創又云皇統六年春三月上以上京會盛內太狹役五路工匠撤而新之規模志做汴京



嘉蔭侯廟  
全大定中冊上京諸林為嘉蔭  
侯立廟後廢今其地大木橫然




皇武殿

金世宗打毬校射之所金史本紀大定二十五年

上在會寧府謂群臣曰上京風物朕自樂之祖宗  
舊邦不思捨去後數日宴宗室於皇武殿曰朕尋常不  
酒今日正欲沉醉此樂不易得也宗室故老以次起舞  
進酒上曰吾來數月未有一人歌本曲者吾為汝等歌  
之命宗室弟子皆坐殿上聽朕自歌其辭羣臣宗戚皆  
稱萬歲

八角井 在舊宮東北石甃八角井欄猶存常有光自井出  
握之得鉄砧二枚古鏡二圓雍正四年井中淘得  
銀牌一面鑄人姓名功績



歐孝子里

在盛古塔城東舊志明監生歐某家有妖狐為患有善治者燻死數狐老狐益引黨類作祟已

魁殺臧獲十餘人後聲言將殺歐某之母屢至危殆歐某割股以進俄聞狐語曰此人割股孝親天已增其母壽十年矣遂去不復為患後十年母以壽終

渤海上京 在寧古塔城西南新唐書渤海本蘇米靺鞨附  
高麗者姓大氏高麗滅率眾保挹婁之東牟山

萬歲通天中契丹盡忠反有舍利齊克仲象者度遼  
水保大白山之東北阻鄂掄河自固武侯封為鎮國公

其子祚榮建國自號震國王地方五十里盡得扶餘沃  
沮弁韓朝鮮海北諸國先天中為渤海郡王以所統為

呼爾罕州自是始去靺鞨號專挹渤海子武義直大國  
字私改年號天寶末從上京直舊國三百里呼爾罕海

之東建五京十五府六十二州此為肅慎故地曰上京  
龍泉府賈耽曰自安東都護府東北經古蓋并新城又

經渤海王城臨呼爾罕海其西南三十里有古肅慎  
城其北經德里鎮至南黑水靺鞨千里又曰自神州陸

行四百至顯州又正北如東六百里至渤海王城。按舊  
志謂渤海上京在馬拉境內今以唐書考之當在寧古塔

西南境與全上京相近明一統志云全滅遼設都於渤海  
上京是也



會寧府

在寧古塔城西南金史地理志上京路即海古勒之地今之舊土也國初稱為內地天眷九年號上京海陵貞元二年遷都于

燕削上京之號止稱會寧府大定十三年復為上京會寧府府

一領節鎮四防禦一縣六鎮一舊有會平州天會二年築契丹

之珠敦城也後廢又金史會寧府初為會寧州太宗以建都升

為府天眷元年置上京留守帶本府戶兼本路兵馬都總管後

置上京海蘭等路提刑司戶三萬一千二百七十里東至瑚爾

哈六百三十里西至肇州五百五十北至夫餘路七百里東南

至率賓路一千六百里南至海蘭路一千八百里縣三松漠紀

間自上京至燕二千七百五十里至會寧頭鋪四十里

至第二鋪三十五里至阿薩爾鋪四十里至拉林河四十里至巴

達貝勒鋪七十里至賓州渡混同江北盟會編出榆關以東第

三十八程至拉林河終日之內山無寸木地不產泉又五里至矩

古貝勒寨盡女真人第三十九程至館去上京尚十里許元宗奉

使行程錄過混同江四十里宿呼勒希寨第三十六程自呼勒希

寨東至五里契丹南女直舊界也八十里至拉林河行終日無寸

木地不產泉人携水以行渡河五里至矩古貝勒寨第三十七程

自矩古貝勒寨七十里至達河寨第三十八程自布達寨行二十

里至烏舍郎君宅又三十里至館此去北庭尚十里高士奇庵從

錄沙林東南十五里曰火茸城金之上京會寧府也廣四十餘里

中間禁城可里餘三殿基址皆在碎碧瓦基布其上禁城外有大

石仗高可三丈許蓮花承之前有石塔向東小歇出大城而西則


芟荷弥渚逶迤綿渺莫窮其際渚間有亭榭遺跡自沙林而東

八十里為寧古塔。按金史原文云國言金曰按出虎以按出虎水

源於此故曰金源建國之號蓋取諸此考國語金曰愛新金史  
旧解以金為按春國語耳墜也耳墜以金為之因誤為金并按  
出虎亦誤為金吉林境內無愛新水亦無按春水考之當為阿  
勒楚喀河蓋據松漠紀聞此盟會編及大全國志諸書金上京  
行程過拉林河一程即至上京朝東至阿勒楚喀不過百餘里  
阿勒楚喀河源在吉林城北拉林河源在吉林城東北而金上  
京宮闕在混同江二百六十里去拉林河一百七十五里核之則  
即阿勒楚喀之明證也且金太祖寔錄云契丹以鑛鉄為國號  
鑛鉄雖堅終有消壞惟金一色最為真宝自今本國可號大金  
亦並未云有金水源也又按口志云寧古塔西南六十里瑚尔  
哈河之南有古大城周三十里四面七門內城周五里東西南  
各一門內有宮殿旧址即會寧府遺跡也今按之松漠紀聞北  
盟會編奉使行程錄所載里數俱同可見金上京之地總在  
今寧古塔之西混同江之東其去混同江二百六十里以今  
道里按之當在塞齊窩集左右塞齊窩集嶺上有故城址  
相傳為金時閔門蓋自船廠東十里過混同江至尼什哈  
站三十里至交密峯四十里至額赫穆站十里至訥穆窩  
集三十里至山神廟五十里至拉法站七十里至推屯站  
三里至塞齊窩集又東三百九十里至寧古塔塞齊窩集  
在吉林城外混同江東二百四十餘里而拉林河源之拉  
林山在城東北二百四十五里阿勒楚喀河源之扎松阿  
山在城東北三百里俱屬相近

本朝康熙十六年寧古塔將軍薩布蘇以絕量道里兩度為  
丈百八十八丈為里自寧古塔西閔門量至吉林東閔門凡

九萬八千丈為五百五十里後分八站作六百三十里雖  
古今里數未必盡同然正約畧可見耳又按瑚爾哈路為  
寧古塔地今自吉林至寧古塔城凡程站里數亦約畧相  
同正無可疑也



廢瑚爾哈路

在寧古塔城東渤海  
上京地金史地理志  
瑚爾哈路初置萬戶  
海陵改置節度使承  
安三年

年置節度副使西至上京六百三十里北至邊界哈喇  
巴圖千戶一千五百里又金太宗天會六年徙昏德公  
重昏侯于韓州八年徙瑚爾哈路元史地理志云瑚爾  
哈距上都四千二百里大都三千八百里有瑚爾哈江  
并混同江又有海蘭河流入于海

曲江故縣

舊志在故會寧城東北金史地理志大定七年置鎮東縣屬會寧府十三年改曰曲江又有宜

春縣亦大定七年置屬會寧府元初與府俱廢。按曲江初名鎮東以在會寧之東也以其當水曲之地故名曲江今寧古塔城正當瑚爾哈河灣曲處疑即曲江縣也

白都訥

肇州

在白都訥城南金史地理志肇州防禦使舊名珠赫

州金史本紀遼都統蕭嘉哩副都統托卜嘉將步射十

萬會于鴨子河北太祖自將擊之黎明及河遼兵方壞

陵道選壯士十輩擊之大軍繼進遂登岸與敵遇于珠

赫店會大風起塵埃蔽日乘風擊之遼兵潰逐至沃楞

灤殺獲不可勝計遼人嘗言女直兵若滿萬則不可敵

至是始滿萬云今白都訥城東南阿勒楚喀河西岸古

城周二十里內子城周四里南距吉林城三百四十里

東去會寧城六百里與金史道里相合疑即肇州遺址

又按北盟會編遼天慶四年金太祖會集諸部全裝軍

二千餘騎首破混同江之寧江州大敗渤海之衆獲甲

馬三千又敗蕭嗣先于珠赫店及拉林河黃龍府咸州

好草峪四路都統誅斬不可勝計據此則肇州在拉林

河之東吉林之北益明矣

長春州

其舊址應在今白都訥地及杜爾伯特扎賴特階

州之北境遼史地理志長春州韶陽軍本鴨子河  
春獵之地興宗重熙八年置統縣一長春縣本混同江  
地戶二千金史地理志秦州昌德軍本契丹二十部族  
牧地大定二十五年罷永安二年復置于長春縣北至  
遼四百里南至懿州八百里東至肇州三百五十里戶  
三千五百四縣一曰長春即遼長春州天德二年降為  
縣隸肇州永安三年來屬大全國志太祖十四年遼天  
祚帝率蕃漢兵十餘萬出長春路分五部北出駱駝口  
太祖乘其未陣三面擊之天祚大敗退保長春太祖乘  
勝遂平渤海遼陽等五十四州

三姓

五國部 在寧古塔城東北亦曰五國頭城遼史營衛部族志五國部博和哩國博諾國鄂羅穆國伊埒圖國

伊勒希國元一統志混同江發源在長白山北流經渤海建州西五十里會諸水東流上京下達五國頭城北又東北注於海明一統志云五國頭城在萬里衛北一千里自此而東分為五國舊志宋徽宗葬于此高士奇扈從錄自寧古塔東行六百里曰章圖哩噶善松花黑龍二江合流於此有大土城或云五國城。按五國城之說不一或謂寧古塔東松花黑龍二江合流之處有土城焉或以為在朝鮮北境近寧古塔有故城在山上

或以為去燕京三千八百里西至黃龍府二千一百里或謂寧古塔相近搶頭街有旧城址五疑即是也據全太祖本紀云天會六年從昏德公重昏侯于韓州五國城誤合為一地第諸書皆約畧之辭未有實據今三姓地方有五國城遺址讀宋史徽欽二宗初徙韓州後移冷山適考不知何地元年將軍富俊奉

命赴

邊外昌圖廳八面城查辨地畝控案得一土埋銅鏡周


篆內清斯外昭明光輝象夫日月心忽揚而顧照雖塞而泄長毋相忘見日之光三十一字背面楷書鑄韓州刺史四字八面城為全之韓州已有確據矣金太祖克寧江州次來流即拉林河松漠紀聞寧江州去冷山百七十里地苦寒以拉林上下河口度之冷山去阿勒楚



喀不遠五國城似在阿勒楚喀界金太宗天會六年徙  
昏德公重昏侯于韓州八年徙瑚爾哈路五國城似在  
寧古塔界高士奇扈從錄云大烏拉去船廠八十餘里  
即遼之寧江州五國城似又在吉林界自薩英額高祖由  
京陞吉林佐領至今五世為吉林正黃旗人留心考查  
無此城基常見阿勒楚喀三姓各官訪問皆云阿勒楚  
喀並未聞有五國城遺址及冷山之名阿勒楚喀時令  
寒暖與吉林相同惟三姓城東北一千餘里松花江南  
岸有五國城遺址地極寒冷不種五谷北岸有一大山  
疑即松漢紀聞所言冷山也又元一統志混同江東北  
流上京下達五國城頭東注於海按松花江發源於長  
白山北至吉林折而東北出法特哈邊門至伯都訥又  
東北至三姓北受黑龍江東入於海五國城近臨松花  
江非寧古塔界可知矣高士奇扈從錄松花黑龍二江  
合流之處為五國城與元一統志所稱之地無異考論  
古今五國城在三姓無疑松漢紀聞士奇錄里數地名  
傳聞互異似不足為証姑論此以俟後之博覽君子

阿勒楚喀

雲錦亭又有臨漪亭並全世宗建為龍鷹之  
所全史地理志在阿勒楚喀水測



賓州

在阿勒楚喀境本渤海城遼史地理志賓州懷化軍節度本渤海城統和十七年遷烏舍戶置刺史于鴨

子混同二水之間後升兵事隸黃龍府都部署司金史本紀太祖十三年命布呼等攻拔賓州烏舍楚古爾蘇來降遼將徹格爾戰于賓州布呼敗之鉄驪王以所部降松漠紀聞翁舍展國最小不知其始所居後為契丹徙置黃龍府南百餘里曰賓州近混同江即古之粟末河部落雜處以其族之長為千戶統之又契丹自賓州混同江北八十里建寨守禦女直契丹國志宋政和五年金太祖攻遼破賓州元一統志上京故縣古肅慎氏地渤海大氏改為上京金既滅遼即上京建邦設都後改會寧府京之南曰建州京之西曰賓州又西曰黃龍府又廢祥州在賓州西南遼祥州瑞聖軍統懷德縣屬黃龍府遼史地理志祥州瑞聖軍節度興宗以鉄驪戶置兵事隸黃龍府都部署司統縣一懷德縣金史太祖十三年烏達布復敗徹格爾蕭伊蕭于祥州東幹琿等兩路降又廢威州在賓州南遼置亦曰武寧軍屬黃龍府契丹國志宋政和五年金太祖攻遼取祥威二州進薄益州。按鴨綠江一名益州江則益州實與鴨綠江近當在長白山西南但遼史不言仍渤海之舊今故址無考



瑋春

東海窩集部

在瑋春城東南凡沿海林木叢茂皆為窩集

明時有胡葉綏芬雅蘭西林赫錫赫鄂穆和  
索囉佛訥赫那木都魯烏勒固家穆稜扎庫塔東額赫  
庫稜諸部我


太祖於丁未歲至甲寅歲俱克取其部撫降之



卷十

雙城堡

伯都訥屯田



雙城堡

嘉慶十七年四月初二日奉



肯八旗生齒日繁京城各佐領下戶口日增生計拮据雖經添設  
養育兵額而養贍仍未能周普朕宵旰籌思無時或釋前日舉  
行大閱典禮各旗營隊伍整齊在南苑先期訓練祇遵約束朕  
嘉旗人服習教令更念養先於教為之謀衣食者不可不周國  
家經費有常舊設甲額現已無可復增各旗閒散人等為額缺  
所限不獲挑食名糧其中年輕可造之材或閒居坐廢甚或血  
氣方剛游蕩滋事尤為可惜因思東三省原係國家根本之地  
而吉林土膏沃衍地廣人稀聞近來柳條邊外採參山場日漸  
移遠其間空曠之地不下千有餘里悉屬膏腴之壤內地流民  
並有私勤耕植者從前乾隆年間我

皇考高宗純皇帝軫念八旗人衆分撥拉林地方給與田畝俾資墾種迄今該旗人等甚享其利今若仰循

成憲斟酌辦理將在京閒散旗人陸續資送前來吉林以閒曠地畝撥給管業或自行耕種或招佃取租均足以資養贍將來地利日興家計日裕旗人等在彼儘可練習騎射其材藝優嫻者仍可補挑京中差使於教養之道實為兩得著傳諭賽冲阿松寧即查明吉林地方自柳條邊外至採參山場其閒道理共有若干可將參場界址移近若干里自此以外所有閒曠之地悉數開墾計可分贍旗人若干戶並相度地勢如何酌蓋土銍草房俾藉棲止其應用牛具籽種每戶約需若干再該處現有閒散官員是否足資統束抑或須增設佐領驍騎校之處一併詳細妥議章程並繪圖貼說具奏候朕酌度等因欽此將軍賽冲

阿松孫勘得拉林東北開荒可墾五千餘晌東南夾信溝  
可墾二萬餘晌近年吉林收成不豐請俟三五年後從容  
籌辦等因具奏奉

旨該處收成不豐此時原不能即將旗人移駐其一切墾荒計畝  
章程則須預為籌辦不必推延時日著即檢查舊案詳細酌核  
先行籌議具奏欽此將軍賽冲阿未及查办奉

旨調任將軍富俊蒞任後檢查舊案悉心妥議移駐京旗蘇拉通  
盤核算先於吉林所屬無業閒散旗人內令各旗共揀丁  
一千名出結保送作為屯丁每丁由備用項下給銀二十  
五兩官為置買牛具自行搭蓋窩棚由阿勒楚喀公倉內  
賞給籽種谷二石每年給補倒斃牛價銀一千三百三十  
六兩於前勘定拉林東南夾信溝地方每丁撥給荒地三



十响墾種二十响留荒十响試種三年後自第四年起每  
响交谷一石貯倉移駐京旗蘇拉特分給京旗熟地十五  
响荒五响所餘熟地五响荒五响即給原墾之屯丁作為  
恒產免其交糧亦不補給倒斃牛價將來移駐京旗到時  
得種熟地與本處旗丁犬牙相錯易於學耕夥種所有屯田  
章程並屯丁用款繕單呈

### 覽奉

旨所議試墾按年徵租及派撥官兵約束一切章程着照所議辦  
理欽此遵即劄飭各員置辦一切農器將軍富俊帶同委員前  
往詳查原勘夾信溝之荒地雖沃衍大勢窪下詢係前勘  
時秋深草茂未能辨別試墾創始必須詳慎隨往阿勒楚  
喀拉林西北八十里之雙城子一帶東西約有一百三十

餘里南北約有七十里地土平坦詢屬沃衍可備移駐京  
旗閒散二三千戶之用即在適中之地駐劄派令各員週  
圍履丈分撥通計四丁四牛之數核算成屯每旗設立五  
屯廂黃正黃二旗每旗住屯丁一百二十八戶計住二十  
四戶者三屯住二十八戶者二屯其正向正紅廂白廂紅  
正藍廂藍六旗住二十四戶者四屯住二十八戶者一屯  
共屯丁一千名每戶房基東西寬二十丈南北長二十丈  
屯丁寬用九丈留十一丈以備將來移駐京旗蓋房之用  
每屯房分三路街一道寬五丈巷一條寬三丈除房基街  
巷外每屯丁核給荒三十大晌按屯附近分撥八旗四十  
屯適中界內建蓋公所及協領左右翼官兵住房仍在公  
所附近留建倉地基計共用見方三十四丈相度水道剗

控井眼並派員前往邊外採買耕牛本年備齊分給屯丁  
先為運木割草搭蓋窩棚即以雙城子名為雙城堡咨報  
禮部鑄給委協領關防左右兩翼委佐領鈐記二十一年  
春委協領等督催開墾是年雙城堡一帶於七月十四日  
連降大霜將軍富俊親詣查勘收成止有四分寔係成災  
所得谷糧儘敷當年餬口次年春尚須接濟

奏懇將二十四年起徵之糧連緩一年在於阿勒楚喀倉貯  
谷內借給口糧籽種二千石責令秋收照數還倉以資接  
濟原議四人一具窩棚一間四人同住不能接取家眷應  
每人各給一間屯丁千名除前已給二百五十間仍須添  
蓋七百五十間每間銀四兩共用銀三千兩即於庫貯備  
用銀內動支仍以計種十年糶谷價銀歸款奏蒙

允准即咨行阿勒楚喀副都統衙門並劄飭雙城堡委協領遵照  
領取蓋房銀兩派員帶同屯丁赴拉林東山砍伐木植春  
融搭蓋窩棚屯丁各便於棲止並令於耕作之前赴阿勒  
楚喀拉取接濟口糧籽種將軍富俊於二十二年二月奉

旨調任

盛京

奏八旗數十萬衆聚積京師不農不賈皆束手待養於官勢  
所不能再四籌畫惟有移駐屯田因天地自然之利使自  
耕種為養方久遠之計因查雙城堡尚有荒地二分未墾擬於

盛京八旗吉林八旗無論滿蒙漢軍各項旗人內挑丁二千名  
置買牛條器具剗控井眼搭蓋窩棚於二十五年春正前往墾種  
名為雙城堡左屯右屯將前墾處所名為中屯其一丁一牛竭力耕

作一年止能種地十晌必須丁力稍裕加僱牛條長工方能開  
足二十晌中屯所墾之地請於二十五年先徵十晌糧石其餘十  
晌再緩二年至二十七年陞科以裕丁力新墾之地二十八年  
陞科先徵十晌糧其餘十晌請於三十年一律陞科除建蓋  
官兵房間外其餘一切均照初次設立章程畫一辦理共屯  
丁二千名每丁搭蓋窩棚一間應用牛隻器具等物合銀三十  
兩共需銀六萬兩屯田官兵住房辦事房共計房三百二十  
間應需銀一萬一千二百兩每年支給補買倒斃牛銀二千六  
百七十二兩外發給一年籽種倉谷四千石以上統計需銀  
七萬三千八百七十二兩即在吉林庫存備用銀內動支若俟  
糶谷之價歸款需時較久請在吉林及奉省參餘項下先行  
陸續歸款至移駐京旗不必盡待糶谷價銀辦理二十八年起每

年移駐二百戶為一起每戶用蓋房銀一百二十兩由京起程  
賞給治裝盤費銀三十兩雙城堡置買牛糧器具銀五十兩每起  
共用銀四萬兩除治裝盤費銀六千兩其餘銀三萬四千兩暫  
由吉林備用銀內動支由雙城堡糶谷價銀吉林奉省參餘銀  
內歸款每戶給車一輛由順天府僱送至奉省照數備辦轉送  
至雙城堡車價均照例報銷計十五年即能陸續移駐三千戶  
該蘇拉等各得田產安居樂業內可分八旗戶口之繁外可聯  
邊城鞏固之勢擬給官兵心紅隨缺荒地數目及每戶應  
給房地牛條器具分別開單呈

覽奉

首着交松蘇詳查妥議具奏俟定議後再行會同富俊辦理將軍松蘇  
議奏每丁添給破木衣履搬家遷費車輛並按年給與種地接

濟銀兩奉

旨富俊現已調任吉林將軍着將松霖所議章程再交富俊覆核  
松霖所定銀數是否豐儉合宜屯丁得此是否即可養贍  
家口盡心開墾務期

國帑可以按限歸補不致多糜而於旗民生計亦寔有裨益  
方為經久良策將軍富俊遵

旨細心詳核將軍松霖所議添給砍木盤費衣履並遷費銀兩前未籌  
及似應增添奉天金州復州等處至吉林雙城將及二千里  
窮丁自力前往誠有不逮每丁擬給遷費銀八兩其吉林各處  
至雙城堡不過二三百里亦擬給銀八兩未免遠近漫無區別  
吉林屯丁每名應給銀四兩又請添給每丁車一輛查庄農人  
家多係一車二牛服駕一具四牛前已給車二輛足敷使用似

可無用再行添給至陞科既請照旱地第六年征租該屯丁等  
已有花利不必按年給與種地開荒接濟銀兩以重

帑項而昭核寔以上每丁合計需銀四十七兩零四分五釐其奉  
省撥派官四員遠赴雙城堡每員請給遷費銀十二兩領催兵  
四十名每名遷費銀八兩吉林撥派官四員領催兵四十名應  
照奉省減半給與前設中屯屯丁現多未携眷請給遷費銀四

兩其餘無庸增減建蓋新添二分屯田官兵住房辦事公所共  
三百二十間應需銀一萬一千二百兩買補屯田兩分倒斃牛  
價預買之年二千頭內即間有倒斃請於開墾之年支給以十  
年合計需銀二萬六千七百二十兩連前開中屯荒地屯丁遷  
費一分共需銀四萬六千三百六十兩統共三分荒地以十年  
合計共需銀十七萬八千九百二十六兩三分荒地自陞科徵



租年起算每年得谷六萬石每石照

奏定原價減銀一錢以四錢為準出糶計至十年可得谷價銀二十四萬兩較前動支數目有盈無絀至現動銀兩

帑項攸關不可久懸請於吉林參餘項下按年抽收先行歸補計

十年所得谷價另存備用至開墾征租年分委協領佐領等改

補寔任裁撥兩省官兵增給鹽菜心紅砍木蓋房等事均請照

松蘇所擬及富俊前議章程辦理應用各款銀數繕單呈

覽奉

硃批戶部議奏經戶部議准具奏奉

旨依議欽此於二十四年二月十六日接到即派員先赴雙城堡

分丈左右二屯地基並咨

盛京將軍應撥派雙城堡左右二屯開散千名並彈壓佐領二

員驍騎校二員領催甲兵四十名內均照奏定章程先酌派佐  
領驍騎校各一員領催二名甲兵十五名帶領閑散五百名於  
四月內由奉省起程五月初一日以內至雙城堡飭令搭蓋窩  
棚安置棲止以備次年墾種其應得遷費銀兩咨行

盛京戶部就近在該處發給並咨禮部鑄給雙城堡改為寔任協  
領關防中左右三七六翼佐領圖記開寫官兵住房辦事公所  
房間式樣派員發給銀兩購料趕緊修蓋以備官兵到特  
棲止又發交理事同知銀兩照奏定欸單置買一切器具  
驗妥運交雙城堡協佐領等查收以便屯丁到屯發給派  
員前往黑龍江採買耕牛二千頭限於九月內趕赴雙城  
堡收養以備次年春融耕墾將軍富俊隨於九月間携印  
親詣查勘督催查驗蓋完官兵房間屯丁窩棚收買牛隻

分給各丁並發給每丁棉衣棉褲宣誦

皇恩深渥俾眾丁咸知勤勉力田查有原任署承德縣寧海縣知縣竇心傳山西人年五十二歲係嘉慶辛酉科進士由庶吉士散館改用知縣選授江西新淦縣知縣調繁豐城縣丁憂起服棟發奉省題補寧海縣知縣奏署承德縣二十三年皇差承修道段泥濘被叅革職該員有才有守請照直隸廢員辦理營田之例令竇心傳赴吉林雙城堡勸課屯丁三年期滿照例送部引

見於二十四年八月初一日具奏奉

旨准其照直隸營田之例以已革知縣竇心傳飭赴吉林勸課屯丁三年著有成效奏明送部引見等因欽此遵即調取竇心傳到吉委令勸課屯丁籌議一切屯務於二十五年春融新

立左右二屯所撥

盛京吉林旗丁二千名均已到屯派員前往同該翼佐領等  
按名分交地一段三十晌並令於開墾時計地二段橫直  
俱留六尺荒隔一條以備開齊地畝秋收拉運禾稼毋得  
任其連段開墾日後致爭起競繪圖劄令該管協領佐領等  
分交各丁遵照隨據雙城堡協領等呈報惟寧古塔撥來  
閒散往往潛逃詢因寧古塔地方山深林密該閒散等多  
藉打獵為生彼處地亦肥美不願輕離鄉里亦係寔情隨  
將寧古塔閒散全數撤回咨明

盛京將軍於奉省願來屯種閒散內多挑二百名送屯將軍  
富俊巡查各城完竣由拉林雙城堡按旗查勘該旗丁等  
比屋環居安土樂業合具者多係一族同屯者半屬姻親

犬牙錯壤鱗次分疆頗有井田遺風男耕女饁俱極勤勞  
將軍富俊皆酌加獎犒迴環周歷千數百里分撥地段繪  
圖呈

覽奉

硃批滿洲故里佃佃定定洵善事也欽此又查前議未備籌議

奏准三屯屯丁三千戶眷口繁庶在參餘項下動用銀一千八  
百兩每屯增添井一眼以裕食用協領處添設無品級筆  
帖式二員委官二員三屯佐領每處添設無品級筆帖式  
各一員委官各一員以資辦公差委由領催甲兵內挑補  
仍食本身錢糧筆帖式照例支給米石管理一旗五屯總  
屯達

賞戴金頂以資彈壓每人月給工食銀一兩遇閏加增亦於

參餘項下動支報銷協領處准其支領銀三百兩存貯公  
所以備兵丁遇有婚事喪事照例就近給領仍領隨時呈  
報查核年終造冊結彙題以杜挪用侵蝕之弊每年除去  
用項仍補足三百兩之數奏奉

諭旨富俊於開墾屯田一事銳意辦理著有成效部議紀予紀錄  
二次尚不足以示優獎著賞加一級欽此將軍富俊屢飭雙城

堡協領佐領督催開荒種熟原任知縣竇心傳挨屯確查  
勸課左右二屯新撥屯丁各皆安靜樂業惟中屯屯丁內  
間有未搬移家眷及攜帶農器脫逃者查明無眷者催令  
該旗派兵送屯俾令完聚脫逃者令該旗佐領挑補有眷  
旗丁送屯嘉慶十九年初奏設立諸多從簡每丁合銀二  
十五兩四丁窩棚一間復奏蒙

恩賞給每丁窩棚一間遷費銀四兩器具內如缸鍋鋤鋤等項均  
須四人一分現各接取眷屬勢不敷用連年豐收糶賣谷  
賤無力添補查有歸補屯田項下參餘銀二萬四千餘兩  
請以二萬兩分交殷寔鋪商每月一分生息酌量添補中  
屯屯丁器具五年歸還原款每年用項取具雙城協佐領  
等冊結印領送部核銷以歸核寔具奏奉

旨依議欽此遵查參餘銀除動用外剩銀不足二萬於二十五年  
八月二十日分交殷寔鋪商銀一萬五千於次年二月二  
十日續行分交殷寔鋪商銀五千兩共銀二萬兩每月一  
分生息所得利銀酌添中屯屯丁農器之處咨報戶部人  
少不能多種牛少不能多開地畝三屯屯丁雖皆攜帶家  
眷弟男子姪在屯幫作均無力添買牛條仍不能多開地

畝籌議於節省備存銀內動用銀一千一百三十七兩六錢咨令伯都訥副都統派員採買乳牛二百四十條分給三七種地多有幫丁之屯丁喂使俾資利耕以裕孳生小牛酌賞種地多之屯丁中屯於嘉慶二十一年設立除因霜災展緩一年應於道光二年起徵租左右二屯嘉慶二十五年添設應於道光五年起徵租三屯旗丁三千名每名谷二十倉石每年共徵租六萬石來春出糶自道光四年起每年移駐二百戶每戶除由京

賞給治裝盤費銀三十兩外其蓋房一百二十兩置買牛條器具銀五十兩暫由吉林備用銀兩項下動支以抽收參餘及糶谷價銀陸續歸款不致虛糜

帑項道光二年砍木備料三年修蓋二百戶住房八百間四



年正月移送閒散二百戶每戶閒散應給房地牛條器具  
及添設官兵建蓋公所一切章程繕單具奏奉

旨富俊奏自道光四年為始每年移駐京旗二百戶分為四起送屯該  
處預於道光二年伐木築室按戶給與房間地畝牛具盤費等  
項逮及織悉並移駐後添設官兵蓋房給地及該官兵升調挑補各  
事宜其計畫甚為周備均著照所議辦理其摺單著交發八旗滿  
洲蒙古都統副都統等各曉諭所屬旗人使知遷移之樂願移駐  
者各報明本旗屆期資送授產力田以厚生計不得以傑鷲不訓  
之人充數致擾淳風各該旗仍將報名之戶咨報戶部每屆年終  
先行具奏一次欽此安設左右二屯旗丁二千戶安立章程屯丁  
俱各安業所有砍木相度地勢蓋房招募商人就近立窑燒造  
磚瓦及起屯開鋪造辦器具以省運費種種一切均須籌議調

度尚賴竇心傳經理墾

恩將竇心傳知縣原銜開復以示鼓勵俾有頂戴辦理一切較為得力俟道光四年移駐京旗安妥後送部引

見等因於道光元年正月十一日具奏奉

旨允准原擬給雙城堡官兵隨缺地畝俾資當差但地因隨缺該官兵等無力開墾亦難強使必行至令空有隨缺之名不得地畝之

益乾隆十三年大學士公訥欽等議覆

盛京將軍達爾當阿奏設隨缺地畝章程每地十晌給牛一具估銀九兩置買犁鐮等項估銀一兩共用銀七萬餘兩在生息銀兩利銀內加展扣還在案所有三屯隨缺地畝協領一員八十晌佐領六員每員五十晌驍騎校六員每員三十晌領催十六名甲兵一百二十名每名二十晌以上本地官兵一分共三千二

百八十晌加京旗官兵一分共六千五百六十晌援照

盛京章程每地十晌賞給牛犁等項銀十兩共需銀六千五百六

十兩暫在抵補費用參餘項下銀先行動支在於前次

奏准添補中屯農器動用參餘銀二萬兩加展生息三年所

得利銀內歸款不動

帑項並援照移駐阿勒楚喀拉林蘇拉滿洲成案每年應派砍木

蓋房木料兵二百名按各城差務繁簡兵數多寡核計每年阿

勒楚喀拉林派兵一百名輪派吉林兵四十名伯都訥兵四十

名烏拉兵二十名以足二百名之數至道光二年冬季派寧古

塔兵五十名三姓兵五十名均與阿勒楚喀拉林二處官兵會同

核計木數砍伐運交按年以次輪派照數發給鹽菜銀兩各

城出派砍木官四員每年每員請

賞給鹽菜銀十二兩具

奏奉

旨允准移撥兵丁雖有隨缺地畝乃係隨缺交代若遇老病事故  
革退便無容身餬口之處將雙城堡北面閒荒東西展長  
一百二十七里南北展寬五里挖立大封堆一百二十七個分  
定荒界以備日後革退兵丁作為恒產具奏

恩准道光二年八月十五日奉

旨松霖奏查明雙城堡中心地畝已經墾種之地共六千五百餘晌  
應照六年陞科之例令其納糧惟此項地畝內有因屯丁殘廢病  
故脫逃另補以致已開復荒續挑之丁到屯未滿六年自未便令  
其一体完納著該將軍詳細確查其寔居六年者即著於本年秋  
收後按晌納糧餘著暫行展緩至修蓋京旗住房不應預備過多

致有閒曠損壞着按現願移駐京旗戶數修蓋住房此外均着緩  
辦將來京旗續有咨報由戶部知照該將軍再行興工不致遲悞  
松蘇接奉此旨即移知富俊遵照辦理欽此遵即停工詳核共  
寔動用銀一萬六千二百六十二兩零未動銀二萬零八十二兩七錢  
七分二厘二毫飭令委員等交庫歸款前因中屯屯丁屢經  
脫逃更補新丁甫經到屯口糧不接於籌畫屯田節省項下  
動用修建義倉九間買谷二千石陸續支借接濟現僅剩存谷  
五百餘市石遇青黃不接之時不敷三屯接濟而左右二屯拉  
運還交亦屬寫遠又籌畫左右二屯每屯添建義倉九間置買  
市石谷三千石中屯義倉連前日存谷共存市石穀一千五百  
石左右二屯各存市石谷一千石俾資接濟所有設立雙城堡  
三屯屯丁共三千名所給窩棚牛條器具及修蓋公所倉廩倒

斃牛價並修京旂住房置買器具等項原奏內均係按照物價  
扣合銀數嗣因市價長落不時飭令承辦各員籌畫妥寔委員  
砍伐房木尺寸不敷之小木估變價值前後節省銀錢除陸續  
接濟中屯屯丁冬日入山砍伐房木買給皮袄三屯窮丁踰冬製  
給棉衣褲墾地添給鉄耙齒殘廢病故各丁添給遷費器具  
中屯公所添蓋擋房添挖井眼修建牌坊三屯修建義倉堆撥  
房置買谷石並孳生乳牛共動用銀一千一百三十七兩六錢制  
錢一萬三千四百三十串外共剩存銀四千一百五十兩制  
錢一萬二千八十七串三屯義倉現存谷八千七百五十倉石  
三屯屯丁分收孳生乳牛二百四十隻小牛八十八隻此項錢  
糧剩存數目每月戶司立稿將軍副都統公同畫存孳生牛隻  
每屯分收二支每年孳生小牛除補足二百四十隻倒斃額數

外即可賞給種地最多之丁以示鼓勵惟銀錢一項於奏准開銷之外屯丁每有不時之需日用日少擬交吉林理事同知發給殷實鋪商每月一分生息以後儘此利息接濟屯丁毋許動用原本以上三項每任列入交代具奏一次原係籌節之項毋庸報部以歸簡易將軍富俊補授理藩院尚書臨行具奏奉

旨交新將軍松霖查明定存數目遵照妥辦務期錢糧不致短絀屯

丁永資接濟欽此將軍松霖到任後以知縣銜實心傳辦理屯田事宜勸課屯丁認真出力已滿三年別無經手事件奏

請送部引

見奉

旨實心傳准其送部引見該部知道欽此將軍松霖籌議由樽節生息項下奏准中屯屯丁窩棚已經八年均已歪閃每丁給修費

銀三兩三錢義倉各添買黑豆五百石按年春借秋還以資接濟耕牛之用並建蓋京旗住房擬於距屯附近閒荒內建蓋屯丁京旗各不相擾俾日人丁藩衍免生嫌隙飭令屯丁補修房間並採買黑豆至九月將軍松霖病故奉

旨簡放原任大學士松筠到任查勘三屯情形奏懇移駐閒散宗室緣宗室有月餉地方銀錢漸裕商賈自通布疋等項物價漸自低減地方饒裕而京旗風聞知為樂土再行移駐等因具奏奉

旨交軍機大臣宗人府王公議覆未准行四年各該旗咨報移駐京旗五十四戶即照原奏給京旗器具等物預備妥協先蓋房四十所不敷棲止將已修官兵房十九所內先令居住並查前備料物趕緊修蓋房十四所以便棲止續將軍富俊奉

旨復調任吉林於道光四年四月到任赴雙城堡奏京旗閒散素未



習耕初到必藉屯丁照拂指領易於學習且在在地方均係旗民雜處未見生有嫌隙令屯丁與京旗均係旗人同處更無嫌隙相擾應請仍照原奏在原文地基建蓋京旗住房奉

旨如所議行將軍富俊又籌議奏請

初下各旗將願赴雙城堡開墾務於十月內報齊戶部具奉十一月初間即行知順天府戶直隸總督

盛京吉林將軍凡有應辦事件地方皆得從容料理定於次年正月初五日以後初十日以前立為準期凡經過地方皆於未奉咨行以前已得預知其事可以計程籌備庶辦理不致緩急失序先後參差嗣後由戶部應發給每戶治裝銀三十兩俟抵吉林後由備用銀兩項下發給作為雇覓工價之用各戶得以全獲其地利庶可以日莫充裕其荒地五晌各有自雇長工亦可

隨時開種至彈壓護送之大臣由京

簡派必需乘郵而來年年往返動勞驛站皆關經費嗣後由東  
三省年班入

覲回任之將軍副都統內

簡派二三員順帶彈壓前來伊等係回任之便無須用驛供給各  
有隨帶官員足敷照料仍令各該地方官隨同護送出境則途次  
仍是大臣彈壓可免動駟並可節省官力至京旗所需車輛此  
次係四五套大車所領例價不敷按站為之津貼關內州縣不過  
支應一二站奉省地方官即有接連數站者吉林竟有應辦  
十餘站者久必藉詞賠累虧空且車輛直抵雙城堡該處非商  
集處所無貨可載空回小民不無艱窘凡此似應通盤籌畫務  
使旗民無虧地方無累方可經久查該開散等每戶大小不過

數口行李無多春初地未融化道路易行嗣後移駐京旗二三口之戶給予蓆棚二套車一輛三四口之戶給予三套車一輛由京送至山海關由關送錦州由錦州送至奉省由奉省送至吉林由吉林送至雙城堡分段遞送相距皆不過數百里車可祇予例價無庸津貼換車地方俱係商賈輻輳處所車戶旋時可載貨物不致空回賠累庶官民均有裨益再本年修蓋京旗住房一百所其工價係奏定每間用銀三十兩本係撙節估計春夏道路泥濘運腳倍增糜費寔有支絀情形所有明年應行修蓋住房百所今冬備料即於本年領銀預辦料物可以節省運費少抒工力其六年應蓋房木亦於今冬派員發給鹽糧銀兩往砍以備明年河運預為晒晾候用又京旗沿途飯食此次係官為預備豐嗇未定成規以後願來者衆多地方官既難

免不以賠累藉口京旗等亦難保必不藉端滋事自應立  
定章程使旗民地方彼此有所遵循嗣後京旗每日早尖  
各該地方委員每人給制錢五十文晚間住宿即吃店飯  
京旗飯食住宿仍為得所定有章程而地方官照辦亦覺  
易於從事再一路村落店口無多如百戶前來每站可分  
二起前後行走不至擁擠店飯備辦亦易等因具奏奉

旨著照所奏辦理該部旗知道欽此又原奏每兵

賞給鹽菜銀八兩砍辦一所房木柁標樣柱二百一十三件內  
有長二丈二尺五寸大柁又有鉅板之檝木以及串排晚運上  
岸勢不能一人砍辦必須雇募民人幫做八兩鹽菜實不敷  
用歷年均係各城津貼名為以兵幫兵實扣兵餉有干例

禁籌議每兵再加

賞鹽菜銀四兩每年如砍二百所房木加銀八百兩不動正  
項請於吉林義倉糶谷價銀內動用銀一萬兩交商一分生息  
每年可得利銀一千二百兩給加添砍木鹽菜銀八百兩仍剩銀  
四百兩歸還原款如此砍木即可從容辦理無詞推却並不  
致再扣兵餉應請立勸懲章程砍木委員知懼可期不悞修蓋京  
旗房間砍木委員果於年前照以尺丈數目砍伐齊全次年八月  
內交足咨部請給紀錄二次或雖運到而尺寸不敷除將細  
小木植入官罰其照數補砍趕運交納功過相抵如當不能交  
納遲至次年方交者罰俸一年如次年仍不全交者請降二  
級留任仍罰俸一年以示懲儆奉

旨允准道光四年三月二十五日奉

旨容照等所奏每旗屯適中之地建蓋義學及嚴禁該屯丁冬令過

江樵採俱着富俊妥議具奏欽此吉林奉省官兵閒散移駐未久  
京旗閒散初到幼丁無多暫於中左右三屯公所各建義學三  
間該官亦易於稽查除中屯前已由邊荒官祖錢內動用修蓋  
義學三間其左右二屯應建義學各三間亦由地租錢內撥  
給錢四百吊以資修建於甲兵屯丁閒散內擇其通曉清漢文  
者作為教習自明年起逐年撥給三屯束修膏火等項錢各二  
百吊並責成該協佐領等嚴查課讀不致日久廢弛至双  
城堡西北一帶松花江北為蒙古郭爾羅斯地方可覓木  
柴石屯左翼四旗去江岸二三十里該屯冬令樵採難保  
不無滋生事端自應嚴行禁止以杜流弊如有私行過江  
樵採者即照私出邊例治罪具奏奉

旨允准遵飭該屯協領等動用官祖錢項修蓋義學選擇教習於次

年正月開印後開館課讀中屯兩翼移駐京旗閑散五十四戶  
每翼四旗擬於京旗閑散內各放總屯達一名副屯達一名以  
資約束查報滋生戶口運事赴公所呈報仍照以前奏准三屯  
設立總屯達之例

賞戴金頂每名月給工食銀一兩遇閏增給由參餘項下動  
支報銷副屯達不給工食等因具奏奉

旨依議將軍富俊於八月二十二日携印親詣雙城堡換屯查  
勘始到京旗秋成收穫度日光景家家糧草堆積足數用  
度並查原奏中左右三屯屯丁三千名每丁給地三十晌  
五年後徵租二十倉石中屯於道光二年起徵左右二屯  
於五年起徵道光二年六月原任將軍松祿遵

旨赴任黑龍江之便奏請雙城堡地畝屯丁種地實居六年照現種

响数按响纳粮以紆丁力等因奏准道光二年三年僅徵收中  
屯兩翼屯丁等交納倉石谷七千七百三十餘石本年按丁種  
地實數核計已滿五年應征糧四千七百餘石其左右二屯明  
年屆已六年交糧之期若仍照原將軍松蘇調劑章程納糧  
是勤苦者多納懶惰者少輸未免苦樂不均似未平允該丁等  
竟有多種少報地數者而連核數加增徵糧寔屬繁冗亦難  
稽核現在屯丁種地七八响至二十餘响三十响不等連年豐  
收一响地至少打糧四五市石交官一倉石合市石只用四斗  
已有餘資應籌議酌量丁力請於明年起除交京旗地畝之丁  
不納糧外將中左右三屯屯丁無論現種地畝多寡五六兩年  
每年每丁納倉石谷十石合二萬八千餘石至七年按照原擬  
章程每丁各納倉石谷二十石以符原議而昭核寔等因道光



四年十月初五日奏奉

旨允准道光五年二月

欽差黑龍江將軍祿成寧古塔副都統和福彈壓帶來京旗閑散七十四戶詢明有與上年移駐京旗係親誼者使之共居一屯歡聚照應每戶由阿勒楚喀拉林閑散內先已雇給長工二名預為燒炕担水京旗一到如歸將地畝牛條口糧器具俱照數按戶交領查每年砍運木植按屯建蓋京旗房間以及戶婚田土詞訟案件一切公事較前倍增文移絡繹原設兵丁無多步送文件實形踴蹶請設一站第應設牛馬草豆銀兩

國家經費有常未便加增籌於吉林所屬西北兩路三十八站內通融抽撤官馬十匹牛十頭連倒斃草豆銀兩一併撥給仍歸北路站監督管理並據該監督呈報週近各站窮丁內情願

移駐雙城堡者七戶照各站設筆帖式一員即於雙城堡協領處辦事貼寫內挑補僅給俸米仍食原餉由北路站外郎內揀放委領催一名外郎一名五年後遇各站領催缺出拔補站設於雙城堡南門外以便牧養於閒荒內每站丁撥給地二十晌以資養贍所有站房及站丁每戶房三間以及棚槽鞍轡器具打井等項籌款捐辦不動公項

### 奏奉

諭旨所辦好依議速行遵即照辦郵政行而兵力息計籌無所不到矣移駐京旗隻身閑散內不必詢有妻室只有父母子女或有伯叔兄弟及伯叔孀母願同來者二三人以上均准算戶照原定章程應得各項全分給與自必踴躍願來奉

旨富俊等奏雙城堡移駐京旗章程請于隻身閑散內量為變通一

摺前據戶部奏移駐京旗章程隻身不准算戶前往與調劑  
窮苦旗人本意未協請將隻身閑散或父子兄弟均係隻身  
俱統作一戶分別給與房間器具等項通融辦理當交富俊  
覆議茲據奏隻身閑散一人到屯既恐舉目無親易致游蕩  
且每戶應得房間牛具等件亦難減半分給諸多窒碍惟隻  
身閑散有父母子女或伯叔兄弟伯叔父母同往者二三人  
以上作為一戶尚屬可行著照所請嗣後京旗隻身閑散內  
不必拘定有妻室但有父母子女或伯叔兄弟伯叔父母願  
一同移駐者二三人以上均准算戶照原定章程給與全分  
地畝房間牛條器具等項其治裝銀兩仍由吉林給發以資  
耕種之用欽此又奏准修蓋京旗住房派協領二員分左右  
翼監修派佐領防禦八員承修一旗五屯如照定式做法

於八月內修竣者給予紀錄二次如泥工完竣木工於九  
月內完者功過相抵如修不合式或院牆未築未鎮牆頂  
者罰俸一年如至九月底仍修不竣者降一級留任仍罰  
俸一年如有偷工減料者嚴叅治罪兩翼協領督修於八  
月修竣三旗者給予紀錄二次如至九月尚有不齊全者  
罰俸一年嚴定勸懲章程委員等依限興修不致有悞戶  
部議覆道光六年願往移駐京旗共一百八十九戶內因  
該處蓋成房屋不敷居住按冊開出戶止二口現食錢糧  
之四十一戶歸入七年移駐外至京旗開散咸知雙城堡  
安居樂業願往者日漸增多若每年限定二百戶移駐必  
致有裁撤阻其踴躍之忱着該將軍多派幹練員弁將房  
間一切廣為籌備勿致臨時周章貽悞本年應添佐領驍

騎校等官原議三千戶共設佐領六員驍騎校六員協領一員此時移駐不至十分之一暫毋庸添佐領着先設驍騎校二員即于三次移駐京旗內該將軍秉公挑選充補俟移駐足五百戶後添設佐領一員即由此次挑補之驍騎校內揀選奏請陞補所遺驍騎校員缺再由移駐閒散內挑補未設立佐領以前驍騎校仍令三屯佐領兼轄將來移駐足三千戶時再由該將軍於佐領六員內揀選奏請陞補協領一員俾移駐京旗人等咸知上進有階更為踴躍所需俸餉仍照該將軍原議在吉林備用銀內動支其應領催二名亦着該將軍於移駐閒散內挑選充補嗣後移駐京旗皆常年辦理之事不必再令今年班來京之將軍副都統管帶前往每年移駐屆期着直隸總督於文職

道府武職副將叅將內每起各遴派一員輪流沿途護送  
彈壓照料出關以後着

盛京將軍奉天府尹錦州副都統遴派文武員弁接管前進  
所有應給住房車輛及飯食錢文悉照議章程隨時給發  
遵即分飭照辦道光六年正月初二日奉

旨富俊籌辦雙城堡移駐屯事宜妥協周詳現在移駐各戶  
安居樂業京旗人等聞信願往者日益增多該將軍經理其  
事不避嫌怨盡心宣力着有成效深堪嘉尚富俊着加恩晉  
加太子太保官銜以示朕優獎盡臣至意欽此將軍富俊謝  
恩奏稱設立雙城堡移駐京旗均仰賴

聖主不惜帑項辦理有成富俊蒞任此地與京閒散誼關骨肉  
桑梓伊等度日一切用度籌議妥備係分內之事毫無功

效乃荷

聖恩賞加太子太保官銜不勝感戴

天恩等因具奏在案二月移駐京旗閒散到吉派員護送至屯  
安置妥畢將軍富俊隨於四月初一日携印赴雙城堡族  
屯面詢京旗各戶咸知感戴

皇恩勤力耕作麥苗出土寸餘禾稼耕種方完視為樂土隨有  
廂黃等八旗閒散富珠隆阿等四十二名呈稱仰蒙

聖恩賞給房屋牛條器具周全地土肥美足可成家立業懇請行

知本旗令伊等父子兄弟戚誼明年即來團聚共享樂土  
等情伏地跪懇除咨行各該旗查办外復至中屯公所傳

集三次移駐京旗閒散面試清漢文字馬步騎射秉公選  
驗有本年移來告退刑部司獄伯勒克圖五年移來馬甲

現充委官德明安均能騎射識滿漢文補放驍騎校披甲  
倭克金布領催舒成弓馬嫻熟亦識滿漢字挑補領催青成  
分管左右兩翼仍歸該屯協領佐領等兼轄今日附片奏  
懇京旗陸續移來二百七十戶分撥中屯兩翼四十屯居  
住計一總屯達經營二十屯道路紆遠勢難兼顧雖有副  
屯達並無頂戴工食徒有差使毫無鼓勵遇事每多退縮  
不前請照原設中左右三屯每旗五屯放總屯達一名副  
屯達一名之例由京旗閑散內再添總屯達六名副屯達  
六名連前共各八名分管八旗具總屯達請  
賞戴金頂每名月給工食銀一兩計添六名每年共應添工  
食銀七十二兩遇閏加增仍由參餘項下動支年終報銷  
其副屯達亦請



賞戴虛銜金頂不給工食與總屯達一体稽查戶口呈報事  
件移來京旗閑散多係赤貧且不諳耕種初到此地基業  
未立不免拮据請援照拉林阿勒楚喀閑散滿洲之例每  
年十二月內每名

賞錢十二吊以為粘補農器衣服之用每名只給五年以後  
各習慣種地毋庸再給嗣後陸續裁減此內鰥寡孤獨尤  
為堪憫亦請照拉林阿勒楚喀閑散滿洲每名月給銀五  
錢之例按名每月給錢一千二百文此項賞錢請由吉林  
稅銀項下動用銀三萬兩連前奏准粘補三屯屯丁農器  
交商生息參餘銀二萬兩共五萬兩交吉林同知擇殷實  
鋪商一分生息計每年應得利銀六千兩足數應用再商  
民納利惟恐平頭銀色不便請按市價交錢具奏奉

旨允准遵即發給同知銀兩交商生息得利備賞京旗閑散以資接濟後接准戶部知照道光七年願來京旗戶數即派文武員弁於二月初旬赴威遠堡界接到京旗八十五戶詢明凡係父兄子弟親誼安置一屯以便互相照料耕作隨將伊等應得房地牛條一切器具數目刷印執照各給一紙到屯照數檢收發給三屯六八力弓各三張交協佐領按季操演不廢騎射兵農並重度土開荒至此而經營大備矣

伯都訥屯田

道光四年十一月十三日將軍富俊遵

旨籌議復奏開懇伯都訥空閒圍場既無林木又無牲畜約計地二十餘萬狗天地自然之利可資旗人萬年生計查吉林伯都訥阿勒楚喀等處現有納丁納糧民八萬九千四百餘戶此等民

戶安居已久生齒日繁地不敷種亦莫認荒開墾當必爭先恐後有所認懇荒地牛具籽種農器均係自備每人准領地三十大晌四人聯名互保第六年升科每晌地征制錢三百文小租錢三十文俟移駐京旗閑散到日交京旗地二十晌其餘十晌作為已產仍按數納租現當認墾之始曠野之地應預鑿井蓋房請照雙城堡章程每丁

賞給蓋窩棚銀四兩三十戶為一屯每屯打井二眼每井給銀十八兩聽其自行打井建蓋窩棚計每丁共合用銀五兩二錢在雙城堡中屯升科谷價暨備用項下支領至起租之年每丁地三十晌合納制錢九千文一年歸款尚有數餘統計地二十餘萬晌不無稍裨

帑項即將來移駐京旗閑散費用裕如較之辦理雙城堡旂

丁墾種事半功倍所有附近旂丁情願認墾者悉照民人  
一律辦理惟移駐京旗交地二十响其餘十响作為已產  
免其納租此項地二十餘萬响創墾之初陸續招認不能  
同時並墾所需經費辦理尚易且僅離伯都訥城百餘里  
所有詞訟以及升科征租各事宜均交伯都訥副都統督  
率該廳理事同知妥為經理將來招集民衆或須添官蓋  
房臨時再行仿照雙城堡章程妥議具

奏並咨伯都訥各城出示曉諭招墾派員丈地分屯申畫經  
界以道光五年為始其所徵小租作為各項弁兵書役工  
食心紅紙張費用每年招有佃戶名數領地若干及動用  
銀兩數目統于每年秋成後彙

奏一次等因具

奏奉

旨均著照所議行欽此遵即咨行伯都訥副都統等衙門出示  
曉諭名其地為新成屯分八旗兩翼每旗立二十五屯每  
屯各設三十戶以治本於農務滋稼穡八個字為號每一  
字各編為二十五號共計二百屯初報之戶積至三十戶  
為治字第一號即令歸入廟黃旗頭屯撥給地段墾種續  
報再積三十戶為本字第一號歸入正黃旗頭屯以後依  
號按旗挨撥周而復始八旗地界可以同時並墾五年已  
認佃一千一百二十七戶按八旗分撥四十三屯嗣據伯  
都訥委員勘丈新成屯閑荒僅數一百二十屯即將五年  
所招佃戶分撥字均改每旗十五號六年認佃九百十七  
戶分撥四十六屯前後綜計一百二十屯星羅密布與雙

城堡為表裏旗無徵糧民有恒產將軍富俊為生民計為  
京師旗人萬世計也後之踵議屯田者得此卷以為率田  
則事不難矣

